




7612


Karl Komp.


II

Hirsch Dr. o. P.









5839

Rej umart 1683.

Dublek

Druk pisanie r. 1671. 2 t. ika  
mę skonieczne w Bile Ossolin.

Gv. U.XII 5  
36

Zeturski w b. t. z. pisze.

Wtajdzianus Reg. e Nagr. Wojew. Lubels.

Po t. Regne libertas romanae

Dwuk. Polysanto napisat o powrocie mei  
polski

Wydali. w Wschowre Paulini

z Moraw. Drukarskiego. Ottor

zwanianiu autem

Tam mimo Druckt re Reg

(+) 1727.

Rej

1882. IV. 165.

648



Hist. pol

*duy latulane*

# DOMINA PALATIJ REGINA LIBERTAS

*Seu*  
FAMILIARE  
*amicorum*  
COLLOQUIUM

*De*  
Statu, Libertatibus, & Juribus.  
Regni ac Rei-Publicæ Poloniarum,

*ubi*  
Malevolæ extraneorum Obtrectatorum objectiones

*Solidè & Eruditè*  
REFUTANTUR  
Primis Typis Polonicè olim mandatum  
nunc verò Latinè redditum

*Ab*

Ænea Philone de Cantia Mascarino

Liliato Cive Cennio.

LIBEROPOLI

Apud Candidum Veriscribium

MDCCXXXVI.

Cantia Cantium Kent Regnum olim Saxo-Anglorum in Magna Britannia Cenni Populi Germaniae inter Celtes à Vetustis Sauromatis orti, ut apud Authores) cum quibus testantur Xiphilinus Caracallam bellum gessisse. Ven. Beda, Hoffmann in Lexico Universali Martiniere in Dictionario Geographicco. Cellarius Notitia Orbis antiqui Baudrand in Dictionario Latino. Strabo. Waldensels. Reyskius.

In Avitum Stemma  
FLLUSTRISSIMÆ  
CHODKIEVICIANÆ  
Domus.



Ut Patriæ Integritas sit prospera, tuta, perennis,  
Dimidium voluit, prompta SAGITTA pati.  
Hanc CRUX insignivit; quænam meta trophæis?  
Orbis nunquam! vix Astra notare queunt.

ILLUSTRISSIMO  
EXCELENTISSIMO  
DOMINO DOMINO  
ADAMO THADDÆO

Comiti in Petrykow & Turzec

CHODKIEWICZ  
PALATINO BRESTIANENSI,  
Wielunensi, Bludnensi, Daugieliscensi &c. &c.  
CAPITANEO.

Equiti Ordinis Aquilæ Albæ.



REGINA LIBERTAS, faustum felixq; videtur conscendere Solium, dum Tuos Emeritissimos contendit Pænates, ILLUSTRISSIME & EXCELLENTISSIME DOMINE. Haud potuit prospriori passu, Regio Regnatrix LIBERTAS commendata stylo, omniq; Soli æmula dilucidata eruditione, in publicam progredi Lu-

Legum conditori et auctorij illius <sup>cem,</sup> Jan  
Masalski sc̄ritanus Grodno fieri nunc s.

quam sub omni venerandi Orbi Nominis, sub Prælo Glo-  
riosissimi Palæmoniae Senatoris, sub Avitis Tuis videlicet  
Purpureate Heros Armis. Si enim Regum Regnorumq; amor  
es? cor vitæ liberæ? offert se TIBI Libertatis Prototy-  
pon, Si virtutum meritorūq; CHODKIEVICIANÆ Pro-  
sapiae compendium? Prædecessorum Tuorum, prima pro  
Libertate cura, labor, defensio, TIBI ad gloriam, Lechi-  
co Orbi exponitur ad exemplum: Si deniq; pæclarius  
omnium Dignitatum Sacrarium es? Imperiu LIBERTA-  
TIS, Salus Patriæ, quæ nil in vita carius, TUÆ Sago &  
Toga insignissimæ Domui consecrandum existimatur. Quid  
quid enim ambit Patria, hic reperit; è Prosapia TUA,  
seu è quadam Luminum Patria, ipsa pro tuenda Liber-  
tate producta terrestria Numina, erupti usq; ad invidiam  
Gentium radiant Clypei, hic Principum Diademata Heroū &  
Patrum Patriæ hæreditarunt Laticlavia, Hic Togati ful-  
gent Proceres, Trabeatæ resplendent Curules, quorum me-  
rita & gesta Orbi Sarmatico clarissima, Delfica nunquam  
satis celebrarent Oracula. Viderat Orbis pallidam Otto-  
manorum decrescere Lunam, audierat Sarmatia, paven-  
tem, non rugientem Septentrionis Leonem, quia ad ipsam  
Famam, magni Victoris CAROLI CHODKIEVICII tre-  
mefieri debuerant. TU quoq; neq; aliud præstare intendis  
ILLUSTRISSIME & EXCELLENTISSIME DO-  
MINE, nisi inclyte Libertatis, Juriumq; ejus gerere Af-  
fertorem & Propugnatorem: postquam TE paribus insigni-  
tum splendoribus, tot Majorum Tuorum circum fusum Ceris,  
Le.

Ut

Ha

Lechicus congloriari sibi cœpit Senatus, applaudit nimirum,  
quod parem oneribus reperiāt Athlantem. Suscipe igitur  
hanc devinctissimi Animi Nostrī tesseram, illo plenissimo gra-  
tiarum vultu, quem ab ipsa accepisti Indole, Nos vero, Su-  
peros supplici depositemus voto, ut TE Nostrum Munifi-  
centissimum ex electione Patronum, amplioribus onustum Ho-  
noribus, vix compari ornatum Gloria, immensa Annorum  
cumulent amplitudine, ut expectatio publica Civium, arden-  
tis Reipublicæ solatium, Nostrigꝫ Cœnobij vigeat & coro-  
netur Protectio: ita humillimo votemus pectore.

ILLUSTRISSIMÆ & EXCELLEN-  
TISSIMÆ DOMINATIONIS  
VESTRÆ

Servi & Exoratores  
obligatissimi

Cœnobij Suprasliensis Ord: D. B. M.  
Religiographi.

Au-

# Author Libri Polonicè editi ad Lectorem.

**L**ibertatem à libertate non nosci, grande piaculum existimavit magnus ille apud Tacitum, & verè Civilis Plato. Sordide servituti natum putat illum, qui libertatis decus ignorat. Catilina hostis licet, immo carnifex (ita illum Cicero appellat) libertatis, indignum vita censuit illum, qui animam liberi populi nempe Libertatem non spirat. Qui ergo libertati natus simili aut duriore censurâ notari non vult, mecum hic libertatem expendat, & ego quidem diffusore sermone sub amico aliquot Nobilium colloquio si non satis erudite, satis certe laboriosè libertatis natales, pretium, fundamenta, pericula, ceteraq; id genus Nobili juventuti aliquando circumscripta tradideram, hic tamen quia prolixior, si in Iliadem praesentem materiam contraho, atq; in breve veluti redigo compendium, omnibus, quæ ad rem non faciunt, etiam nominibus discurrentium prætermisis. Illud vero ante omnia monitum Te velim, quod in Pentagōnum praesentis Palati ad initium Columnæ primæ monueram, nimjūm non eō hoc spectare, ut Rempublicam Statutivè carpam, sed ut tenera Juventutis ad Libertatem natæ ingenia aliquo politica eruditioñis decoro, notitiaq; Libertatis Polonæ imbuam, sic itaq;

DIES

# D I E S P R I M A

Eruditii aliquod amicorum de Libertate Colloquij.

Primō differitur  
Quid sit vera & genuina Libertas?

**I**nīcum is servili livore debuit imbuere calamum, qui libertatem, (1) honestam insolentiam, & insolens decorum esse asseruit. Nos talem Libertatem ad Muscas & mimos relegamus, quibus insolescere quolibet in Convivio etiam non invitatis licet. Satiū dicimus & sentimus cum magno illo Statista & Oratore Romano: (2) *Libertas mihi erit rei à se, vel ab alio proposita voluntarium intra terminos recti & honesti studium, vel neglegitus.* Verūm est quod sicut (3) nihil est beatus homine liberō, ita nihil miseriū non liberō. Verum & id quod hominis abjecit speciem, immo homo desijt esse, qui est Libertatis fure exutus. Attamen (4) ~~solutem~~ licet humani generis concessa Libertas si insolentia scelerumq; ladatur confinio, teterrimam postabit pestem.

2. Dicimus & agnoscimus, quod (5) nemo sanus innocentiam appellat Libertatem, temeritas potius, audacia,

Az furor,

(1) Joachim Lepidius Lipsius. (2) Boetius. (3) Livius idem (4) Idem. (5) Plutarchus.

4

furor, impudentia, quam Libertas dici meretur. Scimus, quod amplè nimium dilatet, in altum extollat, profunde solidet fortunam suam Libertas, non tamen altitudine rationis terminos, non latitudine recti & honesti metas, non profundo virtutis & conscientiæ centrum debeat excedere. Pridem Orbis ejusmodi explosit Libertatem, qualis olim fuit Ulyssi concessa (6) qui convivio Deorum exceptus petijs, quid sibi liberte apud eos exercere liceret? omne id quid quid homini liberum non esset, responderunt. Talis Libertas in Regno Bacchi potius quam in Christiano Dominio locum habere debet, quem ex eo nominant Liberum Patrem (7) quod homines quidquid velint & possint facere, permittat, atq; omni metu sceleribus debito liberet.

3. Inordinata quoq; est & illa Libertas, quali olim fruebantur Sirvenenses, (8) in quorum congressu ut maluit & valuit quisq; concinebat, eo obtentu, quod liberæ voices & sensus, natæ ad Libertatem Gentis possint diversum sonare; Si tamen ex vario hoc sentiendi modulamine non unum edant boni publici respectum, zquè ac unum Consentum & harmoniam, jam id non ordinata Libertas, sed Sirvensis confusio erit: Utilem valde in hoc dat cautionem Libertati nostræ Orzechovius: Non frustra (dicit ille in manuscripto) ipsi Libertatis Parentes Antecessores Nostri, cor Patriæ suæ, pupillam Gentis suæ, eandem Libertatem nominarunt; Utrumq; id, tam cor, quam pupilla quia sunt circa excellentiam suam delicata, maximam exigunt vigilantiam, ut in instantate ad bonum & commodum humani corporis conserventur. Si enim excessus alicujus accessio, si vitiosus humor te  
ramen eorum corrumpere incipiat, cor noxia & subi mortifera symptomata, pupilla caliginem in totum corpus derivabit. Mihi jam non tantum au-  
rea,

(6) Com: natal: (7) Helicarn: (8) Valer: Max:

rea, sed supra ipsum cor & pupillam magis dilecta Libertas mea, o si te noſſes!

*O bona Libertas aurō pretiosior omni!*

*O primum summumq; bonum! quō tristē perempro*

*Nil gratum, nil dulce viris, sed vivere mors est.*

Si agnata vitiorum mala veluti corruptivos & pestiferos humores arcere velles, aut saltem haustum jam licentia pestem sanare scires, si intra honesti & recti terminos consisteres, si magnum hoc Reipublicæ Augustale in præcipitium fatalis licentia non protraheres, quam nobis & tibi bene foret!

4. Abominanda est illa Libertas, quam olim habuit Maritima Insula Cœus vocata (9) ubi qui fasti, qui nefasti Di-  
es; qui boni qui mali Dij, & quibus sacrificijs colendi es-  
sent, cuīq; de populo statuere integrum fuerat. Digna con-  
sideratione & memoriā illa sapientis Poloni verba: *Amo Li-  
bertatem in Curia, in Senatu suspicio, in armis pradico,  
ubiq; veneror, ubiq; depereo, sed tamen non ad aras, mihi  
enim Libertas religionis non politiam, sed Polytheam, hoc  
est confusionem, turbas, seditiones, pessim Re-Publica re-  
dolet.*

5. Differitur, quinam primi fuerunt Natales Libe-  
ratis? Qui vellet primas Libertatis cunas evolvere, huic Sa-  
piens Plato ipsum initium Orbis indigitabit. In ipsis statim  
nascentis Mundi incunabulis immortalis hæc portio Dei-  
tatis concessa hominibus cum mortalibus simul apparuit.  
Hæc tamen Libertas quam rationalis natura veluti inextima-  
bilem Unionem cum prima statim mundi existentia ferè in  
dotem à Creatore cunctarum rerum accepit unâ cum homi-  
nibus per campos & sylvas sparsis, habuit aliquid commune  
cum feris, agresti solitariâ & inculta Libertate gaudentibus.  
Postquam vero homines positâ feritate turmatim ad socia-  
lem vitam confluere cœperunt, dum se vel voluntariè electis à

se Ducibus sub imperium submiserunt, vel vi & violentia  
coacti potentioribus parere debuerunt, hi tyranni adducto al-  
tius superbæ Dominationis supercilio, quamvis non assuetos  
ad servilem subjectionem assuefecerunt, & ingenita spoliarunt  
Libertate, qui tamen ex post resumptis animis grave servitu-  
tis jugum excutere, a servitute ad ingenuitatem, a tyrannide  
ad popularem Libertatem devenire cœperunt, ad quod quia  
primum Græciæ sese resloverunt nationes, ibi proinde emor-  
tua illa prima cum natura accepta Libertas quasi iterum re-  
nata fuit: Exindeq; Græcia facta est veluti natale solum Li-  
bertatis, unde illa ceu Colonias quasdam ad alias nationes  
in Orbem deduxit.

6. Differitur, *An ē quomodo debeat esse eloquens atq; erudita Libertas;*, (1) Sapienter & genuinè genealogiam Li-  
bertatis Polonus noster demonstravit: *Servitus genuit Li-  
bertatem, libertas autem genuit Eloquentiam.* Parum a-  
pud se estimabant homines cum natura acceptam Libertatem,  
donec pretium ejus servitus ostendit, proinde quia hæc illos  
ad afferendam amissam Libertatem stimulavit, quasi ipsis ite-  
rūm fuit per eam renata libertas; postquam verò ferreus ser-  
vitutis conticuit stylus, in ejus locum svadendi, dissuadendi;  
artes liberarum mentium nutrices successerunt. *Ne si Severi-  
us* (dicit Plato) *cum studio jam Libertatis populo age-  
retur, austerior regendi ratio, seditiones, conspirationes  
Magistratum periculo provocaret.* Itaq; modestius impe-  
rare coacti Principes cum intra ordinem continendi po-  
puli morem modumq; invexerunt, si videlicet, quod vi ē  
metu cum periculo extorqueri deberet, id potius svavita-  
te dicendi, persuadendiq; copia d populo haberetur; hinc  
ortum duxerunt compositæ Orationes ad quas multitudo  
confuebat, & dicentis persuasione oblectatâ facile se in  
omnes partes duci sinebat, abinde tradendis lucubrandisq;  
de

(1) Tvardi vski.

7  
de arte benè dicendi præceptionibus primi sese Graci plu-  
rimum affixerunt, post eos ceteri Libertatis hæredes populi.

7. Ad id fortasse Democratis collimabat ænigma, quod  
olim Enecrati proposuit: *Nostri turpissimam, nequissimamq; Ma-  
trem, qua pulcherrimam atq; optimam generat filiam:*  
Ego enim ad id sic responderem: Mala supra modum, & tur-  
pis Mater servitus, pulcherrimam & valde bonam filiam Li-  
bertatem, neptem Eloquentiam edidit Mundo. Unde notum  
fit, quam consentanea sit liberæ genti Eloquentia, siquidem  
est filia Libertatis, quæ quia (ut liber Lacon apud Plutar-  
chum dicit) *semper florere, nullo annorum atatumq; vitio  
putrescere debet*, nunquam debet esse velut effæta, ceu absq;  
hac prole Mater. Quicunq; igitur sive ex beata nascendi for-  
te, sive ex virtutis merito cum Libertate connubia init, una  
& filiam ejus id est Eloquentiam dispensante ipsâ naturâ Li-  
bertatis, ut desponset sibi, necesse habet; alias ex imparitate  
statûs & conditionis malè ipsi cum illa conjugé hoc est Li-  
bertate conveniet.

8. Arescere sœpè sub oculis mundi pulchrè efflorescen-  
tes nationes debent, quando congenitum sibi Eloquentiæ suc-  
cum, & velut nutritium vigorem non habent. Diversus est eo-  
rum vigor, quos Regnantium *sic volo, sic jubeo* cōercet, alij  
enim ex aurea fisci tributiq; vena vitales derivant Spiritus,  
alij integritatem suam ferreâ dominantium virgâ sustentant, hi  
prædis & perjurijs, illi herili potentia subsistunt. Liberæ ve-  
ró Gentes quemadmodum à servitute, ita ab his humani ge-  
neris pestibus remotæ, integritatem suam magnâ parte in li-  
berè & prudenter eloquenti lingua constituunt. Benè castiga-  
tam Eloquentiam *Spiritum Libertatis* vocat apud Xeno-  
phontem *Heriscus*. Quia enim liberæ gentes multum distant  
à violentia, imbutos proindè Libertate animos mortalium ad  
id, quod rectum & communi bono salutare, jam non violen-  
ter trahere, sed suaviter ducere est necesse. Quod sola Domi-

na mentium & animorum efficit Eloquentia, Libertas est, ille  
*Rapidus torrens, vires cui verna ministrant  
 Flumina, & exuti conferto vellere colles.*

Opus est hunc violentum impetum, quali s<sup>e</sup>rpē Libertas redundat, ne notabile aliquod in novalibus Reipublicæ damnum inferat, scire dextrē derivare: alias mox vagus in campos frustra prohibentibus exit obicibus. Libertas est adhuc ferox ex natura sua, sed tamē mansuetum animal: facillimē effractis (dicit Eurippides) recta rationis repagulis cum liberis humana voluntatis cupidinibus in prærupta fertur, necesse est proinde magis consilio & prudenti industria, quām freno & stimulis scire illud continere in officio; in molli de tilia cavea Leunculus iste continebitur, ferream confringet.

9. Sunt sui (ait Seneca) ut corporibus ita & Rebus publicis morbi (1) maxime verò liberis Imperij malignum quiddam inest, ubi quantumvis tenue ac leve vulnus si negligas in totum Rei Publicæ corpus pestifera promanat tabes. Contra hos morbos cum aliundē nequeat esse medicamentum, quam à salubritate Legum, quæ communiter propter adjunctum imperij aculeum sunt acerbæ, opus est scire hanc amaram medicinam svaviter infirmæ libertati persuadere, quod sine Eloquentia (quam Livius condimentum Legum nominat) fieri non potest. Præcavet proinde in hoc & sapienter admonet filium suum insignis ille Firley Castellanus Woynicensis in exteris nationibus commorantem: turpe est hominem liberum ita agere in publico, ut ambigi possit cum Plauto liber servusne ad dicendum Veneris & turpe est Libertati natum, os mutum ac veluti revinctum circumferre, atq; alterius sententia non parere, quod honestum est, sed servire quod infame. Factas Nobilitatem generis & lingvam nobilem geras, necesse est: Quod si in te intercluso veluti Spiritu ruditis libertas obmutescat, quo tandem nomine ab ignobili serviliq; differes? Frustra deniq;

(1) Contarenus.

cateras seu corporis & fortuna, seu animi, immo virtutis, etiam in te congestas opes jaclaveris, nisi idem quoties communis Patria postulat necessitas, pro Comitijs, pro Casis, pro Judicijs, pro circulis, caterisq; id genus copiose atq; erudite differere, suadere, dissuadereq; & volueris & potueris. *Eccl.*

10. Ne verò aliquis erret, exlegemq; loquentiam cum legitima Libertatis Eloquentia commisceat, opus est cautione. Plures enim sunt ejusmodi, qui tunc eloquentes videntur sibi, cū ónes clamore superat, ac si ex inculta Janésiū natione forent (2) qui barbaram initio Libertatis tenuerant consuetudinem, ut disertissimus ille haberetur, qui potentissime clamasset, majoriq; præ reliquis peccoris atq; laterum contentione intonare potuisset. Uniuscujusq; sensui contradicere hoc illis popularitas, necessitatibus publicis privata interserere, hoc ipsis Libertatis Zelus, communem concordiam, externa vel sua cum publico dispendio querendo compendia, à desideratis effectibus amoliri, hoc ipsis liberæ vocis exercitium. Similes (sicut quidam magnus Senator ajebat) illis trivialibus Scholipetis, quos frequenter inter clamantes notant, excepto, quod hi ferulam Præceptoris, illi vero s̄epe pinguem ex vacantibus vel ex marsupio offam in pretium venalis reportant vocis. Verum est, quod dedebeat Libertatem habere lingvam post labra revinctam: Verum & id, quod Libertas prout à servitute, ita à muta & sedentaria assentiendi necessitate (3) debent esse alienas; potest, immo debet pro se loqui, ita tamen, ut nihil arroganter & superbe, nihil insolenter & stolide, nihil proterve & impie nihil pertinaciter & praefratte dicat, sed omnia prudenter, omnia pudenter, omnia salubriter, & decorè, minus honorificam illi memoriam sui ad posteritatem detulerunt, qui agnomen à tauro deductum habentes, quia aliquid per tumultum in comitiolis, solis clamoribus &

B

stre-

(2) Strabo. (3) Synesius.

strepitu per vim obtinere voluerunt, a quopiam redarguti fuerunt his verbis: *Heus heus jumenta! non cornibus sed rationibus.*

11. Nefas igitur insolentis linguae petulantiam velle pertinere ad Classem Eloquentie, nec populares habendi sunt, qui ut ignari qualitatis metallorum, sonò pecuniam probant ita clamore, & irreflexè obstinatò strepitù, sui pro Libertate Zeli specimen ostentant. Libertas nostra quamvis ferrò & Martiali strepitū accrevit, in sua tamen integritate sine prudentia & scientia nequit conservari. Viriliter ac animosè ferro uti, etiam gregarius miles potest, ast nobilem ex utroq; Cæsarem esse est necesse, non tantum Marte, sed etiam & arte scire servire Libertati, quia certè parum hisce temporibus juvant arma foris, si defuerit rectum & prudens consilium Domi. Libertatem vulgò vocamus aureum vellus, cuius securitati non satis prospiciet contra callidas invidorum Jasonum insidias, solà terribilis ingentium draconum custodiā. Insignis illa censura est, quia forte liberæ gentis Civem innodat Plato, *quod lingua atq; cordis capitifq; dissidium faceret illam dicendi præceptis excoleveret, hac negligeret: Verbis concinnam venustam, & non rebus eruditam, non probitate castigatam, non sapientem adferret Orationem.* Rectum de Libertate tulit Judicium Cato liberæ gentis Senator, quando illam sine eruditionis ornatu gemnam plumbo insertam esse censuit.

12. Romani Libertati, quam pro Dea colebant, pri-  
mum ædificantes templum, in atrio ipsius Bibliothecam lo-  
cârunt.

(4) *Nec me qua doctis partierunt prima Libellis  
Atria, Libertas tangere passa sua est.  
Athenienses quoq; Libertatem super Aquila ad Solem elu-  
stante pingebant, non ignari (ait Bisciola) Luci & Soli na-*  
14113

(4) *Ovidius.*

81

tam Libertatem non cum noctuis inter ignorantia tenebras cacutire, verum inter eruditionis splendores acutum cum Aquilis cernere debere. Protunc aliquomodò Libertati desipere licuit, dum adhuc sub ferula Dominantium ceu minorenis extiterat: quando tam Domi, quam in vicinia, Reipublicæ ratio fuit popularis & rudis. Ast de præsenti cum quocunq; te verteris, ubivis novam eruditæ etatis formam, novum sapientiæ habitum, tersum politissimi sculpi speculum intuearis; quando jam ubiq; ferè blandiri & assentari aqvum appellatur, dum egregius fallere & decipere est triumphus, quomodo sine erudito procedes ingenio? ipsa virtute & sinceritate parum juvaberis, fortitudine pro modo tempore, idq; non semper, tueberis te, si circumspecta non aderit prudentia, certè decus Libertatis in diffcili & lubrico consistet.

13. Differitur, quodnam debeat esse premium Libertatis? Olim adhuc apud liberos Sparthanos hæc nata est quæstio. Quidam enim Ægyptius postquam coram Fragilo Rege (testatur Rosinus) studiosissimum se esse Libertatis confirmasset, ab eodem, an probe sciret, quid sit Libertas? interrogatus, ipsam anima sua animans esse respondit, ostenditq; nullum tam magnum, tam eximium, tam singulare bonum homini a Deo esse concessum, quod cum Liberrate in comparationem venire possit. Gnari erant valoris illius Romani, dum ædificato Libertati sacrario, Iconem ipsius in corde aureo adamantinis occluserunt iugulis. Parcè me judec is Libertatis taxavit pretiuj; qui dixit:

Non bene pro toto Libertas venditur auro.  
Legimus enim de pluribus, qui eam vitâ propria redimebânt. Obsessi à Mario Romano Astanenses considerantes, quod patria municipalia Jura, suaq; Libertates retinere non possent in medium forum (testatur Strabo) pretiosissima quaq; Con-

juges, insuper atq; liberos id ipsum volentes congesserunt, stramento ac lignis incendio aptis cinxerunt, ignemq; subhicientes ipsi citato agmine patentibus portis eruperunt, atq; strenue pugnantes, servitutem quam cum Urbe capti subiissent, honesta morte redemerunt.

14. Titus quoq; Quintius Romanus libera Civitate Græcicæ subacta, dum in foro congregato populo proclamare jussit se illi antiquas ejus Libertates conservaturum, majus gaudium fuit, (dicit Livius) quam quod homines caperent, tantusq; cum populi clamore plausus est ortus, as toties repetitus, ut aves, qua tunc supervolabant, attonita paventes deciderent, facileq; appareret, nihil homini, ne vitam guidem libertate esse potiorem. Nec præsens tantum omnium effusa latitia fuit, verum post multos dies gratis cogitationibus sermonibusq; in tantum constituta, ut vix ad cibum cogente fame respicere possent. Tyrannicâ quidera Staterâ, attamen non exiguò pondere Libertatis suæ pretium æstimabant olim Lugdunenses: Hi in extremis ferè strictissimæ obsidionis angustijs existentes, denuntiarunt hosti (1) alimenta sibi non defutura, donec lævum brachium restaret, hoc esuros, dextera inierim ad Libertatis defensionem reservata. Nequit satis adhuc stupore defixa posteritas demirari illum Sparthanum Adolescentem, qui in servitutem venditus dum à Domino suo ad servile quodpiam obsequium fuerat destinatus, lapidi allisit caput suum, inclamans: Non seriam; Et italiber Sp̄tarianus quamvis in servitute, mortuus est

15. Brutus ipse post expulsum Tarquinium Tyrannum Libertatis Romanæ assertor, pluris eam æstimavit, quam proprios filios (2) quos cum Tarquinio ac servituti iterum in Urbem cum Regno reducenda stodere compcriisset, in forum protractos virgis primorum cadi, post securi percuti jussit. Ast non modo virilis, muliebris quoq; resolutio masculo amo-

(1) Justinus. (2) Valerius maximus.

lo amore Libertati litare didicerat. Lacedemoniensis Matrona, dum illam captivam servili cautere signare juss erat hostis, crepto de latere ipsius gladio semet transfodit, intinctoq; in sanguine digitō inscripsit parieti: *hanc potius Libertatis non tam.* Deprædicat quoq; Dardanensem mulierem Seneca, cuius filius in captivitate natus dum adolescere incipiebat, ipsa illum suffocavit, ac supra cadaver ejulando clamabat. *Non vivat, ne serviat.* Nemo igitur miretur, quod nobis quoq; liberæ genti illa, quæ omnes omnium charitates complexa est sapiat Libertas, siquidem prout idem affirmat Seneca: *Non fortuna, non liberi, non vita ipsa potior libertate a liberiis populis habita.*

16. Differitur, an possit debeatq; aliquando honeste servire *Libertas.* De Theorisco, quem Plutarchus *vulnus Atheniensium Libertatis* vocat, legimus, quod ipse cupiens decus Patriæ potentiorum libidini gratificari, illicij seu allestanti loco, quo incautum populum in Casses servitutis posset pellicere, sparsit clandestina primum, & demum publica per circos & circulos circumscribendæ Libertatis consilia, jam melioris ordinis, jam majoris boni emolumenta, jam florentiora in confiliis, bellis, publicis privatisq; negotijs tempora promittebat: crassum servitutis funem veluti serico aliquo Ze li & eloquentie fucò circumvolvendo; verbô, sicut unus ex ijs, qui (veluti compositores fabularum assunt:) equum eó modo infrænarént, dum coriaceum frænum auro & argentò contingentes, ut illud ad decus & ornamentum suum Capiti imponere permetteret, illi persuaserunt.

*Sic qui pauperiem veritus, potiore metallis  
Libertate caret, Dominum vebet improbus atq;  
Serviet aeternum, qui parvo nesciit uti.*

17. Edocuit nos eiusmodi fraudulentus propriæ Reipublicæ venditor, quod & servitus, quæ Seden tariam afftienti-

di necessitatem Rebus publicis veluti invitabile & domesticum fatum adserit, habeat tamen suus pro Domo sua in Regno libertatis Oratores, qui sub dulci hoc melle venena libertati propinuant. Et hæc est Libertas serva, seu verius hi sunt libertati suâ pestilentiâ eò nocentiores, quo magis teat. Optimè præmonet subtilis Politicus (1) *Nisi sylva humani generis excisa, non defuturos aliena libertatis raptore lu-*  
*pos;* hi sunt præcipue illi, qui *Principum aulis veluti animalia caveis inclusi, quo mollius delicatusq; ali soliti, eo*  
*durius miseriusq; servientes.* Tales Consiliarios equidem tanquam adjutores ad opprimendam Libertatem Romanam spectavit, attamen quia sordidum obsequium & servilem patientiam odio habuit Tiberius Cæsar, cundo ad publica consilia, ipsosq; suis familiaribus indigitando, dicere solebat: *O homines liberos ad servitutem paratos!* prout testatur Tacitus. Sunt (dicit noster Polonus Krasinski in alloquio ad E- quites Polonos) quos non fortuna communis, sed favor Principum, largitio, cateraq; pestes ad dicendum impellunt, vel in dicendo prohibent. Auream illi ex sensu Democratis nacti linguam, qua nonscit pro se innire, pro alio, vel cum râcer, vocalissime loquitur. *Nisi clavum quendam illorum lingvâs dici malis,* quo Libertatis navicula inquiete periculoseq; circumagit. Tales Libertatem cogunt miseram servire servitutem, cum & ipsi (quod Crassus Romanus de similibus illorum jaclare consueverat) sub pileo Libertatis rasuram circumferant servitutis.

18. Abominabilis hæc, quia nimis sordida servitus, quam filij noxæ in Libertatem inducunt: Non est tamen nec debet esse ita exlex Libertas ut suum non habeat frænum. De libera quia Polona Gente scripsit Kochanovius:

*Super feroce Hercyna sylva feras,  
Furis refranans circulus collo datur.*

(1) Andreas Crescentius

Et

15

Et hæc est honestissima servitus Libertatis æquitati, superioritati, rationi subesse, ac ipsum pene ferientem sydera verticem jugo Legum subdere. Prudenti ac libertatis gnaro meminisse opus est illius dicti; quod quondam Galba Pisoni apud tacitum inculcabat: *Imperaturus es hominibus, qui nec servitutem pati possunt, nec totam Libertatem.* Libera gens longè distare debet à misera servitute, attamen totam Libertatem, hoc est effrænem sine Lege licentiam habere non debet, sed sæpius Libertatem propter libertatem adimere, alias brutis, quam hominibus similiores sine Lege effrænes, Libertatis impotes esse vellemus. Bene nos monet hac in parte libera quondam Roma, in qua postquam *Libertas superbum caput super Leges insolenter extulisset, illud ausa est, quod tyranus etiam horruisset.*

## D I E S   S E C U N D A

*Eruditii aliquot amicorum de Libertate Colloquij  
Disseritur.*

*An omnibus populis expedit esse liberos?*

I. **B**d vero illustro discursu ex adversionibus cuiusdam Nobilis à me excerpto, qui ab illo ne sit scriptus, an aliunde exscriptus? mihi non constat. Non sine Politico mysterio Sapientes Athenienses Libertatem sub Imagine Lunæ in fano DEÆ Pacis. (ut est apud Majolum) exhibuerunt; Id enim forte posteritati inculcare voluerunt, quod sicut Luna aliud habet splendoris sui decus in Novilunio, aliud crescens, aliud in Plenilunio aliud decrescens, tandem ad extremum sua ex toto privatur luce, ita Libertas varios genios & nationes percurrentes veluti luna post suas incrementorum & decrementorum Phases varia pati

pati sivevit symptomata, hic veluti in Novilunio gliscere incipit, hic sensim auctior ad maiorem emititur Lucem, hic in plenitudine suæ perfectionis consistit, hic ad occasum vergendo paulatim deficit; hic violentas Ecclipses interpositâ servitute patitur, alibi pridem extinta in obscuro jacet.

2. Hæ & his similes vicissitudines non tam Libertatis, quam Populorum Nationumq; inclinatione ac veluti nativo vitio sunt. Sunt etenim quædam Gentes, quibus Libertas est noxia. Russus Consul Romanus Bactrianos fideliter in bello contra Parthos & animoq; militantes pro speciali tanti meriti stipendio libertate donavit, ad Jus Romanorum Civium admitendo. Verum id in Senatu vitio putavit (2) Caius Servilius addens pro ratione: *Brevi ea facturos Bactrianos, propter quæ in graviorem, quam ante servitutem redigi merebantur; quod etiam evenit.* Augustus aliquot Civitates in Africa pro earum meritis quamvis Libertate cum Romanis coquavit, Cives tamen illarum nondum integrō Annō explēto ad primam Regiminis formam aspirarunt, & publico consensu legatos Romam expediverunt, ac pro data Libertate gratijs actis, ut congrua genio suo Reipublicæ forma restituerebantur, institerunt. Unus ex iis perorando in Senatu Romano inter alia dixit (3) *Libertatem alijs rem esse saluberrimam pradicamus, nobis periculosa sentimus, alijs bonum inestimabile, nobis dolosum, alijs ipsum Nomen illius dulce, nobis amarum.* Porro quædam ex prescripto ipsius Tovis confecta est Liberas, alijs ad felicitatem salubris, nobis primo gustu arrideret quidem, sed diffusa in venas latente veneno inficit, enecatq; Ulyssem humana prudentia exemplar sequimur qui Syrenum insulas cum classe transiurus cerà suorum aures obturavit, se vero ad malum nivis alligari curavit. Alii enim in sinu Libertatis secure sfaviterg; dormiunt, nobis illa Syren est; melius est nobis bono.

(2) Livius (3) Macrobius.

bonorum Virorum servos, quam mala hujus uxoris maritos esse.

3. Ita his gentibus, cum illorum genio non esset accommodata, nocuit Libertas, quamvis protunc umbra solummodo illius remanserat, ac in hoc unico (ut Lucanus affirmat) consistebat, si: *quidquid jubeare velis.* Stat proinde haec veritas, quod *non omnes populos convenit esse liberos.* Hi in primis, qui sub Zona torrida, praesertim intra tropicum, vel prope illum degunt, quia sunt naturâ timidi, ex timore autem precipites, & crudeles; omnes fermè servili sunt indeole; excessivus etenim ardor insitum calorem ex illis evocat & spiritus vitales, quos animales vocamus, attenuat, debilitatq;, unde in illis nec affectio integri esse potest, nec ratio constare magis aut minùs, quam prout illi calori magis vel minùs sunt obnoxij. Tales nationes sub absoluta Monarchia, aut nihil prorsus, aut aliquantum Aristocratico, Jure temperata degere expedit, pro ratione, uti sunt magis vel minùs ad obtemperandum aut imperandum natx.

4. Hi vero, quos penetrabile Boreæ frigus adurit, si non fuerint Literis, politiâ, & humanitate exculti, aut ad minimum externis Cultis gentibus permisi, non erunt, quoq; ad libertatem sustinendam apti. Intensum enim gelu, vitales eorum Spiritus in unum constringit, & concentrat. Unde provenit audacia, quæ, quia caret exultæ rationis frænô, evadit communiter inconsultè temeraria, sœva; ad hanc refrænandam absolutum Regimen necessarium, quia libertas audaci & barbaræ genti, iret in augmentum temerariæ sœvitiae. Si tamen rationis morumq; cultura, vel coabitatio cultis gentibus accedet, hi quoq; magna moderatione & prudentiâ Libertatem sustinere possunt. Habemus hujus evidens documentum ex illis Theutonibus, Francis, & ante illos Cimbris, Herulis, Gothis, Vandalis, post illos Hunnis, Danis, & alijs multis Sclavorum Gentibus, inter quas nos quoq; Poloni computamur: Hi à Septem trione

trioneerumpentes, cum ingenti audaciâ, incredibilem per Or-  
bem exercuerunt sævitium. Quam primum verò, barbaros su-  
os mores, humanitate & Literis excoluerunt, florentia ordina-  
tâ libertate, instituerunt Regna. Hinc optima resultat præmo-  
nitio, quantum nobis eruditionis cultura sit necessaria, ut Li-  
bertatis decus sustinere capaces simus: Quandoquidem Bore-  
ali frigori adjacemus, quod hominum ingenia inconsultè au-  
dacia, & temeraria, & quod exindé pullulat, sæva nimis &  
crudelia formare s̄vevit.

5. Qui ex colliuvie variarum Nationum cōáluerunt, illos  
ad seruitutem hæc ipsa mixtura destinavit. Tales enim quieti  
fidi, constantes esse nequeunt, quia eorum non unus animus  
veluti hirco-cervos quosdam multis multaruni Gentium vitijs  
animat Exemplum est oculis subjectum fidelibus ex vicinis  
nostris Valachis, Italî quoq; apud me ejusdem farinæ, quam  
primum Gothis, Vandalis, & alijs gentibus commixti fuérē  
(1) De Italî tamen exceptio Sapientis Lipsij tenenda est: atq;  
hac cautio mea propriè in vulgus dirigitur: Nam de No-  
bilioribus quid diffitear? revera Optimates illi plerumq; o-  
ptimi, celsi, sinceri, virtutis, gloria, Literarum amantes  
In vulgo aliter esse observamus, qui fex & limus & vere  
vulgus: Itaq; in illis vetus Italicus aut Romanus sanguis  
fere apparet; in istis perijt, & nonnisi clare Gotorum Van-  
dalarumq; reliquæ cernuntur. Regiones temperata omni-  
um Judicio ad libertatem accommodatissimæ; Hæ enim si-  
cut saniora corpora, ita & meliora, quietiora, moderationiora pro-  
ducunt ingenia, nisi rudi barbarie (quam rubiginem ingenio-  
rum, animorumq; dicit Seneca) corrumperentur, quæ quam  
diu ex illis politiori culturâ terfa non fuerit, splendorem liber-  
tatis non admittet.

6. Verum parùm interest alienas perscrutari gentes, sit  
Laus DEO infinita, quod nobis Polonis vestitus Libertatis ita  
conveniat, quasi ille nobis, naturæ nostræ & genio planè ad-

(1) 16. Epistola 22.

hære-

hæreret. Sint gratiæ extero *Cassio*lo Veneto, qui Libertatis nostræ perennaturum monumentum tale erexit Orbi. Lib: 1. Politicorum:

*Polonia Orbis Annulus, annuliq; hujus gemma.*

Libertas.

*Polonia Orbis Oculus, Oculiq; hujus Pupilla*

Libertas.

*Polonia Orbis hortus, hortiq; hujus Laurus.*

Libertas.

*Polonia Orbis Paradisus, Paradisiq; hujus delicia*

Libertas.

*Polonia Orbis Calum, Caliq; hujus Sol.*

Libertas.

Faxint Superi, ut hoc de Libertate nostra oraculum alienigenz

*Non imber edax, non Aquilo impotens,*

*Possit diruere, aut innumerabilis*

*Annorum series & fuga temporum.*

Nos quoq; pro illa levando in Cælum manus eandem tenerò alloquimur affectu:

*Gemmae Libertas sunt sacra tibi atria Lechi*

*Ista lubens igitur non abitura cole*

## *ATRIA LECHI.*

7. Differitur an possit Libertas se ipsam perdere, ac veluti proprijs viribus obrui.

Quod ut plurimum Libertati maximum in ipsa Libertate positum sit periculum, sapienter quondam præmonebat apud Livium Syracusanus Hiero, Liberæ vero Reipublicæ non semel suō exitiō hanc comprobarunt veritatem: Id enim infelicitatis (asserit Vopiscus) habent liberarum Rerum publicarum Corpora, ut omni ex parte facile corrumpi, fatigè pestem concipere possint, eo difficiliorem curatu, quo molliori, delicatioriq; Libertatis receptionem temperamento

imò neq; cognitu facilem, siquidem sub obtenu pratexuq;  
*Libertatis mortes istæ propinantr Libertati.* Magnum in  
 hoc arcanum subtilis Politicus Tacitus comprehendit, dum  
*corruptæ & à se degenerantib; Libertatis vipereum esse*  
*solere fatum afferuit.* Procul dubio ad hæc ille respexit,  
 quod viperam proprius illius fætus in illa conceptus nascendo  
 dilaceret, *Quem quia illa concipit & fovet, ideo acsi se ipsam*  
*suâ sponte perimit.* Et quoniam *Libertas*, quandocunq; ad  
 suum tendit interitum, similia semper experitur fata, nam  
 in suam perniciem nunquam ferè manibus utitur alienis, sed  
 propriæ sobolis in sua sacrilegas convertit viscera dextras, id  
 circa vipereō quasi funere à proprio dilacerata fætu extingvi-  
 tur. Pridem Orbis tot liberarum Gentium expedivit funera,  
 pridem illis requiem decantavit servitus, quibus si Epitaphi-  
 um inscribi deberet, maximè quadraret hoc vipereum cum  
 inscriptione Taciti, *Symbolum.* Sepelivit Roma suam per  
 Orbem penè totum per illud *Civis Romanus sum, extensam*  
*Libertatem*, cuius veluti funebrem pompa in sua Pharsalia  
 describens Lucanus quasi lemma quoddam præcitato addidit  
*Symbolo.*

*Libertas (inquit) Populi quem Regna coercent,*  
*Libertate perit.*

Hoc *Libertatis Romanæ* fatum, quia sicut magis vocale, fu-  
 sius illud describere placet.

8. Simile quid cum unaquaq; fere, quæ jam collapsæ  
 sunt, verum evidenter cum *Libertate Romana* actum est, quod  
 accidere consuevit infirmo, hic continua jactatione & loci mu-  
 tatione quærit levamen doloris, ast malum visceribus inhærens  
 nihilominus haud excutit; dolendi tantummodo inveniendo  
 varietatem, malignitatem morbi auget, ac eō ipsō, quo volu-  
 it sibi malilevamen adferre, membra debilitando, semetipsum  
 suis remedijs frequenter perimit. Sub Imperio primū septem  
*Regūm* floruit & augmentabatur Romanæ *Reipublicæ Corpus*,  
 quo usq;

quousq; Tarquinij superbi tyrannis veluti maligna febris illud non invasit. In cuius fastidio existentes Romani jactarunt se, & veluti locum mutarunt, translato in duos Consules Imperiō. Videbaturq; protunc ipsis, quod haustā hac aurā Libertatis morbum levassent, reverā autem idem malum permanxit testante historia: *Non insignem aliquam portionem, verum initium veluti quoddam ac viam ad Libertatem Romana res accepit; Nihil tamen ex Regia potestate diminutum fuit, praterquam quod perpetuus Regni, in annum Consulū transierit Dominatus.* Omnia namq; Jura, omnia Regni Insignia primi statim Consules rapuerunt eādem penes plebem serviendi manente necessitate, quæ cum tyrannum effugisser, tyrannicos invenit.

9. Non potuerunt proinde Romani etiam in hoc situ habere liberam facultatem respirandi, ideoq; jactarunt se aliter; temperarunt quasi illimitatam potentiam Consulū imperio Dictatorum, quos tamen ad tempus tantum & in extremo Reipublicæ periculo ad terrorem cunctorum instituebant. *Summa potentia* (ut ait Livius) *unicum robur quo tempore & Consules, alliq; omnes Magistratus vocabant, & uni huic párere cogebantur.* Verūm & ista mutatio quo altius Dictatores supra cæteros Magistratus extulit, eò magis malum cuius levamen quærebant, intendebat. In aliā proinde partem revolvi cogebantur; Plebs enim fermè tota, Consulū Patrumq; gravata Imperiō ab ijsdem turbulentissima seditione se separavit, & non priùs ad obsequium rediit, quousq; sibi inter cæteras prærogativas apud Consules Patresq; non extorsit, ut sibi sui Magistratus ē plebe essent. Concessum est ipsis proinde, ut eligerentur Tribuni plebis, quorum potestas in eo consistebat, ut in vestibulo Curiæ constituti omnia secreta & Decreta Senatus censerent, & si in illis aliquid reperiretur, quod plebem aggravaret, solenne illud *Veto Polonico* nostro *Nie pozwalam* haud absimile apponendo, cassaret; Qu-

lem potestatem terrestres nostri Nuntij prima sua institutio-  
nē, dum Senatus cum Rege ferebat Leges, ac ipsis ad deli-  
berandum, assentiendumq; communicabat, in Comitijs habu-  
erunt. Hoc suorum Tribunorum Officium Romani vocabant  
*Fus rogandi, Fus intercedendi, Fus vetandi, potestas Sa-*  
*crosancta, quam etiam verbō lādere grande fuit nefas, &*  
*morte piandum.*

10. Quamdiu hęc Tribunitia potestas intra præscriptos  
primā institutione, continebatur terminos, & supra suam obli-  
gationem per abusum & audaciam non excedebat, fuit Li-  
bertati valdē salutaris; quia & Senatum refrænabat, & subli-  
mem Consulum potentiam temperabat, adeoq; totam Rem-  
publicam in tali conservabat temperamento, quale eō tem-  
pore illis exigebat Constitutio. Verūm quam primum Tri-  
buni fiduciā Sacrosancti juris sui elati, minusq; contenti eō,  
quod ad ipsos ex primo instituto pertinebat, turbulentis roga-  
tionibus assiduo Rempublicam intricabant, ipsisq; Leges pro-  
libitu ferebant, bella indicendo, Provincias, Exercitus, Offi-  
cia his adimendo, illis tribuendo, ac in Dominio Romano o-  
mnia, summā disponendo authoritate, ex defensoribus Liber-  
tatis facti sunt tumultuūm & perturbationum in Repùblica Au-  
thores, aut Cooperatores. Quoties etenim ad tumultus facti-  
onesq; sese obtulit occasio; non deerat seditionis & turbul-  
lentis (inquit Valerius Maximus) finalis fax Tribunitia,  
qua illorum temeritatem & audaciam vel ruenienti co-  
mitaretur, vel languentem actionibus suis inflammaret:  
Difficilē foret horum cuncta enumerare exempla? nota sunt,  
& altæ impressa memorię illorum, qui revoluunt historicos:  
His perpensis haud difficulter concludere quisq; debet, quod  
seditionum omnium. (ut idem fatetur Author) causas Tri-  
bunitia potestas vel excitavit, vel promovit, specie quidem  
tuenda Libertatis obſistendo. re autem Dominationem si-  
bi acquirendo, tum populi, tum Potentiorum ſudia aucu-  
pando.

pando. Et ita status popularis quamvis loco novissimus, potentia tamen varijs Legibus firmata penè primus evasit, vix enim non omnem Authoritatem Senatui eripuit, ipse condebat Leges, ac totum Imperium gubernabat, hoc tantum relieto Senatui, ut commodè in Curulibus penes suos Consules assideret.

11. Hæc proinde maligna febris, quæ à tyrannico Tarquinij superbi Dominio initium sumpserat, tali, sub curatione Tribunorum mutatione, jam de sua malignitate remiserat, sed quia salutiferum temperamentum excessiva demum Tribunitiæ potestatis dosis corrupit, gravis valdè licentia ex abusu Libertatis natæ paroxismus Reipublicæ Corpus occupavit, opus ideo fuit nova iterum sic affectæ Libertati iactatione; Exinde aliam regiminis formam introduxerunt Romani, elegerunt, constitueruntq; sibi Decem Viros, qui cum summo Imperio præsenterent Reipublica, fusq; Populo redde-rent; Verum hoc quoq; modò, ita Regimen & Libertatem emendarunt, ut testante Liviò, multiplicato terrore decem tyrannos ferrent: hæc mutatio vix duravit biennio, successit alia affecti Corporis revolutio: Confugit Populus ad solitam seditionem, Decemviratu abrogatò iterum Consules, iterum Tribunos suis restituit Officijs. Nihilominus hanc quoq; Reipublicæ pertæsus formam, Tribunos militares cum Consulari potestate adjecit; Modicò temporis intervallò rediit iterum ad svetus Consules, ac in hoc Regimine perdurauit, quo usq; omnes Julius Cæsar non subiugavit, ac insolentem Libertatem ipsa non sustulit Libertate, quod hisce perfecit mediis:

12. Tres eo tempore fuerunt in Republica alijs famâ ac potentia eminentiores: Crassus, Pompejus, ac Julius Cæsar, qui cautione amicitia (inquit Dio) inter se constituta, adjuvantibus per suas rogationes Tribunis totum feré Imperium, Remq; Romanam invaserant, ita inter se fadra comparantes, ut unus semper præsens in Urbe consul esset, qui

qui absentium honores propugnaret, & auxiliò Tribunitio promoveret; Et quamvis singuli ad Dominatum eversa Libertate aspirabant, quia tamen unus alium metuebat, decenniò ferè in hac amicitia persistentes, Rempublicam per turbulencias Tribunorum rogationes, quò libuit pertrahebant. Julius in Gallia, Crassus in Asia præerant exercitibus, Pompejus Romæ agebat Consulem. Interea Crassus à Parthis victus ac interemptus dum solummodò reliquit exmulos, ut enim loquitur Dio: & Pompejo suspecta Cæsaris opes, & Cæsari dignitas Pompeij gravis fuerat, nec Pompejus voluit ferre parem, nec Cæsar superiorem. Attamen hæc exmulatio non nisi post mortem Juliæ filiæ Cæsaris, quam uxorem duxerat Pompejus, in Publicum erupit. Pompejus enim, qui Julio quamvis contra Leges, quia absenti, per rogationem Decem Tribunorum obtinuerat Consulatum, iterum id extorsit per eosdem, ut nullâ mentione factâ promissi Consulatus, mandatum fuerit Julio una cum Officio Ductoris Exercitum, gubernium Provinciæ deponere, ac alteri resignare. Paratum se ad ea ostendit Julius hæc adjectâ clausulâ, ut ipsi priùs promissus Consulatus traderetur, ac palam declaravit, quod alter nec Regimen Provinciæ, nec copias militares alteri sit resignatur. Circa quæ ut possit subsistere, ad Tribunos, velut ad solitum potentiorum cupiditatis asylum pro manutentione sui recursum fecit.

13. Idem fecit Pompejus Tribunorum captando favores, per quos iterum Romæ obtinuit, quod contra Julium decreatum fuerit, ut Provinciam, atq; exercitum dimitteret, nî ita faceret, eum hostem Patriæ futurum: Huic sententiae aliqui Tribuniplebis (testatur Pomponius) Intercesserunt. Qui cum admittente Pompejo, è comitio fuissent ejeci, ad Casarem in Galliam penetrant; los ille in Corcionem apud milites producit, queriturq; se ita in Patria meritum, hostem Patriæ condemnari non auditum, Tribunitians

riam intercessionem, adeoq; Libertatem Pompeji armis opprimi: Hortatur deniq;, precaturq;, ut cuius ductu tot secunda prælia fecerint, atq; Orbem perdonuerint, ejus dignitatem ab invidia amuli, Libertatem ab ejusdem, & Senatus tyrannide defendent. Neq; segnius Roma Pompejus contemptas a Julio Leges, oppresamq; Consulum Senatusq; Authoritatem, eversam Libertatem crepabat: cùm tamen neutri cura fuissest Libertatis. Et sic hi iniqui tutores Libertatis cognatafq; acies fraternaq; cominùs arma in se convertentes jugularunt libertatem gladio libertatis, ac liberis Gentibus hanc monitionem relinquerunt: (1) Nullum præsentius Libertati timendum existium, quam ipsam Libertatem. Habebat Romana Libertas plures ab ipsa experientia præcautiones, benè novit, quo effrenis primùm licentia Tribunorum plebis, quo illæ potentiorum præcipue inter se similitates, quò Reipublicæ Ordinis Inferioris contra Superiorem conspirationes, quò præcipites Magnorum & potentiorum Capitum proscriptiones collimaverint. Attamen eatenus fuit insensibilis, donec ipsam Julius, & post eum succedanei tyranni penitus oppressissent.

14. Differitur. Cur nunc Libera Reipublicæ varius difficultasq; concedant, quam olim fieri consueverat.

Hæc difficultas quia est conjuncta cum notitia Reipublicæ, opus proindè prius noscere Status, sive formas Rerum publicarum: Nam mutari Rempublicam nihil aliud est, quam unum Reipublicæ statum sive formam converti in aliam, aut à reæ legitima Reipublicæ forma degenerare in vitiosam. Quatuor sunt Status sive formæ Rerum publicarum: prima dicitur Monarchia, quam etiam vocant Regnum, altera Aristocratia, tertia Democratia, quarta Forma mixta ex præfatis tribus vel duabus composta.

D

(1) Contarenus

sita. Monarchiam ita describunt: *Est unius, cui ceteri omnes parent Principatus, communem Reipublice universa utilitatem spectans.* Talis Status Monarchicus adhuc subdividitur: aliae sunt *Monarchia absoluta*, sive *exleges*, ubi omnes & omnia in Republica dependent à voluntate & arbitrio imperantibus. Ejusmodi nunc est Monarchia Turcica, Moschovitica, Persica, &c. Aliæ Monarchia sunt *Legibus revista*, in quibus potestas Imperantium juratis per ipsos Legibus plus vel minus est restricta, qualia sunt alia Dominia Christianorum. Utraq; hæc Monarchia aut hereditario jure ad Successores Dominantis Familia devolvitur, aut ex Libera Populi Electione non sanguini, sed virtuti, & dignitati datur.

15. Quævis ejusmodi Monarchia, tamdiu est recta & legitima, quamdiu habet pro fine ac veluti meta commune bonum, & utilitatem Reipublicæ. Alias si Monarcha privata sua commoda cum malo queret publico, jam desinet esse legitima Monarchia, sed erit tyrannis vitiosa. Proprium verò commodum queret non solum tunc, quando in suam personam seu familiam, verum etiam, dum in singulares Civium personas sibi ad promptè obsequendum adventas & malo publico adoptatas, aut etiam in unam partem Reipublicæ cum præjudicio aliarum multa derivat, ut injectò semine discordiarum inter Status, aut principaliora Reipublicæ capita, per illos, quos sibi devinxit, possit alios premere.

16. Adnotant plures Politici causas, unde veluti ex fonte tyrannis in Respublicas exundare conservaverit, sed hæc omnia possunt revocari ad duo Capita, à quibus sicut alia omnia solitaria mala, ita & hoc *compendium omnium maiorum scilicet tyrannis* suam deducit originem. Primus est fons tyrannidis ipsi Dominantes Monarchæ, qui & si sint à natura

à natura subinde ad bonum proclives & gratosi, possunt tamen imò communi consuetudine soliti sunt mutari in pejus. Sapienter enim dixit Seneca: *Reges sceleras si nesciunt, Regnum docet.* Nero in primordijs optimus est habitus ac clemens adeò, ut quamvis justam ad mortem alicujus sententiam subscriberet, fieret. Quâ de causa Senatus non tantum actiones, verùm & verba ipsius digna fuisse judicavit, ut aureis argenteisq; columnis inscriberentur. Successu verò temporis regnavit sanguine multo, ac documento probavit, quid magna vitia in summa fortuna possint. Ideo Republicæ suorum Monarcharum potestatem Legibūs, jumentis, alijsq; modis fortiter ligant, optimè scientes (1) quod licet boni & clementes sint, quia tamen malum esse licet Principi, formidentur. Et quamvis nec malas à natura inclinationes ad Imperium adferant, nec bonam indolem mutent Principes in Imperio, contingit tamen aliquem eorum esse aut *ignavum*, aut *incautum*, & *nimum indulgentem*; quare si est *ignavus*, tanto oneri censem se esse imparem, aut serijs & gravibus vacare negotiis recusat, quodsi *minim prudens aut incautus*, vel *nimum indulgens*, parum discernit, & ideo ad formidandam aliquos Cives potentiam supra alios, & subinde vix non supra se elevat.

17. Insuper duplex tyrannidi aperitur via. Prima ex parte Imperantium, altera ex parte eorum, quos Imperantes ad tanta extollunt fastigia. Ex parte Imperantium in hoc casu, ita tyrannis in Rēpublicam irrepit, quod eos ipsos, quos extollunt, cernendo, quod multa possint, metuere cogantur; Ex timore proveniunt postea suspicione, ex suspicionibus odium, hoc verò stimulat ad scvitiam, & oppressionem eorum quos elevârunt. Talis fuit apud Tiberium Sejanus, apud Neronem Plautianus, apud Junianum

stinianum Bellisarius: &c. Ab his sumptō sœvitiei initiō infallibiliter facient gradum contra alios virtute, opibus, gratiā populari eminentiores. Ex parte verò eorum, quos Imperantes nimium evehunt; ita sumit vires tyrannis; illi etenim quia communiter apud alios, supra quos favore Principum sunt elati, existunt in odio, debet quoq; ipsi aliena virtus, & qualiscunq; licet inferior potentia esse formidolosa. Igitur ne obices & zmulos habeant, in oppressiōnem interitumq; talium invigilant, efferatiq; sanguine Concivium ipsos deindē imperantes invadunt, ad extremūm inter se, si plures ejusmodi fuerint, armis decertant, ex quibus qui potentior, is Princeps in tyrannide. Talis fuit ille Antonij, Lepidi, & Octavij Triumviratus. Ea igitur de causa Liberæ Gentes huic ut plurimūm incumbunt, ut zqualitatēm seu fundamentum, ac fundum Libertatis suæ tueantur, Magistratus verò & Jurisdicōnes ita attemperent in Republica, quatenus ex ijs plus dignitatis & honoris, quam virium & potentia accedat.

18. Alter fons, undē tyrannis in Respublicas promanat, est subjeclī Populi levitas & insolentia. Populus enim, quia semper est imperantibus imprimis, & demūm nobilio-ribus & eminentioribus obliquus atq; infensus, facile inter illum reperiuntur tales, qui illustres in Republica Viros calumniando & criminando, parant sibi, (ut afferit Aristoteles) animos plebis, eaq; ratione amorem atq; popularem fidem apud eos consecuti, Demagogi, seu ductores seditionis Populi fūnt. Hoc modo potentia aucti in illustres primō Viros, tum verō in ipsius plebis, seu prompta seu apta ad audendum Capita, (nam similia ab illis metuunt:) tyrannidem exercent. Ex his omnibus clare liquet, quod absoluta Monarchici Imperij forma, ubi Dominantium potestas vel est absolutē exlex, vel debiliter revincta, nimium

nimum sit proclivis & facilis ad tyrannidem; similia exempla legimus in pluribus Historiis cunctarum ferè talium quæcunq; in Orbe existentia; Monarchiarum. *Potentia* (dicit Plutarchus:) *omnes animi motus in facta impellit, & valde periculosum, ne cui licet facere, quod vult, is velit, quod non licet.* Non pauci quidem numerantur, qui mordicūs absoluta Imperia propugnant, & pro exlege Potestate zelant, attamen omnes ingenui, qui Libertatis decus ex digno & decoro sustinere possunt, juste ejusmodi servitutem dediantr; hæc etenim exlex Dominatio est contraria naturæ rationali, quæ nos omnes teste Seneca liberos esse voluit. Vilibus animalibus potius pecoribusq; servituti destinatis ejusmodi regimen est congruum. In solo tātū DEO laudabile absolutum Imperium, qui in gubernatione sua nec falli, nec quidquam mali facere potest, eaq; de causa potestatis suæ non eget circumscriptione. Benè quoq; in Ecclesia Christi tale regimen succedit, quia illa habet assistentiam Spiritus Sancti, qui Vicarium Christi in decidendis rebus fidei & morum dirigit, nec ipsum errare, aut perperam agere permittit.

19. Altera Rerum-publicarum forma *Aristocratia*, Optimatum seu pluriū quibus ceteri omnes parent Principatus, communem Republicæ utilitatem respiciens. Si verò illi ab hoc fine id est à communi omnium bono ad privata commoda cum malo publico declinant, jam erit vitiosa *Aristocratia*, sive *Oligarchia*. Simile Aristocraticum Regimen usitatum fuit & commune pluribus in Græcia præcipue, Rebuspublicis, apud nos quoq; sub duodecem Palatinis bis practicatum, nunquam tamen diuturnum & stabile fuit: fere enim impossibile est (inquit Bodinus) ut pauci ita imperent, quin plures eorum Imperia oderint & detestentur, ipsiq; Optimates ad publicam omnium &

non ad privatam se accommodent utilitatem; brevis enim sit (necesse est) potestas, qua multos invitatos & infensos continet, cum prasertim facilius hac plurimum quam unius evertitur tyrannis. Nam praterquam, quod ipsa parentium multitudo quos odit, semper perijisse exceptit, ex ipsis etiam Optimatibus aliqui aut mutuas inter discordias injurijs affecti ulcisci exoptant, aut fractas tenuesq; res suas publicis malis resarcire, & in turbido piscari cupiunt, aut potentiam supra ceteros afferant, unde Populares effecti seditionum conjurationumq; Populi, Principes fiunt,

20. Habuerunt equidem varij varia satis efficacia ad manutenendam stabiliendamq; Aristocratiam remedia, attamen prævalebat morborum, quibus is Status obnoxius est malignitas salubritati remediorum. Romani sub initijs, donec ipsis plebs & hoc non ademit, similiter Locrenses & Sparthani circa electionem Optimatum semper habuerunt majorem respectum Nobiliorum, & ditiorum. In talibus enim (ait Aristoteles:) qui genere, institutione, indole, ac potentia prævalent, major est animus ad hostes arcendos, acrior ad Libertatem Patriamq; defendendam stimulus, in qua maiores fortunas ac honores habent. Secus illi, qui vel labore vel industriâ vicitant, vel non multum se debere Patria arbitrantur, facileq; alium Civitatis statum, aliam Patriam complectuntur, ubi suo labori & arti, vel inopia benè est. Si verò plebs propter æqualitatem Juris, nullo modo excludi potuit, hoc adhibebant medium, quod licet non semper, sçpè tamen in bonum evaserat. Dignissimi quiq; & omnibus gratissimi (dicit Bodinus:) ex Patribus atq; Nobilitate competitores Magistratum proponebantur, atq; ita plebs reverebatur imprimis tantam dignitatem, & in compensatione

ratione talium, vilitatem suam contemnebat. Ita saep<sup>e</sup> olim Roma Patritij evicerunt, ut nullus ex plebe ad Magistratum, licet illis quoq<sup>z</sup> idem fūs esset, evehetur, cum sibi verecundiam quandam incuterent eminētissimi Patrum Competitores propositi.

20. Hocce suum medium aliā adhuc substruebant arte; cum verò scirent (loquitur idem Bodinus:) non vacare periculo, si in Aristocratico Statu inferior ordo a Republica omnino amoveatur, inde enim odium, indignatio, seditiones, ceteraq<sup>z</sup> sveta inconsulta multitudini oriuntur mala, non omnino etiam plebem ab omni excludebant Magistratu, sed concedebant illi aliquam partem honoratorum Officiorum quo fiebat, ut Populus non tam Optimatum, quam popularem potius axistimaret Rempublicam, cum suos contribules ejusdem participes aliquando cernerent. Hac verò spe & ceteri quoq<sup>z</sup> ex plebe alleddi Optimatibus favebant, atq<sup>z</sup> Reipublica fidi erant, paria ab eadem expectantes; Officia tamen illa, per quorum functionem plebi partem aliquam Reipublica attinebat, non talia fuerunt, ut per illa Nobilitati ex aquarentur, multo minus praeferrentur, sed qua aliquantum dignitatis, nihil verò, aut vix aliquid potentia haberent, vix aliquid, aut nihil favoris apud plebem, multam verò invidiæ conciliarent; eos, à quibus susciperentur, sumptu gravarent, ut nonnisi a ditionibus appeterentur, honoris dulcedine inescandis. Quod etiam hodie in praxi esse video apud Venetos, qui nonnullas artium atq<sup>z</sup> opificiorum præfecturas Scribarum, Exactorum, & his similia publica Officia plebejis committunt.

22. Subtile hoc quoq<sup>z</sup> stratagema, quod olim Atheniensi Aristocratiæ porrexit Polistratus ad iefrænandam plebem multum sibi in Republica arrogantem, statumq<sup>z</sup> ipsius pertur-

perturbantem. Sevēram ille fvasit ( dicit Pacuvius; ) Legem ferendam, ne Nobiles Magistratum recusare, ne judicia, ne comitia, ne cetera id genus Reipublica munia subterfugere possent, at plebeji possent, si vellent, Nobiles arma ferre, inq; ijs exerceri, in hostem ire cogerentur; Plebeji Domus rei<sup>q</sup> sua curam quieti haberent, si vellent, ita eā lege in speciem gravati Nobiles, sublevati videbantur plebeij, re autem ipsā id agebatur, ut plebs hujus beneficio favoris à Reipublica gubernatione excluderetur, minusq; apta ad id redderetur. Quod si mordicūs autem Rempublicā tractare non negligenter plebeji, suadebat ille tempus dicendo, agendoq; extrahendum, donec tādio, suaq; tenuitate vieti dilaberentur, tum verò Optimates & Nobiles de summa rei tractarent, concluderentq;: &c.

23. Aliud multis quoq; gentibus non ignotum remedium, quod adhibebant contra similia ex Aristocratico regimine pullulantia mala, fuit hoc: Non unum, sed aliquot (inquit Contarenus) Civium suorum distinctos instituebant Ordines; ita fecerat Martia Roma triplex Equitatu, plebe, Senatu, quæ diversitas faciebat, ne facile conspiraretur. Nam Equestris imprimis Ordo cum sciret oppresso à plebe Senatu suam quoq; autoritatem diminutum iri, ejus dignitatem sartam tectam conservabat, neq; Senatus ab Equestri Ordine opprimi timebat, cum plebem illi opponere posset. Est quidem hæc Ordinum diversitas multarum in Aristocratico Statu Litiū, dissensionum, turbationumq; causa, verū id gubernantium sit vitio, dum Ius inaqualiter Ordinibus dicitur, dum unus deprimitur, alter cum præjudicio tertij extollitur; & quia id, quod ab unitate recedit, fit imperfectius, inter

inter inferiores superioresq; Ordines instituebant Patronorū & Clientā mutua quadā fura, per quā diversi Ordines veluti vinculis ac necessitudine quādams inter se constringerentur. Hoc modo sexcentorū Annorū spatio gravissimae seditiones, dissensionesq; Roma inter Ordines vita& & sopita, neq; prius ad sanguinē & civiles fuit ventum cades, quam ubi hac vincula soluta, Clientumq; patrocinia neglecta. Manet adhuc in Germania Protectorum Nomen, & Ius antiquum, quod teste Tacito apud Veteres Germanos vigebat, quo multæ Provincia in Clientela potentiorum Familiarū constituebantur: apud Venetos quoq; nondūm hac consuetudo exolevit.

24. Tertia Rerum-publicarum forma *Democratia ailijs Regimen seu Imperium Populi communem Republica utilitatem spectans*; talis Republicæ forma fundatur veluti in quadam basi, in *Liberitate & Aequalitate*. *Liberitas* in eo consistit, ut regantur à Magistratibus per se electis juxta Leges à se latas; *Aequalitas* verò in eo, ut unicuiq; unum idemq; sit Jus parendi & imperandi, habentq; in omnibus activi & passivi suffragij potestatem. Eò modò regebantur non paucæ Republicæ præsertim in Græcia, ast non diu durabant: ista siquidem Regiminis forma, quia maximè ab unitate distat, ideo quoq; est imperfectissima, facileq; degenerat in *Ochlocratiam*, quæ solius tantum plebis respicit utilitatem. Plebs enim, penes quam in Democratico Statu est summum Jus & potestas, quia est ex natura sua tumultuosa & inquieta, semper inter discordias & seditiones agitatur, quia est suspicax, & maligne invida, nequit non esse assiduò infesta Nobilioribus & potentioribus, proindè sibi cuncta usurpat, ad Magistratus & dignitates homines indignissimos modò audaces sint, elevat, ex quo certissima tyrannis ab uno potentiori vel pluribus

bus consequitur. Talis fuit (ut cætera transeam) Roma-  
na Ochlocratia, dum plebi subrostraria Leges ferebāt,  
abrogabat inutabatq; cum Officia, Provincias, Exercitus  
pro Libitu suo conferebat, & adimebat, dum viros honestos  
& de Patria benè meritos annua venali vendens suffra-  
gia campo, exilijs & proscriptionibūs tollebat, donec nimi-  
am (testatur historia:) Populi licentiam Cæsar primūm,  
post hunc luctuosī illi Triumviri, tandem solus Octavius  
Augustus discordijs, cladibusq; civilibus fessam Principis  
nomine sub Imperium accepisset.

25. Optima est quarta Rerum-publicarum forma ex  
his tribus composita. Monarchia (inquit Contarenus:) Arisocratia, Democratiāq; Legibūs temperata, ubi im-  
primis summa Regi certis tamen Legibus revincta sit  
potestas, ita, ut nihil mali, multum boni agere possit,  
legesq; plus valeant, quam potentia: ubi Optimatum seu  
Senatus vigeat authoritas, ubi deniq; aliorum Ordinū  
a quum justumq; sit jus, hac optima maximeq; diuturna  
Reipublica forma est; quod ex post idem Author tali dedu-  
cit ratione: Sapienter olim existimatū, atq; egregie a multis  
constitutum est, ne hominum gubernatio soli homini de-  
mandetur, divinius enim quiddam esse oppotet cui prin-  
cipaliter onus & munus hoc incumbat. Cum enim homo  
sit animal quoddam varium, & diversis constet partibūs  
inferioribūs, videlicet animi viribus, quæ illum sape  
perturbant & à recta rationis semita avocant, &  
Superioribus, quibus DEUM ipsum quodammodo attin-  
git, quia tamen plerumq; ab inferioribus illis viribus  
vincitur, pessimè illi suæ Réipublica consulunt, qui il-  
lam arbitrio, ita labilis hominis uniùs vel plurium com-  
mittunt. Quarendum est ergo aliquid ipso homine præ-  
stantius, recliūs & firmius, quod sit veluti mens quadam  
ita

ita pura, ut sit ab omni perturbatione prorsus immunis, ab ira, odio, caterisq; similibus peccatis aliena. Talis autem mens Divino quodam Consilio, & munere concessa hominibus, sunt Leges, quas Aristoteles appellat mentem sine appetitu. Lex ergo, qua homine ipso est quid praestantius & Divinius, hominum Imperia moderetur ut poterit nullis affectuum passionumq; morbis obnoxia.

26. Et quoniam Leges sunt muta & sensu carent, necesse est, ut aliquis Custos interpres ac veluti Vicarius illarum constituantur, qui pro Legibus ex Legibus Rempublicam regat. Hic rursus alia occurrit difficultas, an videlicet unus, an plures, an potius multitudo ipsa seu populus tuendis servandisq; Legibus atq; juxta eas Regenda Reipublica sit magis idoneus. Regius unus Dominatus communi jam multorum sensu Optimatis multis multitudineq; habetur praestantior; nihilominus propter labile mutabileq; hominum ingenium, atq; vita brevitatem multorum potius gubernatio civili societati magis est conveniens. Nullum enim Regium Principatum omnibus etatibus extitisse legimus, qui non in tyrannidem degenerasset aliquando e contra multas Respublicas sub gubernatione plurium multis faculis floruisse scimus. Et quia omnis multitudo per se gubernationi inertia est, nisi in unum aliquomodo coalescat, atq; unum quodammodo efficiatur, ideo temperanda erit Respublica, constituendaq; ex Optimatum, Populari, Regioq; Status, ut ita unus Princeps civilem societatem colligat, atq; in unum conciliet, eō adhibito temperamento, ut neq; Regia potestas in tyrannidem, neq; Optimatum in Oligarchiam, neq; Populi in Ochlocratiam facile possit degenerare. Id vero commode fiet, si incommoda atq; vicia cuiuslibet regiminis forma praescindantur, commoda vero virtutesq; adhibeantur.

27. Hicè omnibus evidenter conclusis facilè quisq; col-  
gere potest, ideo nunc firmiores & diurniores liberæ Res-  
publicas consistere, quod sint temperatæ, & à vitijs simpli-  
cium formarū depurgatæ, ac exemptæ saltim à tantis & tam  
multis corruptelis, quibus abundant simplices Monarchiæ,  
Aristocratæ & Democratiæ formæ, adeòq; liberorum Impe-  
riorum Corpora consistentia in bona & quasi connaturali  
politicarum qualitatum temperie uti saniora, ita quoq; di-  
urniora permanent. Et si liberæ Reipublicæ in bono justi  
Imperi temperamento constitutæ excessu aliquò partium  
peccare nollent, certè perennarent: Qualis est in præsenti;  
(qui bené res ponderaverit) Respublica Veneta, ubi Mo-  
narchia in Duce, Aristocratis in Senatu, Democratia in No-  
bilitate ea cautione est circumscripta, ut (veluti præfatus  
Contarenus narrat) nulli Reipublicæ Ordini insolescere  
liceat. Ex eadem proindè causa ultra mille annos con-  
stanter & pacificè durat perennatq;.

28. Differitur; quænam fuerint initia? qui progres-  
sus & incrementa Polonæ Libertatis?

Sicut aliarum omnium rerum parva conservaverunt fieri  
principia, ita & Libertatis nostræ vix verò-similia tantæ  
Majestati in qua modò eminet extitère. Aborigines ete-  
nim nostri, ut potè gens rudior Dominorum suorum bona  
malavè arbitria habuerunt pro Legibus. Quam primum  
verò excitatâ luce fidei Christianæ Ethnicam cæxitatem de-  
posuerunt Reges, statim humaniores animos induere, post-  
hac subditi quoq; degustatâ Christianæ Libertatis dulcedine,  
politicam etiam Libertatem magis degustare inciperunt,  
quam heroicis facinoribus apud Dominos & Reges suos  
merebantur, ac ità evenit, ut quasi mutuum, cum Mieci-  
slao primum plausibiliter inchoatum, & exposit cum succe-  
daneis

daneis ejus feliciter continuatum Antecessorum nostrorum certamen intercesserit, illi amore, fide, audaci pectori magnifica Dominorum suorum devinciebant corda; vicissim Domini, accumulatione Legum ac Libertatum magis sibi obligabant subditorum suorum animos. Non novum est legere in Actis Polonis, quod Progenitores nostri dum communī motu equos conscendebant, protunc plurimū sibi Jurium & Libertatum evincebant, quasi quodā inter se & Dominos suos contractū, illi Capita & Pectora sua in obsequia Regum ferebant, Reges verò veluti stipendia maxima tribuebant ipsis, Privilegiorum & Libertatum aūgmenta. Sic videlicet accrescebat & augmentabatur sensim.

29. *Mavortiarum conscientia mentium  
Regina Libertas Poloniæ,  
Primus Honor Columenq; Gentis,  
Quæsta multo sanguine gloria  
Reperta multo.*

Attamen quamdiu adhuc Principum sic volo, sic jubeo pro Legibus, quamdiu eorundem voluntas pro ratione fuīt, allevabatur solum modò graviore jugo non liberabatur Nobilitatis conditio; adhuc enim (teste Historiâ:) & tributa pendere & alia servituti propria onera, quoties & quantum Principi libuit, subire cogebatur. Temporib; Casimiri Magni insignis Libertatis accessit portio, dum is Rex primus ex omnibus, Leges, quæ sunt fortissimus murus ad stabiendi & muniendi Libertatē conscribere, & promulgare incepit. Proindè successu temporis partim ex gratiâ, partim ex conniventia & indulgentia Principi augebantur Leges, quæ non solum subditos, sed ipsos quoq; Reges obstrinabant, iij siquidem agnoscentes probatam erga se se fidem & amorem

& amorem subditorum suorum, non erant potentiae anxiæ,  
& ita sensim de suo Jure & potestate remittendo, ulterioris  
temporis succedente tractu eò magis laxabant fræna Liber-  
tati, hòc contenti, quod liberæ genti Dominantibus firmis-  
simum sit munimentum, munimento non egere.

30. Máxime tamen augeri, & veluti grandescere cœpit  
Libertas nostra eò tempore, quô eam exteri cum ambitu  
Regni prehensare cœperunt; hi etenim eam insignibûs au-  
gmentis veluti arrhîs quibusdam circa prima cum illa spon-  
salia dignabantur. Ut transeam Venceslaum Bohemæ Re-  
gem, qui magis tumultu faâtione & fraude Grifinæ Lesci  
Nigri Uxor, quâm Civiam suffragijs irreperserat; primus,  
qui Libertati nostræ cum tota Familia se commendaverat,  
fuit Ludovicus Hungarus; ille imprimis grave illud annum  
tributum agrarium vulgo *Poradne* vocatum, quod & *Re-  
gium* appellabatur, cum alijs multis servilis conditionis  
obligationibus magna ex parte è collo Nobilium deponens,  
multis immunitatibûs Libertatem nostram cumulavit; hòc  
tamen cunctis aliis pretiosiore adornavit eam Clenodiô, dum  
Jus Liberæ Electionis, quod antehac solâ consuetudine idq;  
non ex omni parte integrum penes Ordines Regni persiste-  
bat, datô à se Privilegiô stabilivit, per quod *adamanti-  
nam hanc turrim* (sic eam vocat in sermone suo Georgius  
Ossolinus,) Electionem, in qua nunc aureum Libertatis no-  
stræ vellus primò & principaliter conservamus, firmissimis  
munivit repagulis.

31. Hoc quoq; non leve momentum Libertati nostræ at-  
tulit, quod Reges de illimitata, & quasi absoluta Regalium  
bonorum dispositione remiserunt; Id primum Ludovicus  
facere inceperat, ut ex Privilegio ejusdem liquet. *Hinc enim*  
(testatur Orzechovius:) *nova Libertati magnum impende-  
bat periculum, ne Rex bonis suis per obligationes, do-  
nationes,*

nationes, venditiones, ceterasq; alienationes notabiliter accisis, aut distractis in privatas Civium fortunas violentus involaret aut vetera, novaq; tributorum onera imperares. Timebatur & hoc periculum, ne Regni partes a suo corpore avellerentur, ut olim per similes illimitatas dispositiones factum fuerat. Casimirus III. quia Statutum Nobilitatem ad publica Reipublicæ consilia, (quæ ipi solum cum Senatu agitabant & concludebant Reges;) admissit, planè in pedes erexit Libertatem, de quo ita nostra loquitur Historia: Vislicie Rex conventum Minorum Polonorū egit, subsidiūq; ad exsolvenda Prussica stipendia militi postulavit; quod non abnuebat quidē Nobilitas, verū sine majoribus Polonis sciscendum sibi esse non putavit, quare placuit binos e Satrapis seu Palatinatibus ad Comitia Generalia Petricoviā mitti, qui decernendi in commune moderati tributi potestatem haberent, atq; hoc tūm-prinūm fieri cāptum, posterioribus verò temporibus ita inolevit, ut sine ijs Legatis seu Nuntijs Terrarum nulla Comitia legitima haberentur; Neq; tributum decerni, ac ne Lex quidem ulla fieri posse videtur, potestas verò eorum adinstar Tribunitiæ apud Romanos, vel Ephorum apud Lacademonios esse cāpit, nam tantum ij nostrā astate arrogare sibi caperunt, ut nullam rem majorem injussu suo decerni à Rege & Senatu, aut fieri vellent; Et in Senatum atq; adeò Regem ipsum Ius atq; censuram grandi supercilio sibi sumerent.

32. Ad extreūm crescente in Dies insolentiā non accipere, sed ferre Leges aggressi sunt, aluerunt autem hanc eorum licentiam eoq; magnitudinis sensim proxexerunt partim Reges Superiores multa ijs indulgendo, sive inopiæ suifisci, relevandæq; gratiæ, sive quieti & otio suo

sue consulentes, partim potentiores & faciosi nonnulli  
 Proceres certatim eos prebensare, & epulis largiti-  
 oneg̃ corrumperem, & quocunq; libuisset incitare, &  
 quasi tibias inflare adorti. Idq; sive ut gratificaren-  
 tur, sive ut ægrè facerent Regibus, sive ut potentiam  
 suam stabilirent, æmulosq; suos deprimerent, aut ulci-  
 scerentur, sive deniq; ut per eos subornatos, quæ jure,  
 quæ injuriâ, id perficerent, quod aperte per se ipsi  
 vel aggredi non auderent, vel efficere non possebant.  
 Evidem salutare est in Republica esse Custodes Liber-  
 tatis communis, cæterum providendum, ne, quod ad  
 salutem comparatum est, abusu vertatur in perniciem,  
 metuendumq; ne infinita potestas ista, & in licentiam  
 erumpens Libertas prostrata & eversa Regiâ Maje-  
 state, & Authoritate Senatoriâ summam Reipublicæ  
 confusionem, & barbaram quandam exitialemq; Anar-  
 chiam Polonis pariat, aut certè gravi & acerbâ fi-  
 niatur tyrannide, quorum utrumvis eo quidem propius  
 impendere videtur, quod juniores, & imperitiores re-  
 rum, eoq; audacieores ad id munus obeundum eligi, adeoq;  
 sese ultrò ingerere cæperunt, unde in consultando usu  
 venit, ut non id obtineat, quod gravissimis, sed quod lo-  
 quacissimis clamorissimis, & minacissimis placuit. Sic  
 Romana Respublica amplissima quandam & Florentif-  
 sima à Tribunitijs furoribus exagitata, primū in licen-  
 tiā multitudinis intolerabilem effusa, deinde seditionibus,

41

civilibusq; bellis quassata in paucorum Dominatum,  
ac mox sub unius tyrannidem recidit.

33. Is proinde ad consilia Statū Nobilitaris accessus ve-  
luti *Clavis Aurea* (ut Orzechovius in manuscripto loqui-  
tur:) fuit quā sibi Libertas non modò ad tantam potesta-  
tem, sed insuper ad abusum & insolentiam aperuit aditum.  
Sigismundus quoq; alter Rex non tam conferebat, quām  
potius projiciebat Genti nostræ beneficia Libertatis, per  
quod verum sese nobis exhibuit *Augustum*, quia sicut Ro-  
manus Augustus Romanum, ita is nostram Libertatem invenit  
*Lapideam*, fecit *Auream*. Adhuc tamen supererant anti-  
qua magna impedimenta, quæ perfectæ Libertatis proce-  
ritati ponebant obicem; titulus in primis hereditatis, quem  
sibi Reges à Vladislao primo incipiendo usurpabant, nomi-  
nantes se *Hæreditarius Reges*, seu *Principes Poloniæ*. Id  
quoniam absoluti Dominij prætensionis trahebat sequelam,  
liberæ imprimis Electioni jam sufficenter Legib; firmatæ,  
ad extremum ipsi quoq; Libertati periculosum fuit; Verūm  
id circa Electionem ab Henrico Rege evicimus, quod huic  
titulo primus renunziavit. Alter ob ex Libertatis post Sigis-  
mundum Augustum remanserat, quod Reges absolutam ju-  
diciariā in vitam, honorem, & fortunas Civium habuerint  
potestatem, hoc quoq; circa Electionem Stephani Regis ab-  
rogavimus: Is ultimæ instantiæ Judicia, quæ antea ipsi Re-  
ges cum Senatu concludebant, constituto Tribunali in No-  
bilitatem transtulit, & quasi *in manu Consilij* fui posuit  
Libertatem, de quo Andreas Lišiecki Instigator Regni in  
splendoribus Tribunalis ita loquitur.

34. Quanti tām præiosam in Patria nostra Tribu-  
nalis Regni gemmam estimare debemus, exinde quām  
maxime perspicuum est, quia ejusmodi Judicium con-  
cludit

cludit in se tria rerum humanarum inter alia cuncta  
 sub sole maxima ac principalissima, ad qua alia omnia  
 cœn ad fontes suos confluunt, vitam scilicet, honorem  
 & substantiam Civium. Ea quamdiu in manibus & di-  
 spositione Dominantium extiterant, tamdiu per apella-  
 tiones quarendo justitiam ultima instantia, post curiam  
 peregrinari cogebamus; Hinc semper sub metu servitu-  
 sis assiduo sub iecu oppressionis existirat Libertas nostra.  
 Consulat, qui volet Orzechovium in fidei subdito, quan-  
 ta (ut cœteros transeam:) sub Sigismundo Augusto quam-  
 vis jam sufficienter adulteria Libertatis fuerit oppressio; ad ea  
 deuentum fuerat, quod sub Turcica satius tyrannide angu-  
 stiati Cives fortunatus sibi degere existimaverint. Longo  
 inibi cathalogo ex illis antiquis Judiciariæ Justitiae oppres-  
 sionibus enumerato Orzechovius ita Regem alloquitur: Tan-  
 tum nobis obest Regia potestatis tua appellatio, ut nulla  
 res nobis obstat magis; ita quod oppressis solatio debuit  
 esse, jam est factum exitio: Sc. Quamobrem hujus tantæ  
 ac tam fæda, postremaq; servitutis sit aliquando vel sub  
 te Rege finis aliquis: satis jam diu miseri fuimus, satis  
 survivimus Sc. Quod si feceris, cessabit hic communis  
 lucitus, cessabunt querela, cessabunt illa etiam misero-  
 rum vota, Turca potius dominatum præoptantium Sc.  
 Sint à Gente nostra immortales cum inextincta gratitudine  
 gratia Magno Stephano, qui hos tres preciosos uniones,  
 vitam, substantiam & fortunam Civium in Tribunalis Re-  
 gni cum Judiciis ultimæ instantiæ Libertati nostræ adjiciens,  
 illam à metu servitutis ex tanta potestate procedente, ac  
 demum ab oppressione injustitiae liberavit, & quasi in ple-  
 nitudine perfectionis constituit. Erat quidem à Miecislawo  
 primo incipiendo, Libertas nostra semper alicujus sui Juris,  
 verum sub potestate Principum veluti pupilla sub tutoribus  
 plus

plus minusq; pro incrementi atatisq; ratione concedentibus frequenter, ast nonunquam aliquo pralationis fure concessa diminuentibus, aut prorsus auferentibus; & ita sub alijs Regibus infantie pueritia & adolescentia annos exegit, sub Stephano primūm matura, perfecta & emancipata constitit, ac sui juris beatissima esse capit.

### 25. Differitur, quid sentiendum de firmitate diuturnitatemq; Polonæ Libertatis

Ut aliae cuodam res in Orbe, ita quoq; Regna & Domina, quæ principium acceperunt finem non effugiunt; & hæc est infallibilis experimento totius mundi per annorum milia firmata veritas. Id quamvis in profundo fatorum delitescat arcano, quia tamen non desunt signa, quibus Imperia suorū commonefaciant eventuum, proindè non inutilem fore puto curiositatem augurandi, quām procul adhuc Patria nostra cum sua Libertate ab hac communi necessitate distet; Qui Historias, & in illis ruinas Regnorum reflexè introspiciet evidenter dñoscet, quod cuncta præcipue ampliora habuerint certos sive durationis terminos, & quasi fatales periodos, quæ ipsis notabiles vel in pejus, vel in melius mutationes, seu totalem ruinam attulerunt. Tres ego ejusmodi inter alias insigniores considero periodos: Prima consuevit esse circa Annum 250. ita legimus, quod potentia Medorum duravit Annis 220. Monarchia Persica à Cyro inchoata floruit Annis 230. usq; ad Darium, quem debbellavit Alexander. Græca Monarchia ortum habens ab Alexandro evanuit post Annos 250. à Romanis subjugata. Romana Respublica post pulsum ultimum Regem Tarquinium cum Consulari Imperio mutationem invexit Anno ab Urbe condita 245. Dominatus Longobardorum in Italia, quem Carolus Magnus sustulit ad extremum duravit Annis 240. &c.

36. Altera periodus, circa quam ante vel post notabiles in Regna mutationes seu ruinæ invehī conservaverunt est Annus 500. Ita Assiriorum in Asia Imperium persistebat Annis 520. quibūs elapsis translatum est ad Medos. Atheniensē Regnum inchoatum à Cecrope perseveravit ad Codrum Annis 490. quō tempore Monarchia mutata est in Democratiam. Totidem Annis Lacædemonensis Respublica floruit usq; ad tempora Alexandri Magni, sub quo collapsa est. Post totidem ferè Annos Macedonum Regnum concidit, Romani Consules administrabant Rempublicam formā gubernationis mixtā Annis 500. quam Augustus Octavius in Monarchiam mutavit. Hæc verò Monarchia ab Augusto post Actiacam victoriam inchoata circa eandem quingentorum annorum periodum in Occidente post interemptum Valentinianum, per ferarum gentium incursiones distrahi cœpit, ac cum Augustulo ultimo Imperatore Occidentis corruit unā cum Nomine Imperatoris. Post Valentinianum, distractum ac colapsum Imperium innovavit ac erexit Carolus Magnus circa quingentesimum Annum ab eo tempore, quō Constantinus Magnus Sedem Imperij ex Urbe transfutlit Bizantium in Orientem. Regnum Hungariæ post quingentos Annos rumpi, & sub jugum Turcicum ire cœpit: &c.

37. Notabilium mutationum sive Ruinarum Regnis supervenire solitarum periodus est Annus septingentesimus. Carthago cum sua Respublica ab exordio suo usq; dum ipsam Scipio Ämilianus demolitus est, numeravit annos aliquot supra septingentos. Civile bellum inter Julium & Pompeium, quod Libertatem Romanam sustulit, accidit à condita Urbe Anno septingentesimo quinto. Et ita duplices tunc coinciderunt Periodi; una ab institutione Consulum quingentesimo Annō, Altera à condita Urbe septingentesimo. Similes his salales periodos in alijs omnibus Regnis advertere poterit,

poterit, qui diligentè ruinas eorum scrutabitur. Quod attinget nostram Poloniā, subiit hæc insignem mutationem in periodo quingentesima à Lecho primo computando usq; ad Boleslaum Chrabri, quando à Ducali Celsitudine ad Regiam Majestatem enecta fuit circa Annum 1001. à Chrabri ad Pudicum elapsa est quoq; periodus ducentesima vi gesima quinta, quæ quantas calamitates nobis attulerat ab incursionibus Paganorum, notum est ex Historia. A Pudico ad modernum tempus incidit quingentesima, à Chrabri septingentesima periodus. Hæc, quæ nobis allaturæ sunt, quilibet potest ex ijs, quæ sunt, non vanè divinare.

38. Quandocunq; verò ad tales periodos Regna devenie bant, præcesserunt semper quædā signa, ac quasi proximæ cau sæ mox secuturæ ruinæ, aut brevi imminentis mutationis. Inter hæc prima est *Civilis discordia*, quam *tineam, venenum, pestem Rerum publicarū*. Politici ex æquo nominant, præcipue si inter Status veluti inter principaliora Corporis Reipublicæ membra, & pejus adhuc, si inter membra & Caput Reipublicæ exoriatur; Quia certò certius est, quod tunc cuncta in Republica convelli & destrui debent, dum potentiores adversum se consurgunt; ejusmodi collisiones nequeunt non esse lethales Reipublicæ, aut ad minimum fædā mutatione corpus illius deturpantes. Ingeniosè satis in antiqua Romæ superstitione cis politicum annotat arcarum Contarenus: *ab extis (inquit:) animalium de successibus Reipublica summebantur auguria*, pro documento, quod ab internis Civium dispositionibus curta seu bora, seu mala proveniant Reipublicæ. Qui florentes olim, nunc verò collapsas Reipublicas contemplatus fuerit, nullam serè inveniet, quæ ab hoc internæ discordia filo (attestante Lipsio) *sui interitus telam non fuerit orsa*, ibi præsertim, ubi Status Democraticus supra alios popularē extulit potentiam.

Cum enim quælibet popularis multitudo ex natura sua sit levis, contumax, tumultuosa, violenta, furens, turbina (ut sentit Plato:) persimilis, expeditior ibi impetus ad gladios, quam ad Leges rationis, citius furor arma & tumultum, quam prudens dexteritas pacifica remedia ministrabit. Lex si verò altiores Ordines & Personæ scribunt in Marmore, ac proinde aut communi ruinæ se aliosq; per consequens etiam totam Rempublicam involvunt, aut insolentem popularem potentiam mutatione praesentis Statûs cōercent.

39. Nunquam ulli Reipublicæ bene evenerunt, verum aut ad interitum, aut mutationem, vel notabile detrimentum deduxerunt illæ infestationes & injuriae quibus potentiores in Republica exacerbantur, præcipue si illæ contra ipsos à publica promanent authoritate, vel si privatè sub protectione publica impunè inferantur. Illi etenim ignominiam aut injuriam concoquere non valentes, malunt omnia publicè fieri mala, quam privatæ quidquām decedere dignitati. Hinc oriuntur bellæ Civilia, indè perniciose publico bono factiones, indè cum exteris propter protectionem cointelligentiae, indè apparatus ad inimicam æqualitati ac consequenter Libertati armatam potentiam, quæ cum efficiat, ut fortior credatur esse melior, confundit omne jus, Statum Militarem præsentissimò Libertatis exitio in Rempublicam inducendo. Ejusmodi in Republica contra potentiores motus, sunt similes illi, qualis fuit humilioris graminis, quod cum messore conspiraverat, ut eminentes supra se herbas radicitus excinderet, quod cum ille præstat, eadem ruinâ gramen quoq; involvit: &c.

40. Leges communiter spiritum & animam Regnorum ex æquo vocant; Ubi proinde is spiritus langvet & suffocatur, ubi hæc anima in Politico Reipublicæ corpore suas vitales operationes ita ut potest, ac debet, non exercet, jam indicium

ndicium certum vel proximæ mortis & interitū aut gravis paraliticæ affectionis. Ut posset Augustus Libertatem Romanam sub Principis Nomine suo subjecere Imperio, sive potius in servitutem redigere, multum ipsi quidem profuit, quod cuncta erant discordijs Civilibus inter certamina potentium fessa, verum hoc prorsus in ultimum precipitum Libertatem protrusit, & ipsam cunctis odiosam effecit, ac servitutem sapore condit, quod Leges in contemptum abierant. Nec Provincia (teste Tacito:) eum abnuebant Statum invalido Legum auxilio, qua vi, ambitu, pecunia turbabantur; Proinde maluerunt sub Domino, quam sub exlege Libertate uiuere.

41. Quodquamlibet Rempublicam salubria consilia, & virtus bellica ceu duæ firmæ sustentent columnæ, ipsa politica ratio, ac totius Orbis docet experientia; ubi hæc duo columnæ nutant, ibi brevi secura totius quoq; Reipublicæ structuræ ruina præstolanda. Id habuerunt in fatis Troiani, tamdiu eorum Rempublicam in flore duraturam, quamdiu penes ipsos remaneret Palladium, Statua scilicet aurea Palladis, quam ut prudentiæ & consiliij, ita etiam belli præsidem fingebat antiquitas. Simile quid habuerunt Romani, quorum integritas ab Ancili, hoc est à demissi cælitus clypeo dependebat, in quo (ut testatur Diodorus Siculus:) Caput Jovis Palladem parturiens divinitus expressum cernebatur. Hisce fabulis ingeniosa antiquitas superstitionis populos edocere intendebat hanc veritatem, quod in salutaribus consilijs, gestisq; heroicis securitas & integritas Regnorum inclinata recumbit, fata, ruina ac extitum illorū trahit post se ruinā ac interitū Reipublicæ.

42. Quemadmodum, dum æger gravibus constrictus paroxysmis ad hoc devenit, ut morbi mala, quæ ipsam conficiunt, penitus non sentiat, jam id vulgo lethale reputatur signum:

signum: ita pariter Respublica dum sic fiet affecta, ut gravissima mala & calamitates publicas non sentiat, dum Cives, & præsertim hi, ad quos principaliter id spectat, opis aut aliquid, aut nihil afferunt, sed potius alia omnia agunt, signum est aut proximæ ruinæ, aut detrimenti Reipublicæ. Hæc sunt inter alia signa infallibilis, quæ in omnibus, liberis præcipue Rebus publicis mutationum aut ruinarum fatalia comitabantur. Revolvens Historias, haud difficulter rei agnoscet veritatem. Nostra vero Polonia quid expectare debeat ex scrutinio præsentium malorum, quæ populos sapè messe potentes, quilibet quæ voluerit, faciat auguria.

43. Qui tamen voluerit fortunæ Poloniæ politico blan diri conceptu, posset adhuc ut ut desperatis illius rebus *ex duobus Capitibus* benè ominari: Primum potest esse *omen* ex profundo benignioris fati arcano; Audivi quendam Senatorem differentem, qui affirmabat, quod Providentia Divina spectans dissentientes, discordes, inordinatosq; Pelonos, nolensq; illorum interitum, curam particularem in se eorum assumpit, in speciali eos sua protectione tenendo. Utiq; hæc Providentia Protectionis Divinæ efficit, quod etsi afflido labimur, tamen stamus, quotidie Ecclipsim patimur, attamen prout Sol post occasum exoriens clarescimus, continuò ad interitum vergimus, & tamen spiramus imò à rui na fermé ac ab urna desperanti de fortuna nostra, aut insul tanti infortunijs nostris Orbi vicissim insultamus.

*At nondum Lechiam vicina inferte sepulcro Regna, nec aut Tyberim fletu, aut attollite Rhenū, Stamus adhuc ipsis suffulti casibūs, inter Fortunæ fatigā vices: sub pondere tanto Succubuisse Orbis poterat, Gens Lechica stamus.*

44

44. Contigit audivisse à Viris dignis eò collimantem Politicum conceptum, quod cernens ea Altissimus, quæ in Polonia aguntur si de illo ut in humanis experinur, sentire similiter liceret, concludendum foret, quod apud eum mundus sit veluti Aula Magni Principis, & quemadmodum in Aulis Principum Aulici ac Personæ, ita in hac Aula DEI Regna ac Imperia in varios subdividuntur Ordines, ac distincta exercent Officia & functiones: Polonis proindè inter alia hanc quoq; functionē commisit, ut ipsū recreent, jociq; præbeant materiam. Nam dum DEUS ex alto nostra Comitia, Comitiola, bellicas expeditiones, gubernium & alia similia iuspicit (dicendo humanitū:) nimium recreatur. Eò collimavit noster Poëta Polonus, dum DEUM sic affatus est:

*Mens alta Superūm, sœculis major DEUS,  
Si te movere risus aut jocus potest  
Credo Comædam Lechia Gentem fore  
Dum cernis ejus ire res cœcō modo.*

Ne igitur hæc Comædia peragat Epilogum, commisit Poloniā nostrā Providentia sux in singularem tutelam, ne ipsam penitū collabi permittat. Joci, hæc quidē sunt ingeniōsi Politicorum; id tamen est certum Providentiam Altissimi nos fovere, & ab extrema ruina gratiōse relevare.

45. Alterum Libertati & fortunæ Polonæ potest esse omen ex hoc fundamento: aliorum præsertim antiquiorum, quæ conciderunt gentium Libertas fuerat ac si *imperfectus* & *abortivus partus*, quia ipsis ut plurimum nata est ex cœdibus & Monarchomachijs Dominantium, aut etiam ex violentis subjectorum seditionibus, quibus adacti Principes de suo Jure & potestate multum remittere, ac subindè ex toto cedere debuerunt. Haud mirūm proindè, quod ejusmodi illorum Libertas sicut robore perfectionis caruit, ita quoq; perennare

perennare non potuit. Ad hæc apud eos fuerat plebeium & populare non Quirinum decus, utq; extortum, ita & repositum in Manibus plebels, exindeq; nec pro dignitate tractari, nec pro perennitate servari valuit. Reor non casu, ast arcanō quodam fatorum consilio in ipsis Libertatis in cunabulis accidisse id Romæ, quod ex Livio didici. Post pulsum Tarquinium Tyrannū Regem furibunda plebs sicut alia relicta mobilia, ita demessam in illius campis segetem in Tyberim dejecit. *Tenui tunc (lopuitur Historicus:) ut medijs caloribus solet fluente aquâ, ita in vadis hastantes frumenti acervos sedisse limo illitos, Insulam inde paulatim ex alijs, qua fert, temere eodem in vectis faciam, ut tunc eminens area, firmaq; Templis ac porticibus sustinendis esset.* Hanc Insulam Romani magno consensu Libertati dedicârunt, ac Liberas Gentes quamvis non intendentes docuerunt, quod in stramineo fundamento suam collocent libertatem, quicunq; curam illius arbitrio inconsultæ plebis committunt. Cùm etenim in plebe & populo levi nec mens, nec ratio, nec consilium, nec moderatio esse potest, debet quoq; ipsa Libertas ejus commissa manibus omnibus fermè præsidijs, quibus conservari confivit, destitui, ac proindè cœco plebeji furoris impetu in præcipitum ferri.

46. Qualiter Romana Libertas inter plebeios furores constituta fuerit, audiamus Titum Quintium, qui apud Livium cum plebe expostulat: *Nobis vix aliquis Imperij, quia vobis nullus est Libertatis modus, quid vobis amplius vultis? Tribunos plebis concupisti, concordia causâ concessimus; Decem viros desiderasti, creari passimus, Decem virorum vos pertasum est, cœgimus abire Magistratu, manente in privatos irâ vestrâ mori atq; exulare Nobilissimos, atq; Honoratissimos Cives passi sumus;*

mus; Tribunos plebis iterum creari voluissis, creavimus. Consules facere vestrarum partium, & si Patribus credebamus iniquum, Patritium quoq; Magistratum plebi donum fieri vidimus. Auxilium Tribunitium provocationem ad populum. Scita plebis injuncta Patribus; nostra Jura sub titulo aquandarum Legum oppressa tulimus & ferimus; quis tandem erit finis discordiarū? quando unam Urbem, quando communem hanc Patriam habere licebit? Vixi nos oppressiā aquiore animo vigescimus, quam vos victores. Ita plebeia potestas, in qua principalius apud antiquiores Nationes sustentabatur Libertas, Republicas commiscebatur, evertebatq; Exindeq; plebeia Liber-  
 tate instituti populi ac signanter Romani ultrō provocabant pericula, laceſſebant hostes quarebant bella, ut hāc ratione imprimis turbulentā plebis multitudinem ex Patria velut corruptum ex venis sanguinem emitterent, ceteros vero communis periculi metu, velut vinculo quodam conſtrictos in Officio continerent. Eadem de causa Scipio disvaserat, alijq; perspicaciores ut poterant contendebant, ne Carthago emula & inimica Nomini Romano everteretur, ut Romanus populus inter ortia Reipublica turbulentissimus semper haberet hostem, in quem iram odiumq; à Civium Capitibus transferret. Ad extre-  
 mū expertæ sunt id Liberi Nationes, quod pessimè cum Libertate agitur, quando servire natis & affuetis tra-  
 clanda committitur manibus. Felicior hac in parte nostra Polona Libertas, quod non ex tumultibus, aut cædibus, neq; ex Monarchomachia, sed à virtute primū, fidelitate & audaciā Nobili, ac demū à gratia & amore Regum Dominorum nostrorum sicut initia, ita quoq; ulteriora sua sumpſit incrementa. Habuerat equidem nutrimentum à san-  
 gvine, verū ab hostili, non civili sumebat à vulneribus  
 G2 vigorem,

vigorem, verūm pro Patria & dignitate Majestatis susceptis;  
In eo tamen fortunata, quod aureum Caput suum pro pri-  
ma quiete in sinu Nobilitatis reposuit, in eoq; fata adole-  
vit.

47. Insistendo omniū Politicorū communī à corpore hu-  
mano Allegoriz, sub qua ipsi Republicas proponere svererant,  
nostra Polonia talem cum corpore humanō Analogiam habe-  
re potest: *Rex* est in supremo loco ut *Caput*; ex eo influen-  
tiæ, indè *Ordo* in totum corpus promanat. *Cancellarij* qui  
vocantur *os Principis*, sunt veluti *lingvæ*, partim quia placita  
*Principū* in Senatu promulgant, partim quia Eorum est Offi-  
cij maturi Judicij examine prælibare tam ea, quæ Principi à  
subditis, quam quæ à Principe subditis proponuntur. *Mare-  
schalci* sunt veluti *oculi*, quia illi in Conclavi ad latus Domini-  
ni cavere securitatem & autoritati Majestatis prospicere de-  
bent. *Referendarij* & *Secretarij* sunt tanquam *aures*,  
per quas ad Dominum supplices libelli referuntur. *Thesau-  
rarius* in Republicā *hepatis* vices subit, nam sicut hepar  
toti corpori plūs vel minūs boni vel corrupti sanguinis sub-  
ministrat, ita & thesaurus monetā vivificat aut inficit, ener-  
vatq; Rempublicam. *Senatores* sunt ceu *dentes* suo Or-  
dine dispositi, illi etenim sana *Confilia* masticando, salu-  
bre alimentum Reipublicæ suppeditant. *Exercitus manu-  
um* Officium supplent, partim quia ab hoste Patriam defen-  
dunt, partim quia alimentum ac mercedem ex ea colligunt.  
*Status Nobilitaris* est veluti *peclus*, quia & in pace liberā  
voce, quæ ad pectora sumit exordium, & in bello masculo  
corde, quod etiam in pectore natura collocavit, pro inte-  
gritate Patriæ, proq; propriis Libertatibus sese opponit.  
*Ventriss* loco videtur esse *Status Spiritualis* non tantum  
exindè, quia sicut pro ventre omnia alia membra, ita Spi-  
ritualibus omnes fermè *Status* contribuant, verūm etiam

ex eo,

ex eo, quod sicut cuncta ventriculus consumit in bonum & commodum membrorum, ita quæcunq; à Secularibus Status Spiritualis obtinet ac percipit, illa vicissim in eorundem commodum ac bonum per functiones ac labores Saerdotales refundit. Pedes in hoc Corpore Reipublicæ sunt plebeji Status homines ac Cmetones, qui in infimo gradu constituti ac veluti in terra repentes suis mercatorijs industrijs, opificijs, ac agrarijs laborib; totam Rempublicam quodammodo sustentant, ornant, ac animant.

48. Ad extremum in hoc politico nostræ Reipublicæ corpore Libertas nostra est cor, quæ quia non in pedibus plebeji arbitrij, uti quondam in alijs Nationibus, est in pectore, in Statu scilicet Equestri sedem fixit, licet exinde augurari, quod ad hæc fata, quæ aliarum gentium Libertatem jugulârunt, saltim non tam facile sit perventura, dummodò Statum Militarem id est tumultuarium & violentum agendi modum in nostra Consilia & Negotia publica præsertim in Comitia electionis Regum non introducamus, quia hac de causa fermè ubicunq; viguit Democratica *Libertas*, interiit. Certum quidem est, quod Libertas nostra nequeat non esse inquieta, quia suspicax & timidum est ingenium *Libertatis*: verum est, quod continuò penè debeat turbari, & turbare, ast id inde provenit, quod res est solliciti plena timoris amor, ipsam mentionem horret servitutis, solâ ipsius visâ umbrâ contremiscit. Authores fabularum affirmant, quod naviganti Colchos Jasoni fortuna ventos scrinijs inclusos, quibus ad prosperam navigationem uteretur, contulerat. Hoc aureum vellus quia pro symbolo reputamus *Libertatis* nostræ Poloni, fateri cogimur, quod veluti Jasones in návica Reipublicæ fluctuantes à jactatione turbulentorum ventorum liberi haud esse possumus.

49. Hoc tamen inter præsentem nostram minus quietam,

ac inter aliarum Gentium Libertatem, quæ plebejis manibus decus hoc concrediderant, intercedit discrimen, quod aureum Libertatis nostræ vellus patiatur quidem inquietes, fortunatos tamen aliquomodo, quibus jactatur, ventos, similes illis, de quibus Poeta:

*Cum levis alterno Zephyrus concrebuit Euro  
Tunc miti virides agitantur flamine culmi,  
Et bene maturas impellit ventus aristas.*

*Huc atq; huc it summa seges nutatq; vicissim: &c.*

Plebejam verò antiquarum gentium Libertatem Molii agabant turbines non absimiles illis, de quibus Poeta aliis:

*Fili indignantes magno cum murmure montis  
Circum claustra fremunt, tandem velut agmine facto,  
Qua data porta ruunt, & terras turbine versant.  
Cuncta ferunt rapidi secum, jaclantq; per auras.*

Difficile proinde fuit inter Plebejos turbines subsistere Libertati, arduum, ut lapsum effugeret: Nostra verò Libertas quia inter Nobiles & ingenuos agitatur motus, facile tranquillari potest, ac ad ruinam non tam celeriter devenire, imò quemadmodum communes venti inter alia commoda, quæ sublunaribus præstant, id quoq; efficiunt, quod segetes, arbores, aliaq; incrementum sumentia magis radicant, ita hæ etiam nostra in Republica revolutiones, tæpiùs non solùm non nocent, verùm magis solidant, stabiliuntq; Libertatem, dummodo Nobilem Libertatem ad plebejos tumultus assuefieri, militari & violento agendi modò factiones moliri, & in turbido turbationes sedare nolimus. Quàm primùm enim inter nos exorietur pupularis turbo, indispensabiliter aut virib; destituet, aut penitus evertet Libertatem.

50. Differitur, quid maxime timendum Libertati  
Polonæ?

Quod Seneca de homine, id quivis Statista de Libertate sentire, ac assérere potest. *Licet sāpe feriariis, licet mul-  
ti in Te giadij concurrant, parūm tamen refert quām  
multa sint vulnera, cum non possit amplius quām unum  
esse mortiferum.* Subjacet ægritudinibus, patiturq; vulne-  
ra Libertas, ex quibus aliqua sunt, quæ plūs aut minūs  
afficiunt, alia mortifera malignitate conficiunt. Cui est  
animus ad Historicam Lucem politicā anotomiā super  
extinctis tot Gentium Libertatibus occupari, clarē id  
perspiciet, quod quāvis ex illis tunc interijt, quando Ci-  
ves neglegēti ordinarijs pacificis medijs militarem, hoc est  
violentū armatū agendī modū in Judicia, Consilia, Electio-  
nes, aliosq; publicos conventus induxerunt. Proximi utiq;  
sunt Ucagones Hungari ac Bohemi, quorum Libertas no-  
stræ modernæ per omnia olim similis primū inter violentas  
electiones agonizare cepit, quæ malignitas quia in dies  
in Republica magis invalescebat, ad extremūm Libertatem  
suffocavit, Idem quoq; & nostræ Polonæ Libertati ceu mor-  
tiferum vulnus pertimescendum. *Quod cor in Physico ani-  
mali id fermè est Libertas in politico Reipublicæ corpore.*  
Notum verò est, quod pluribus cor sit expositum affectioni-  
bus, medici tamen binas assignant; *Syncopen & Palpi-  
tationem*, cujus rei causam adferunt, & remedia præscribunt  
nam nonnisi illas duas potest pati, in alijs, quæ quia ni-  
miūm sunt violentæ, priūs interit animal, quām possit me-  
dicina adhiberi. Similiter & cor Patriæ nostræ libertas po-  
test sustinere aliorum defectuum *Syncopes* seu deliquia, ubi  
verò illud tumultuosa armata Civium in agendo violentia  
oppreserit, priūs interibit, quām poterit medicina propina-

ri. Proinde hoc est principale meo sensu Venetæ Libertatis arcanum, quæ eo præcipue plus quam mille annis tam ornatè ac feliciter in facie Orbis floret, quod armatæ Civium violentiæ omnem possibilem aditum ad omnia publica negotia tractanda præclusit.

## DIES TERTIA.

*Eruditi aliquot Amicorum de Libera-  
tate colloquij.*

I. **P**ossidet Libertas nostra uti ampla ad splendorem ornamenta, ita quoq; multiplicia ad conservationē sui præsidia, ex quibus tamen secernuntur principalia ac veluti universalia fundamenta, quibus specialiter fortuna illius & integritas innititur. Ea verò admirandō conceptu clarus olim in Républica Civis Laurentius Ponęowski Succamerarius Lenciciensis in suo manuscripto expressit. Delineavit is acervum manipulorum, sub quo insigne Libertatis aureum vellus depositum fuerat super Librum, cui inscriptum Lemma: *Legum custodia & Consiliorum salubritate, loco perticarum seu sustentaculorum, quatuor erant hastæ, uni inscriptum Lemma: Uniformi Equalitate. Alteri, eligendi, sentiendi, vetandi Libertate; Tertiæ: Terrestrium Nobilitatis bonorum conservatione. Quartæ: Perpetua partium cum Corpore Regni unione. Cuspidibusq; hastarum cunctis in aratum Lemma: Bellica virtute. Tegmen compositum fuerat ex quatuor cordibus, cui inscriptum Lemma: Avita Religionis, & communis boni Patriæ amore. Novem proinde ille signat veluti lapides angulares, quibus tota Libertatis moles stabiliter & tu-*

*Diffe-*

2. Differitur de primo Libertatis Polonæ fundamen-  
to, quod est *Æqualitas*.

Sicut *Inequalitas* Noverca, ita è contrario *Æqualitas* est Mater Libertatis: Hinc haud mirum, quod illam omnes liberæ gentes nimium quandoq; deperibant; Apud liberos quondam Corinthios neq; tectum supra alios elatiūs habere licuit Athenis eminentiori supra alios fortunā imo & ipsō ingenio ultrā Civilem modum velle excellere, horrendum Ostracismi pñnam redolebat. Ast hzc Arithmetica Democratici Status Libertas fuit introducta, non ad conservationem sui, sed ad depressionem exterminiumq; Nobiliorum & Potentiorum per tyrannidem ferè popularium plebiscitorum; Ordinata autem, proportionataq; Libertati æqualitas docente Aristotele in eo consistit, *ut omnibus idem sit Jus, secundum Leges, que non plus unum gravent, quam alterum, non plus uni commodent, quam alteri: Ita non hominem, sed Legem potius sinimus imperare, is autem qui præst alijs, est Legum omnium Furiq; custos, quod si Legum S'furi, ergo equalitatis etiam.* Ejusmodi æqualitas ut in alia quavis, ita specialiter in nostra Republica id propriè in Politico Libertatis corpore efficit, quod in homine vitalium humorum temperamentum, quod quamdiu in congrua qualitate integrum consistit, tamdiu sanitatem, vitamq; humanam in tuto conservat, cum autem unius alicujus humoris prædominium supra proportionatam & connaturalem alterius æqualitatem sese extulerit, consequens est, ut periculosi morbi invadant corpus.

3. Ejusmodi æqualitatem Arborines nostri sedulò semper ceu firmam Libertatis suæ basim observabant, ac ita Status Reipublicæ in Jure & Jurisdictione inter se cōzquarunt, ut unus supra alium solo duntaxat loco & ordines suas

distingvat præcedentias; honores, dignitates & officia, id præstant, quod non omnes æqualiter sint eminentes: ast is solummodo titulus *Nobilis*, id efficit, quod omnes pari-formiter simus insignes. In hoc solo titulo cœū in compendio omnia Reipublicæ concluduntur decora. Ex Nobili etenim Officialis Regni & Terrestris, ex Nobili Senator, ex Nobili Prælatus, ex Nobili Episcopus, ex Nobili Consilium ac defensio Reipublicæ. Is titulus in causa est, quod Lex eodem oculo omnes respiciat, ijsdem auribüs cunctos audiat, eodem ore omnes alloquatur, ijsdem manibüs omnes exornet, & puniat. Citat Nobilem Senator, citat Senatorem Nobilis, uterq; ad eundem Judicem, convincit Nobilem Senator, convincit Senatorem Nobilis processu, judicat Nobilem Senator, judicat Senatorem Nobilis, unus supra alium nihil habet; jurat Nobilis, jurat & Senator, ambo non per substitutos, sed in Personis suis, *in Personalibus* quia ambo Nobiles, *in realibus*, quia ambo hæredes; punitur, dum excedit Nobilis, punitur & Senator uterq; æuali pœnâ, sessione turris, pœnâ marcarum, infamiz, & colli &c. Constat est Politicorum opinio quod Lex debeat esse anima cujuslibet Reipublicæ. Proinde Sapienter Prædecessores nostri ita hanc animam in politico Libertatis corpore collocarunt; ut omnes partes æqualiter animare & informare queat. Immerito serviles Nationes invidendo fortunæ Libertatis nostræ, arguunt nos, quod apud nos nec Reges sint exleges, cum enim in nostra Libertate Lex sit anima Politici Reipublicæ corporis, magnum foret inconveniens si hæc anima alias omnes animando, & informando partes, in ipso Capite proportionatam activitatem non haberet.

4. Ut verò hæc æqualitas integra conservaretur, Progenitores nostri Lege manus Regum constrinxerunt, ut nec antiquos

antiquos honores & titulos abrogare, neq; novos instituere ac conferre alicui valeant, ne ambitiosos Cives nisijs favoribus suis supra alios efferrent; Et si quando contrarium quid æqualitati attentatum fuerat, fortiter huic semper obfitit Respublica. Sub Jagiellone voluerat Elisabetha Regina filium suum Joannem Granovium creari Comitem, supraq; æqualitatem ceteræ Nobilitatis anteferre, supra quod jam obtinuerat Privilegium; ast quantum zelô huic Respublica obstitit, testis locò sunt Comitia Lenciciensia, in quibus ipse Jagiello devenit ad magnum periculum. Sub Sigismundo quoq; primo similis fuit inter Status motus (inquit Bielski:) ex ea potissimum causa, quod nonnulli Magnatum voluerant habere aliquas distinctiones titulorum supra Nobilitatē more externarū Nationū. Legi in digno fide Manuscripto, quod Radivilius cum apud Cæsarem titulum Principis sibi impetrasset, & intentata contra illum hōc motivō coram eodem Sigismundo fuisse aetio, eo tandem deducetus est, ut Diploma ad pedes Regios projiceret, quo sibi Regem adeo devinxit, ut Indultum forte obtinuerit. Propter eandem æqualitatem Antecessores nostri ad Consilia ad Regum Electiones, ad honores, ad possessiones, ac ad alia quævis Munia & Officia Reipublicæ præcluserunt viam generi Ducali, quāvis à sangvine Regio promananti, tum etiam in Patria creatis ut Vasallis Prussiæ & Curlandiæ Principibus; graves enim fuerant illi Silesiæ, Masoviæ, ac alijs supra æqualitatem Juris & Jurisdictionis elevati Principes.

5. Ejusdem æqualitatis causâ vetat Lex Civibus, ne sibi exoticos titulos apud exterios Monarchs impetrant, adeo, ut ne quidem Cardinalatum, Ordinem Ecclesiasticum, Sacrum, temporaneum queat Polonus à Summo Pontifice totius Christianitatis Pastore acceptare sine consensu Reipublicæ. Et cum non nullis hoc munus assumere permitteretur, statim

lege cautum est, ne hoc titulo quispiam aliquam sibi in Republica præminentiam, supra Primatalem dignitatem usurparet, utq; votum in Senatu ex Stallo Episcopatus sui ferret, retinendo memoriâ illas haud modicas controversias, quæ inter Oleśnicium Cardinalem Episcopum Cracoviensem, & Arciepiscopum Gnesnensem sub Casimiro III. Rege intervenerant; Quamvis politia Ecclesiastica apud Christianos Catholicos cum Civili pulchre conveniat, neq; enim habet diversum scopum, sed subalternum; secùs Civilis cujusq; Populi Respublica vel Regnum, diversum habet ab alijs finem, sui nimirūm conservationem & incrementa etiam cum aliorum incommodis, & si aliter sibi prospicere nequeat, etiam eversione. Cavent id sedulâ Veneti non concedentes alios Peregrinos suis Patritijs titulos, exceptis Equitum auratorum, aliorumq; suorum Ordinum decoribus in signum emeritæ virtutis concessis, qui tituli solummodo ad vitalitij non transeunt cum hæreditate ad Successores. Præstantissimus fuit apud Antecessores nostros titulus *Nobilis & Catholicus*, & quæ ac olim Romæ *Civis Romani* præcelluit cuncta alia exterarum gentium agnomina, fueratq; ceu Clavis ad famam sublimioremq; fortunā, quò ipsi Orbis Monarchæ sat grandi pretiō aspirabant. Id ipsum fit cum nostræ Nobilitatis præminentia, cui Magni Domini ac Principes exteri colligari non erubescunt, exindè indigenatum expetunt, ac Concives nostros se vocari non dishonori ducunt.

6. Asseres fortè Antecessores nostros ab immemorabili tempore vocatos fuisse *Principes, Comites, Barones*: Sic enim eos antiqua nominant Privilegia, ita Historiæ, ita Statuta antiqua: cur igitur hospites titulos nunc habere debeamus pro exoticis? Qui in his fallitur, informetur à Castellano Woynicensi & simul Thesaurario Regni Firlejo ex Litteris in Exterjs versanti filio scriptis: *Tituli tales quondam more*

more illo veteri tribuebantur omnibus, qui cum dignitate, vel Magistratu aliquo in Republica & Aula Regis versabantur. Quorum in locum successerunt postea Nomina Palatinorum, Castellanorum, Capitaneorum, & aliorum Magistratum, atq; Officiorum tam generalium, quam Provincialium, Senatorum enim, Magistratum & Officialium Corpus successive, & non una vice compactum, & denominationes Officiorum multæ novæ introducta sunt, à quo tempore Procerum, Comitum, Baronum denominatio meritò evanuit. Scire itaq; debes ambitionem hujuscemodi exoticorum titulorum, præsertim Comitum captam esse eo tempore, quo noster Sigismundus primus cum Casare Maximiliano congressus est Vienna, ibi cum & Principes inter se humanitate, & Liberalitate & diversa Nationes splendore opum atq; Nobilitatis certarent: sub discessum præcipue munera ultrò citroq; sibi, suisq; offerentes, Imperator nè opes atq; aurum erogaret, titulos hujuscemodi Nobilioribus ex Comitatu Regio obtulit. Super qua re ubi deliberatio communis à nostratibus instituta esset, conclusum fuit gratias Casari agendas, se Nobilitate Patriæ contentos velle vivere, abundè sibi bonorum & ornamentorum Regem suum atq; Patriam conferre, nolle quidquam novi & alieni à Legibus Patrie & aequalitate communi inducere. Graviores itaq; Viri cum ea sententia & constantiâ discedunt, Juniores verò ac elatiores privatim mutatâ sententiâ titulos Comitum pro se & posteris suis clam impetrant, quibus rāmen non statim, sed longo post tempore aperte gloriari caperunt. Plures postmodum per ambitionem varijs occasionib; præsertim Legationum impetrabant similes titulos à Principibus externis, non solum ab Imperatoribus, sed etiam à Pontificibus,

cibus, Regibusq; Hispania, Gallia, Portugalia.

7. Quod ejusmodi Peregrinos titulos in Patria sua Lege prohibuerint Majores nostri, graves habuerunt rationes, haud ignari, quām multa incommoda, damna & pericula in Rēpublicam ex hoc fonte promanare queant. Benē communiter dicitur: *omnis novitas nociva*; quia ut in assuetum cibi genus ventriculum alterat, & sanitati nocet, similiter ejusmodi novitates titulorum nunquam sunt absq; alteratione & damno Reipublicæ. Darius Rex quia aliqua ornamenta Persicæ frameæ adaptanda curaverat, occasio-  
nem suis præbuit auguribus interitum Regni ipsius divi-  
nandi, quod casus illius comprobavit. Clarus ille defensor,  
cultorq; Patriæ suæ Scipio per hoc devenit in odium, quōd quadrigā coloris albi, qui mos fuit, ( inquit Historicus: ) extenorū Regum, Romam invectus est. Exinde inter Ci-  
vēs quanta procella commota sit, didicit expertentiā dum vix non exul decepsit. Quid demū foret, si titulos peregrini-  
nos præferre Romani vellent? Dignum memoriā & obser-  
vatione Testamentum Augusti Regis, qui prospiciens, quan-  
tum exindē promanaret Reipublicæ periculū, si supersti-  
tes forores in bona ipsius succederent, quæ fuerant in Li-  
thuania ac Polonia à Bona Regina Matre ipsius cōempta,  
cunctam eorum successionem à sororibus alienari & redimi  
mandavit, dignis notatu verbis adjeclis: *Quod si nos cave-  
mus & præcautodimus, ne posteritas nostra in Dominijs  
nostris sese fundando aliquas difficultates afferat, eo  
magis cavendum est, ne reliqua quoq; persona exoticis  
titulis exornata, & per suas dignitates plū potentia  
in Regno & in Lithuania habentes, alicujus motus & se-  
ditionis prabeant occasionem.*

8. Ejusmodi tituli excitare possunt inter Cives tam in bello, quām in pace haud modicas dissidentias, omnes etenim eorum

eorum actiones necesse est Reipublicæ esse suspectas, cum præsumantur magis illuc propendere, ubi magis ornantur; magis verò extrà ornantur, ibi enim fiunt Principes, Marchiones, Barones, Comites, &c. In Patria verò simpliciter Nobiles censemur. Exteri quoq; Monarchæ in casu belli damnare queunt ipsos perduellionis veluti sibi subjectos, & obstrictos ratione tituli, ex quo sequitur aliqua obligatio, præsertim si in Privilegio expressa sit. Seriam quoq; id exigit animadversionem, quod exteri aut ingenti sumptu, aut fangvine, vitæ periculo, gestisq; heroicis à suis Monarchis acquirant Magnificos Comitatuum, Marchionatum, Principatuum, &c: titulos. Nostris verò Polonis ijdem Monarchæ sine impensis, sine meritis, sine discrimine, subinde profola visitatione, pro apportato nuptiali munere imò per tertias tantùm personas, aut per Literas, quandoq; etiam non rogantibus, nec curantibus largà manu ejusmodi titulos prostituunt. *Utinam non lateat anguis in herba,* fortassis id intendunt, ut datâ occasione accepti beneficij memores sint, aut Patriam nostram, cuius aurea Libertas jam priudem ipsorum perstringit oculos, deducant ad ejusmodi mutationem, qualis in alijs Regnis ex eodem fonte promanavit. In Imperio ac in Italia advitalitia quondam ac temporanea publicorum Officiorum & Magistratuum agnomina nihil aliud referebant, quam Regalis sive Cæsarei brachij potestatem, æquè ac apud nos modò Palatini, Castellani, Capitanei cum Jurisdictione &c. Ast aliqui Potentiores ea omnia converterunt in privatam dignitatem, & in hæreditarium suis familijs decus, dispartientes verò per districtus inter se Nobilitatem, illam unà cum Provinciis supremo suo Dominio subjecerunt.

9. Jidem tituli seminant odia & dissidia inter Cives & Dignitarios Regni, præsertim dùm apud Exteros versantur,  
siqui-

siquidē ibi ejusmodi peregrinis insignitū titulis Polonū altiori dignantur locō, quā Senatorē, aut Officialē Regni. Memorabilis est illa in Galliā Legatio ad Henricū, ubi primū offerebant locū Comiti à Gorka, quām Castellanis, ac Castrenibus Capitaneis &c. Similiter Berolini in Nuptijs Radivilianis altior locus destinatus fuit Comiti à Łabiszyn, quām Succamerario Posnaniensi. Idem potest contingere imò frequenter accidebat inter juventutem Polonam in exteris studia tractantem, cum magna in posterū animorum exacerbatione. Hi ipsi tituli illud minantur periculum, ne temporis successu Status in Republica convellantur, & Ordines Regni immutentur, videlicet ne emergat quartus in Republica Ordo Principum prior à Rege, si illi nimiū multiplicentur. Romana antiquitas ambitionē multis alis instructam effingebat, habet siquidem multiplices modos, cū alas, quibus ad fastigia superbiz efferatur, citius tamen & facilius potest à medijs, quām ab ultimis ad summa saltum facere.

10. Hi ipsi tituli derogant Majestati & dignitati Regiæ, totiusq; Reipublicæ, siquidem primū adscribunt, & quodammodo conferunt Monarchis exteris Dominium quoddam in Polonia super eas familias, quæ illos assumunt, deinde insuper in bona terrestria, quæ non modò legitimis sanguinis successoribus, sed etiam ipsis acquisitoribus hosce titulos tribuunt, indigitantq; porrò, ac si Rex & Respubli-  
ca dignis, & benemeritis nequeant proportionatos conser-  
re honores, ac eosdem titulos, si necessitas vel usus exposceret. Hzc eadem utiq; Respublica Archiepiscopum effectit  
primum Principem, sub tempore Interregni Vice-Regem.  
Eadem Respublica invitis licet Cæsaribus creaverat Princi-  
pes Prussiæ, Pomeraniæ, Curlandiæ &c. Non eo inficias,  
quod Imperator alijq; Monarchæ habeant potestatem inve-  
stiendi varijs titulis, Polonus tamen Eques, cui Domui est  
Respu-

Respublica & Rex, non debet quærere extra Patriam Cæsam, non debet quærere aliam Rempublicam, domui suæ abundans (dummodò adsint merita:) honorum, Libertatum quantum, imò supra quam satis, quibūs ampliores nec sol spectavit. Olorinum fermè quia extremum in Comitijs Anni 1605. Magni illius Zamoyscij fuerat votum, in quo præmisso, ac probato ample, quomodò ejusmodi tituli tollendo æqualitatem ipsum fundamentū Libertatis labefactent, fatetur ingenuè, quod ipſi non semel ejusmodi honores ultrò obtrudebantur & quod Legatus Hispaniz titulum Principis ac aureum vellus offerebat. Verùm tali exoticismo magnanimè renuntiavit, quin & jocum ex Hispano fecit, allegans: *quod timeat, ne hunc aureum Arietem suus Gentilitius Caper cornibus impetat.* Eodem heroicō animo Firleji, Mińscij, Koniecpolscij, cæteriq; exoticos titulos contemperunt, Prædecessores Patresq; suos imitando, haud ignari, quod Esculapij idolum Dionisius aureâ barbâ spoliari fecit, quia supra Patrem suum Apollinem, qui erat imberbis, sese efferebat.

ii. Allegari fortè potest, quod velle omnem Nobilitatem Polonam unè æqualitatis circulò circumscribere, ac prohibere familijs, ne possint aspirare & ascendere ad altiora Nobilitatis fastigia, nihil aliud sit, quam invidere fortunæ, virtuti & dignitati earum; necnon spoliare Patriam tot ornamentis, quibus ex hac diversitate graduum ad exemplum aliarum cultarum Gentium splendesceret; ne verò hi altioris Nobilitatis Cives titulorum dignitate supra æqualitatem elati insolescere, aut in præjudicium communis Libertatis aliquid moliri possint, permaneant sub eadem Lege jurisdictioneque; æqualiter cum cætera Nobilitate, prout est in alijs Regnis; Inveniuntur utiq; & in Polonia non pauci, qui Comites, Marchiones, Principes Imperij postpositis Legibūs

& Constitutionibus nuncupantur. Satiūs igitur cunctis id permettendū, quām absq; effectu inhibendo, Leges, inq; illis Républicā contemptui exponere. Sunt itidem Principes Lithvaniae & Russiae, quorū titularē supra reliquā Nobilitatem eminentiā, continet in Officio æqualitas Juris, & Jurisdictionis.

Ad hęc respondeo: Capere nequeo ullatenūs, nec video, quā ratione hī peregrini tituli fiant ornamentum Nobilitatis, & Reipublicæ. Velle enim Nobilitatem suam alienā ampliare, velle inclytissimam ex omni parte Rempublicam ac si proprietatum decorum egenam, apud exterros Monarchas fortunam ac ornamenta emendicare, velle Statum Patrium à pijs & prudentibus Majoribus institutum immutare vel augere, velle libertatem Militarem manifesto subijcere periculo; Non ornamentum id est, sed potius dedecus, æternā labe, & irreparabile damnum tam Statūs Nobilitaris, quām totiū Reipublicæ. Quę omnia quod ex his titulis supra æqualitatem Nobilitatis elatis in Rempublicam redundarent, suprà deductum est.

12. Antecessores Nostri nobis relinquenterunt unum Nobilitatis Ordinem, quem (ut prædictus Firley in suis annotavit Literis:) *Juris ac Libertatis communio aquat; Personarum vero vel familiarum estimationem distinguunt munia imprimis, & dignitates Reipublica præsentes vel olim gestæ in familia, tñm virtutis & meritorum decora, sapè etiam præsens fortunarum & antiquitatis familia splendor, atatis etiam atq; eruditio ratio: his fere solis precedentijs, alioquin generis & Nobilitatis titulo pares distinguimur.* Antiqui Poloni longè nobis celebriores optimè noverant quid adferat Nobilitati decus, & perspectum habuerunt, quid sit Reipublicæ ornamento, nunquam tamen voluerunt Nobilitatem suam ejusmodi Peregrinis centonibus subsuere. Noluerunt suam Rempublicam

blicam exoticō induere habitu, nec in videbant alijs gentibus tales titulorum distinctiones, timentes, ne idem ipsis accideret, quod causavit equo aurō & argentō adornatum frænum, cuius (ut narrant fabulæ:) splendore seductus, quia sibi imponi illud semel permisit, in se, ac omnes alios sonipedes servitutem derivavit.

13. Similitudo à Russiæ Lithvaniæq; Principibus desumpta nequit extendi ad eos, de quibus sermo est, titulatos ideo imprimis, quia paucæ sunt ejusmodi Ducales familie, quibus id concessit Respublica circa Unionem cum Lithuania, ac quamvis apud eos sit hereditarium decus, attamen in sangvine duntaxat, non in bonis terrestribus fundatum; Proinde sicut ipsæ familie, ita earum tituli æternè durare nequeunt, ac tandem extinguentur. Puto enim in præsens vix posse quinq; ejusmodi Ducalium familiarum numerum confidere. Et quia hi tituli non fuerant aliundè assumpti, verum cum sangvine transfusi, justum erat, ut id ipsis in memoriam Ducalis Originis concederetur, deniq; ita illæ per omnia ad æqualitatem cum cætera Nobilitate adstrictæ sunt, ut nec diversum Ordinem à Nobilitari constituant in Respublica, nec prælationem ullam, imò nec Stallum altius in confessib; ratione Ducalium titulorum obtineant, verum Dignitarijs & Officialibus à Rege Privilegiatis jubente lege cedere teneantur. Nequit ergo ex concessis hisce titulis dictis Principibus aut dedecus, aut aliquod periculum in Libertatem sive Rempublicam redundare, prout ex aliundè adscititijs, qui & separatum altiorum gradum supra æqualitatem Nobilitatis affectant, & ab exteris Principibus collati multiplicari sine fine non modo cum sangvine, verum etiam cum terrestribus bonis, ad Successores aut acquisitores devolvi, eòq; ipso æternare possunt. Perconsequens si similes titulati multiplicarentur nolent pro-

certò cum hisce crepundijs innanes solummodo Nominū umbras gestare, sed procùl dubio satagerent ad titulos, rerū per Nomina significatarū vitulos quoq; adiucere. Juris communis & Legū Patriarū vinculū, non potest esse tam validū, ut multos & potentes in Officio contineat, difficulter enim Gigantes funiculō vincuntur. Experimur, quām multū in aliquibus Palatinatibus paucorum potentia aut præminentia titulorum similium exorbitet, quām libera vox Nobilitatis sēpius præfocetur, ut potius Placentiam, quam Veronam, aut Libertinam deflectere cogatur.

14. Audivi hac de re plures sermones dignorum hominum, qui Antecessoribus nostris vitio vertebant, quod Lithvanis quamvis Patritios titulos uti Marshalcorum, Cancellariorum, Thesaurariorum, & id genus concederint sine necessitate ad solum splendorem & ornamentum gentis. Isti siquidem tituli ac munia exhibent aliquomodo diversam Reipublicæ speciem ac tandem aliquando Lithvani possunt tentare, ut nom in Polonia tantum, verū etiam in Lithuania sub eorum direktione celebrentur Comitia; (\*) Alij quoq; Officiales similia sibi arrogare audebunt tamdiū, donec tandem seperatim Regem sibi distinctum creent. Animadverterunt quidem hoc Poloni, ast sero sapuerunt Phriges, dum sub Casimiro III. Rege in Comitijs Lublinensibus Anno 1448. id à Lithvanis obtinere conabantur, ut uterq; Populus quemadmodum sub uno Rege, ita sub uno Regni Poloniæ Nominе æquali jure viveret, extinctis Magni Ducatūs, seorsivorumq; Magistratum titulis; De his quoq; specialiter concessis Lithuaniae Officiis differentem audivi olim Sapientem Senatorem Stanislauum Kobierzycki Palatinum Pomeraniæ, qui veritatem Jovialibūs involvendo affirmabat, quod ubi Maritus & Uxor distinctum famulitium, distinctos proventus, distinctas

(\*) Expletum est Augurium Grodne 1628.

expensas

expensas, diversumq; regimen habent, jam ibi sincera amicitia & debita concordia aut nulla erit, aut non diù durabilis. Pariter & hæc seorsiva Lithvaniæ Officia, ac titulorū multæ authoritatis specialitas obicem ponunt efficaci istorum Dominorū unioni & niutuz concordiz, præbentq; ansam exacerbationis animorum noxiæ aliquandò bono Reipublicæ. Quodsi domesticorum titulorū non necessaria multiplicatio communi Patriæ periculosa, quid censem de Peregrinis? hi quia æqualitatem tollunt, aut illam sensim pessundare possunt, ideo ipsum fundamentum Libertatis subruunt.

*15. Differitur de secundo Principali Polonæ Libertatis fundamento, quod est Liberæ Electionis, & Juris intercedendi inviolata conservatio.*

Quam multum in Electione Regis intersit Libertati; illi dunt taxat ignotum, qui nec naturam, nec fortunam ejusdem Libertatis degustavit. Perdere Liberam Electionem est principale columen Libertatis prosternere, jam hoc in casu non Reges populis, sed populi Regibus, non Rectores Civibus, sed Domini servis dabantur. Electio est veluti *Genethliacum Astrum* quoddam Libertatis, in quam prout illa est benè, vel male affecta, bonæ vel malæ influunt qualitates. Electio est dives *Aurifodina*, ex qua felicitatis venæ in Leges & Privilegia nostra emanarunt. Est lucrativus abundè Libertatis *Mercatus*, in quo cuncta, quibus modò illa indiget, apud prehensantes Candidatorum ambitus obtinemus. Est opulenta multùm *Promuba*, quæ nobis iræstimabilia à procantibus Libertatem nostram Principibus confert ornamentorum donaria: Est turris gemmea, in qua Lechica Colchos integratatem perennitatemq; aurei Libertatis suæ Velleris principaliter collocat. Quantâ proinde circumspetione, quantâ vigilantiâ circa conservationem ipsius opus sit,

sit, Sapienti & Libertatem amanti satis liquet; Ego reor quod ut in participatione Allegoriz, ita in communione periculi quemlibet Libertas subjaceat sorti aurei Velleris, Habet equidem illud diligentem sui curam & custodiam, verum quia solummodo contra internam & non externam vim, avaritiam, ambitionemque munita fuerat, facilè in rapinam audaci & fraudulentio Jasoni cessit, ad edocendas Liberas Gentes: nisi sylva humani generis excisa non defueros Libertatis raptore Lupos, cunctis quidem illius decoribus, principaliter tamen Electioni inhiantes, cuius discrimine veluti gutturi Libertati comprimunt.

16. Tumultus & vis armata in Electionibus quam sint Libertati perniciosa, libera quondam Roma nos premoneat. Quamdiu illic ambitio loculis instructa suffragia licitabatur, interturbabat quidem, & confundebat sicut alia publica negotia, ita Electiones Romanas, sed postquam altera manu gladium arripuit, idest in Rempublicam militarem induxit Statum, tunc is Candidatorum qui fortior erat, dignior evadet. Protunc non suffragia non vox libera eligentium, sed furor casus, errorque, ad extremum ipsa quoque; ludibria militariā Dominos Reipublice constituebant. Ut cetera transcam, quæ vel furore populari, aut ludibrio, aut sangvine foedarunt Purpuram, aliqua tantum ex Lipsio commemorabo: Talis fuit Electio Claudi Cæsaris, qui Caligulæ occiso, rumore calidis exterritus, & sui quoque anxius, prorepit ad solarium, & inter januæ prætentæ vela delituit. Miles aliquis è Prætorio disurrexens ad prædam, hunc reperit, & protrahit, productum ad alios Prætorianos flittantes abhuc, nec aliud, quam frementes, Principem salutat, quem ut calitis oblatum arripuerunt, Senatus dissentiebat, & Libertatis præferebat inane nomen. Sed vicit militaris Electio & fatale Romanis servire.

vire. Similis fuit Electio Probi; Tacito enim Imperatore absumpto dum Electio pendet, Exercitus Orientalis eam occupare & sui beneficij Principem habere voluerunt, conveniunt ad eligendum: Et dum Tribuni quasi per decorum, eos monent, fortē, Clementem, probum Imperatorem eligendum esse, arripiunt illi vocem; & statim acclamat: Probe Auguste Dij te servent; Inde Purpura, Tribunal, & legitimus Princeps. Non dispar fuit electio Regilliani, erat ille Dux in Illirico male in Gallicanum Imperatorem armatorum, fortē unā plures comedebantur, fuitq; Valerianus Tribunus, qui in joco & vinō diceret: Regilliani nomen unde credimus ductum? subjicit statim alias: à Regno: & milites communiter: ergo potest Rex esse, & occasione solā temerarij dieti fecerunt. Ejusmodi etiam fuit Electio Proculi in Gallia; Milites ad latrunculos ludebant convivantes, fortē decies Imperator Proculus exivit, atq; inquit quispiam ludens: Ave Auguste, allataq; lanā purpureā humeros ejus velavit, timor mox eorum, qui adfuerant! & ne accusarentur apud veterem Imperatorem, novum hunc consensu faciunt. Plures alias hujusmodi Electiones quivis in Historijs reperire poterit, ac discere tunc liberas gentes sub hastam servitutis abiisse, tunc Regna in vilissima & pessima præsentissimō exitiō capita impegitse, quando vis, confusio & favor armatus pro Cadidatis suffragia colligebat.

17. Placuit mihi cuiusdam in Patria Magnatis consideratio, quod in Polonia regnante Reginā Rixā totum equidem tempus, ast maximē novi Principis Electio turpissima fuerat. Quasi nos hoc arcanum fati jam protunc admonebat, ut in omnibus publicis Reipublicz negotijs, præcipue verò in Electionibus nostris ad periculum discordiæ cum timore respiciamus, eoq; diligenterius, quia nullum certum modum,

modum, nullum stabilem firmumq; Ordinem in hisce nostris Electionibus habeamus; Unde latissima aperitur via armatæ, qualis in Electionibus solet esse, multitudini ad inconsultam, vim, & tumultuosam inter armorum suffragia violentiam. Talis verò Electio rectè appellari poterit præparatum jam ad sepeliendam Libertatem feretrum. Omissis alijs plurimis antiquioribus & remotis, recentiora, eaq; vicina Bohemorum & Hungarorum præ oculis versantur exempla; Hi quod primum per tumultuosas & violentas Electiones aditum servituti præbuerunt, ipsorummet clarè attestantur Historici.

18. Haud diffitemur equidem nos in tanta agendi ac sentiendi Libertate absq; dissensionibus ceu agnato Libertati malo subsistere non posse; præcipue circa Electiones, in quibus Libertas nostra ceu Virgo elocanda inter tot procantium Candidatorum studia hæret dubia. Unus ferè Vladislau IV. Turcarum victor uti nemine concurrente, ita quoq; nemine contradicente in Regem fuit electus, idq; magis arcano Superum consilio quam ordinario naturæ cursu contigit, quod primam natalem lucem aspicerit die Festo Sanctorum Primi & Feliciani, quorum veneranda Lipsana ab Urbano VIII. Romæ præsens obtinuit. Omen id satius Natalitium & Pontificium fuerat, illum futurum ex Regibus primum, qui sine æmulo *felicissimus* concordi omnium suffragio Regimen suum apud nos auspicaturus esset. Nihilominus quamvis discordia sit veluti domesticum Libertatis nostræ fatum, certò tamen certius est, quod non aliundè præsentius exitium imminere nobis poterit, quam à discrepantibus electionibus, dum præcipue inter diffidentias Ordinum Reipublicæ violentia & armatus furor popularis suffragia Candidatorum moderabitur. Nostra Polona Interregna signanter tunc, quando deficiente Regiò Sangvine non

non assumitur, sed queritur Princeps, sunt ceu Nodus Gordius, qui Libertatem nostram tot difficultatibus & periculis implicat, si illuni igitur non dexterā & molli manu, si non unitis animis & Consiliis extricabimus, sed uti inconsulti Alexandri quidā violēto conatu, & turbulēto tumultu discindem⁹, infallibiliter quoq; ipsa Libertas lethale vuln⁹ haud effugiet. Antecessores nostri non tantum ab actu & suffragio, sed insuper à loco Electionis Lege excluderūt Ducale gen⁹, excluderunt Wasallos, excluderunt ipsos Candidatos; Crucigerorum Magistros Prussiar, quāvis ad Senatum admisiſſent, Locumq; ac vocem in Consilio permisiffent, ab Electionibus tamen Rēgijs propter metum armat⁹ potentia amoverunt. Dediſſent Superi! ut etiam hæc aurea Libertatis Porta in primis stabili quādam & rigidiori ordinatione, ceu fortibus pessulis obſfirmata, deinde contra factiōsum ambitum, necnon tumultuosos (quod circa Electiones nostras facilē evenit) & violentos conatus melius præmunita fuisset. In comperto etenim est quod hanc auream Libertatis Januam aut oculti ambitus, factionumq; cuniculi subruent, aut etiam armata potentia effringet.

19. Quod vox libera & Jus vetandi sit præcipuum Libertatis nostræ fundamentum, ipsi testantur inimici tam gentis nostræ, quām & Libertatis. Quia quām primū illis contigerit aliquantulum nobis prævalere, mox ademptionem vocis vetandi, videlicet nostri Polonici *Nie pozwalam* comminari solent. Exinde patet in eo maximum Reipublicæ nostræ confidere præſidium, quandoquidem illud non prius corruere poterit, nisi tunc, dum nostrum *Nie pozwalam* suffocabitur. Sed de hoc Jure vetandi, & voce libera fusiūs alibi

20. Differitur de tertio Principali Polonæ Libertatis fundamento, quod est Terrestrium Nobilitatis bonorum conservatio.

Quantum Libertati Polonæ interst̄ conservari bona & decora Ordinis Equestris, demonstrarunt Majores nostri, qui in antiquis Statutis & Legibus de illo affirmant, quod sit armata Regni militia, in qua honor Regis & defensio Reipublicæ consistit, quod sit potissima hujus Regni portio, robur, firmamentum ac seminarium quoddam Reipublicæ. Ex illo (dicit Orzechovius in manuscripto) Senator, ex illo Officiales Regni & Terrestres, ex illo Praetatus, ex illo Reipublicæ Consilium, ex illo defensio & ornamennum; hac ducti ratione ab origines nostri satagentes robur istud & firmamentum Reipublicæ in integro conservare, tam multis fortibusq; caverunt Legibus, ne quisquam ortus ex Ducali genere, multò magis extraneus, si vè alienigena, aut Plebejus bona terrestria cōémere, aut possidere queat. Eodem intuitu sanxerunt, ut tam civilia, quam Ecclesiastica beneficia honorifica, & pingviora non nisi solis Nobilibus conferantur. Imò similis Lex ipsis etiam Regibus constrinxit manus, ut nec Jure emptitiō, nec aliter acquisitō, nec ullō quōvis modō bona terrestria Nobilitatis diminuere valeant. Quod si aliquandō quocunq; titulō ad eorum dispositionem illa devenirent, alijs Nobilibus eadem conferre teneantur. Sic quoq; ipsi Liberalitati Catholice erga Deum & Ecclesias annuente summō Pontifice Majores nostri modum posuerunt, ne Status Nobilitatis, cuius integratati etiam Sanctæ Ecclesiae innititur securitas, enervetur, & corruat.

21. Callidus ille seductor Callimachus Alberto Regi nostro inter alios hunc quoq; in oppressionem Equestris Li-

Libertatis indigitavit modum: quatenus eō infleceret Nobilitatem, ut fundos possessionesq; suas Regi consignarent, ipsi verò accepto certō pecuniariō stipendiō in Civitatibus residentes expeditiores ad bellum essent. Efficacissimus ipsi is videbatur modus, quō posset hanc præcipuam Corporis Reipublicæ partem infirmare. Opes namq; & possessiones Juris periti vocant alterum sanguinem humanum: Et uti deficiente sanguine totum corporis robur & sanitatis integritas vacillat, ita si hæc præcipua Corporis Reipublicæ pars, Status netmpè Nobilitaris opes suas cum bonis terrestribus ceu requisitum Sanguinem amitteret, certè & ipsum Reipublicæ Corpø languere, & deficerre deberet. Poloniæ nostræ Regum opulentiam ac divitias non tam in redditibus ac thesauris, quam in Viris bellicosis, in amore, fidelitate & fortitudine Nobilitatis Antecessores nostri consistere arbitrabantur, ut sicut Majestas Regia ab alijs vulgaribus dignitatibus est distincta, ita quoq; preventus ab alijs communibus redditibus diversi sint. Ex eo capite Reges nostri omnes Christianos Monarchas superabant, & illis potentiores ac ditiores erant, quod Regna sua contra quorumvis hostium impetum proprijs Civibūs tueri poterant. Quaré iuste noster Skarbek derisui habuit thesauros, quos ipsi Henricus Imperator ad subjugandam Poloniam ostentabat, ut potè haud ignarus citius posse deficere ditissimis quibusvis Monarchis aurum, quam Regi Poloniæ numerosas vires, ac Nobiles Herdés, qui dum est opus, periculo vitam exponendo proprijs stipendijs, bellicos subeunt labores. Ideoq; in Polonia Terrestria Nobilium bona primitūs (ut Leges loqvuntur) de Jure militari ad defensionem Reipublicæ destinata erant cum hac cautione, ut Spirituales etiam, qui in bona terrestria succedunt, seu illam suis cōémunt consanguineis, ad bellicam expediti-

ditionem cum alia junctim Nobilitate quāvis non in proprijs personis teneantur. Ne proinde hi inexhausti Regis Regniq; thesauri imminuantur, neq; hęc armata militia, in qua honor Regis, & salus Reipublice consistit, tam in apparatu, quām in numero servitij bellici sensim in deterius eat, ac per consequens ne Libertas periclitetur, curandum est, ne Otto Equestris per diminutionem suorum terrestrium bonorum collabatur.

22. Veneti quāvis diversas longē Libertatis sūr rationes, & conservationem habeant, huic tamen sedulō in vigilant, ne Status Nobilitatis per depauperationem elanguescat; unde inter multas ditandę Nobilitatis rationes id quoq; Lege provisum est, ut Galerius, seu Triremis cujusq; Navarchus octo pauperum Nobilium filios ad quamcunq; partem proficiscatur cum septuaginta Aureorum Nummorum stipendio secum ducat, illisq; viclui necessaria, qualia Nobiles habere debent, impertiatur; Simul ut aromatum libras quatuor mille sine navali solutione & gravitate singulis importare permittat. Similia compendia sublevandę & conservandę fortunę Nobilitatis adhibebant antiquiores liberae Republice, in comperto habentes, quod Nobiles possessionati sint fideliores amantesq; Patrię, & acriores ad resistendum hostibus. Nam & minima avicula tamdiu nidulum suum mordiciis tuerit, quamdiu est in ipsius possessione. E contra impossessionati quia Rempublicam potius pro hospitio, quām pro Patria habent, de ipsius integritate parū sunt solliciti. Aristoteles affirmat, quod ejusmodi homines Rempublicam reputant pro stabulo, tamdiu illam non deserunt, quamdiu commodius pascuntur; Tales porro seditionibus & tumultibus facile adhærent, illosq; ut in turbido piscari queant, fomentant, quia est deforme malum ac sceleri con-

77

*confinis egestas.* Apud Romanos his, qui possessiones suas dilapidare incipiebant, addeabantur Curatores prospicientes, ne illi postquam ad egestatem devenerint, dispensio publico propria conquirant compendia, immo à possessionatis juxta proportionem graduum in Republica ijdem Romani variam requirebant censum qualitatem: communiter enim tantum ex publicis sentimus, quantum ex ijs ad privatas res nostras pertinet. Athenienses tam diligenter id observabant, ut si quis proportionatam sibi possessionem non haberet, illi Civem Athenensem, id est liberum Nobilem vocari nefas fuit.

23. Possessio Nobilitaris apud nos in Polonia ipsius quoq; Nobilitatis est fundamentum, quia deductionem Nobilitatis Lex præcipit facere ex dispositionibus Bonorum. Eadem possessio est omnium Reipublicæ dignitatum & Officiorum principale fulcrum, quia eadem Lex possessionatis tantum mandat illa conferre. Eadem possessio est quoddam vadimonium & fidejusso apud Rempublicam pro Dignitariis & Officialibus, quod muneribus suis satisfacti sint. Citati namq; in casu non satisfactionis, defecetus & negligentias suas possessionibus compensant. Eadem possessio est bona fidei conciliatrix, quia in pluribus causibus neq; vadimonium, neq; testimonium valet coram JUDICIO, nisi possessionatorum. Eadem possessio est honestatis Nobilitaris conservatrix vindicando Nobilem à multis probrosis nominibus & gravaminibus: Leges etenim impossessionatos tam in personis, quam in Mobilibus arestare, ac incarcerare permittunt, ubivis Locorum causam dicere, penasq; luere cogunt, vocantq; illos Lixas, Calones, Vagos, fidem ipsis in jure denegant, verum vadem pro se statuere mandant. Est igitur Nobilitaris possessio ut ipsius Nobilitatis maximum fundamentum, ita & quæ Libertatis

tatis principale firmamentum. Ea de causa constitutio quoq;  
Anni 1613. computat illam inter principaliores Statūs No-  
bilitaris Libertates.

24. Differitur de quarto Polonæ Libertatis fun-  
damento, quod est Terrarum, Ducatum, cæterarumq;  
Regni partium cum suo corpore perpetua Unio.

Diversæ apud nos distinctiones & Ordines Principum ex-  
titerant, ac etiamnū reperiuntur. Primus Ducalis Ordo  
est: Regiorum filiorum, qui habent derivatam à Majesta-  
te Paterna participationem reverentię, commansionis, &  
protectionis in Regno. Secundum Ducalem Ordinem fe-  
cerat in Polonia ampla illa *Genesis Boleslai dicti Krzy-  
wousty*, unde malō publicō multarum Regni partitionum  
origo in Duces Silesiæ, Masoviæ, Majoris Poloniæ, Mi-  
noris Poloniæ, Cujaviæ &c. Hi Provincijs Regni inter se  
divisis, eas possidebant cum absoluta potestate, nec in bo-  
nis, nec in personis suis Jurisdictionem Regni recognoscen-  
tes, Majestatem tantummodo, quæ penes Reges, aut Du-  
ces Cracoviæ erat, comiter conservare obligabantur. Ex  
his Principibüs alios fatalis necessitas, alios successus tem-  
poris cum deficiente sanguine bonō publicō fustulit ex  
Polonia; Alij iugo Vicinorum Principum cum suis Provin-  
cijs sese submiserunt. Tertius Ordo fuerat, ac etiam nunc  
est in Polonia *Principum Feudatariorum*, prout quondam  
exstiterant Valachiæ, Russiæ, Pomeraniæ; de praesenti verò  
Prussiæ & Curlandiæ, qui & Majestatem Regis Poloniæ  
juramentō & homagiō praestito comiter observare, & ob-  
sequia quædam ex pacto Reipublicæ praestare obligantur.  
Deficiente verò masculâ prole eorum Dominia, quæ Feu-  
di titulō possident, ad Rempublicam redire debent. Quartus  
Ducalis Ordo fuit, ac etiam nunc reperitur in Polonia eo-

RUM

rum qui originem ex Magnis Ducibus Lithuaniae aut antiquis Ducibus Russiae trahunt, & circa unionem Lithuaniae & adjunctionem Terræ Volhynensis ad Rempublicam in unum Corpus acceptati sunt, qui siquidem sunt cum Statu Nobilitari, Ordine, Jurisdictione, penis coequati, exinde non faciunt supra Equites altiorem Ordinem, ac absq; lēsione Legum de genere Ducali participant, deq; omnibus prærogativis Nobilitatis.

Primi verò Ducum Ordines, quia propter excellentiam Statū nec Ordini Nobilitari commisceri, nec communib[us] Legibus subiici possunt; ea de causa antiquâ consuetudine & Legibus exclusi sunt ab Elec[tivis] & consultivis suffragijs, exclusi sunt ab officijs & dignitatibus Reipublicæ, exclusi à possessionibus tām perpetuis, quām cum vitalitijs propter metum potentie, ex qua magna contra Libertatem redundarent pericula.

25. Abnuebant Majores Nostri supra æqualitatem Nobilitatis per prælationem altioris Ordinis habere eminentiores Principes, qui Libertatum & bonorum Reipublicæ participes ferent. Ad quod licet serò respexerunt, tandem tamen sub ferula eorum edocti sunt, quod parūm tutā est Libertas, quam præpotens tractat potestas. Ex hoc Ducalis præminentiz fonte promanabat in Rempublicam grande malum dismembrationum, quāmvis illam necivam partitionem Regni, quam secundarium duodecim Palatnorū regimen, & si ex libera electione, & sine ullo hæreditatis titulo causavit, tacitus præteribo; magis noxiæ illæ fuerant dismembrationes, quas Duces & Reges Poloniæ titulō hæreditariæ dispositionis in Regno fecerant. Primam (quantum ex historijs constare potest) fecit Lescus III. qui inter viginti filios amplas maritimas Provincias partitus est, quas illi demūm à Corpore communis Reipublicæ avellebant.

runt. Eodē hæreditariꝝ dispositionis titulō Vladislao I. inter Boleslaū & Zbignieviū filios Poloniā divisit, ex quo quanta mala & motus exorti fuerint, conselatur historia. Maximè exitialis exstigit dismembratio Boleslai Krzywousty vocati, qui similiter in Ducatus, Cracoviensem, Sandomiriensem, Posnaniensem, Masoviensem, Lublinensem, Poloniā inter filios distribuit. Hi verò multiplicati alij ut Silesiæ ad finitimos Principes sponte, alij coacti defecerunt, alij inter parricidales cœdes, & mutuas hostilitates per ducentos annos ingentibus malis Rempublicam vexarunt. Tandem sub Casimiro Magno licet non ex integro, distractæ partes iterum in unum Corpus jungi cœperant; verum is quoq; eodem arbitrariꝝ de bonis Regni dispositionis titulo efficerat magnam in Republica dismembrationem per testamentariam ordinationem, cum Terram Dobrzynensem, Biegostiam, Kruswicam, Klotoviam, aliosq; Districtus legaverit Nepoti suo Casimiro Stetinensi Principi, verum hoc malum fata ejusdem Principis averterunt. Simili authoritate idem Casimirus Magnus reclamante potiori parte Senatus Cessionem fecit Crucigeris Terræ Pomeraniz, Culensis, Marienburgensis, Michaloviensis, quin etiam ex Sigillo Regni Ducatus Pomeraniz titulum eradere mandaverat. Post Casimirum Regem Ludovicus Vladislao Duci Opoliensi sibi sangvine juncto donaverat Terram Vielnensem, Hlystynensem, Krepiscensem. Pariter Jagello adjunxerat Lithuaniaꝝ Ducatum Kijoviensem; filius verò ejus Casimirus III. pro Lithuania detraxit à Regno Volhyniam, Podlachiam, quæ omnia restituendo Augustus I. ac Regno iterum reuniendo, in Diplomate dato sub tempus Comitorum Lublinensium Annō 1569. fatetur, quod fuerant per injuriam à Regno avulsa.

26. Non solum verò irrevocabiles Juris hæritariꝝ dona-

donationes, sed & temporales Regum arbitrio de bonis Reipublicæ dispositiones magnum Regno damnum attulerant. Evidenti sunt documento Terræ Podoliae, quas Jagello concesserat ad temporalem provisionem fratri suo Swidrigelioni, & ex post Vitoldo, unde quantæ commotiones, contentionesq; inter Lithvaniam & Poloniam exortæ fuerint potissimum sub Casimiro III. testatur historia. Ejusmodi alijsq; noxijs dismembrationibus obfistebat ac medebatur, quantum potuit Respublica.

27. Primum harum fuit remedium *unius ad Principatum sive Regnum electio*, quo distraictæ partes tanquam membra quædam restituerentur suo corpori, ita binis fecerat vicibus post dismembrationem duodecim Palatinorum. Similiter quoq; egit post illas distractiones Regni in filios Boleslai Krzywousty ad unum Premislaum, qui in plures dismembratas partes successerat, coronam transferendo: sub cuius ut ut brevi aliquot Mensium regimine attestante Cromerô: Polonia tot Imperijs discerpta in unum Corpus rursus cōdilescere, dignitatemq; suam & amplitudinem pristinam recuperare capit. Iisdem dismembrationibus obviando Antecessores nostri, in casum Interregni constituerunt Primatem inter Regem, ut tunc quoq; penes unum Vicaria Regis potestas & moderatio Corporis Reipublicæ permaneret: quia verò Spiritualem designarunt Personam, profundum in hoc Politicum arcanum complexi sunt, ne videbaret in illum affectati Regni suspicio cadere posset.

28. Alterum contra dismembrationes adhibuit Respublica remedium, *constitutionem Unionis inter ipsa membra Reipublicæ*, quæ Unio cum pro fundamento habeat unitatem, unitas verò naturaliter non possit dividii in plura, ita quoq; unitum Regnum ne dismembrari queat, adinvenit Res publica talēm unionem, quæ singulis Ordinibus ac membris

suis æquam & honestam ad regulam æqualitatis emetiretur proportionem, ne Reipublicæ membra absq; hac proportionata unione sibi absimilia, constituerent Corpus monstrorum, inducendo dissimilitudinem & imparitatem, ac per consequens tollendo unionem, quæ est *vinculum Charitatis, Mater societatis, mensura & regula politica in Corpore Reipublicæ proportionis.* Curæ igitur semper fuit Reipublicæ, ut Ducatus, Provincias, at quasvis earum pertinentias in unam compagin eâ proportione compingeret, qualis est infrastructura humani Corporis, in quo tam principaliora, quam etiam inferiora membra æquè sunt Corpus, & tam hæc, quam illa de illius qualitatibus participant. Per simili modò Status Reipublicæ minus eminentes cum eminentioribus æquali generis, Juris & Libertatis communio eita sunt coequati, ut unus supra alium nihil placere habeat, soloq; duntaxat loco, qui cum dignitate aut Officio Reipublicæ obvenit, suas sortiatur præcedentias. Ita Casimirus Magnus subaltam Russiam in formam Provincia rediget, Officia & Magistratus Polonorum more instituit, & cum Polonis eodem Jure Libertateq; vivere jussit. Sic Jagello Lithvaniæ Ducatum simili Unionis vinculo cum Regno connecctere cœpit, Sigismundo, Augustus feliciter perfecit. Ita Ducatus Masoviæ & Prussiæ necnon reliquæ Terræ in unum Reipublicæ Corpus cœaluere.

29. Tertio ad avertendas pares dismembrationes remedio usa est Respublica, retentione nimirūm in fide Regni earum partium, qua absolute uniri non poterant. Maluit enim Provincias in Societate quamvis sine possessione, cum reservatione tamen Juris retinere, quam penitus amittere, ac totaliter avelli permettere. Ita olim egerat cum Ducibus Russiæ, Masoviæ, Pomeraniæ, Volhyniæ, & nunc agit cum Prussiæ, Curlandia.

30. Quartum contra dismembrationes remedium fuit  
*abrogatio hæreditariarum, quas sibi Reges Poloniae ap-*  
*propriabant, dispositionum; hæc enim semper extiterant eti-*  
*am in unitissimo Regno perennis fons dismembrationum.*  
*Id clare liquet ex Boleslai Krzywousty inter filios, alijsq;*  
*similibus divisionibus. Lithuania ipsa plus quam per cen-*  
*tum octoginta Annos obstante hoc Jagellonicæ hæreditatis*  
*obice connecti cum Regno quamvis abutrinq; summis la-*  
*boratum fuit conatibus, non potuit, neq; unquam ad id de-*  
*ventum fuisse, nisi Sigismundus Augustus Juri suo hære-*  
*ditario in Ducatum Lithuaniae renuntiasset. Quousq; enim*  
*arbitraria & liberalior de Bonis Reipublicæ dispositio in*  
*manibus Regijs consistebat, propensio præprimis innata, a-*  
*morq; erga Sangvinem proprium, cor animumq; Regium ad*  
*eum inclinabat, deinde inconsulta propter respectus pri-*  
*vatij sui interesse Liberalitas, abstrahebat ipsos ab justo &*  
*ordinato regimine Regni, ut plus sibi, & suis, quam Re-*  
*publicæ consulerent, frustatim unitum Regnum discerpen-*  
*do ac dividendo. Enixi proinde supplicationibus Respu-*  
*blica à Dominis suis id obtinuit, quod sibi Lege sponte*  
*manus constrinxerint, ne quidquam de rebus Reipublicæ*  
*arbitriariâ dispositione statuere possint, evicitq; insuper ab*  
*illis, ut Ducale etiam sui Sangvinis genus, tanquam ob præ-*  
*minentiam sui Status Juri communi & Jurisdictioni non*  
*subjectum, necnon homines exteri à possessionibus, benefi-*  
*cij, dignitatibus & Officiis in Regno excluderentur. Ad-*  
*jecit ad extremum Regio Juramento paragraphum de re-*  
*cuparandis à Regno avulsis, ut illos efficiantur in Officio hæc*  
*Jurisjurandi religione continere possint, si etenim urgente*  
*juramento obstringatur Rex abstracta à Regno recuperare,*  
*& unire eidem, multò magis ex eadem obligatione tenetur*  
*unita non distrahere, aut alienare.*

31. Quintum contra dismembrationes adhibuit Respu-  
blica remedium *amotionem & sublationem prætensionum*,  
quascunq; sive exteri, sive Patriotæ Ducalis & eminentio-  
ris generis aliquo prætextu in Rempublicam haberent. Ex-  
teriorum prætensiones soplebant Majores nostri per com-  
positiones; Domesticas verò supplicibūs apud Dominos suos  
precibūs, qui eis ex amore erga Rempublicam benignè re-  
nuntiabant. Ita Anna Soror Augusti à Jure, quodcunq;  
in Maternam reformationem habere poterat, benevolè re-  
cessit; Sic Sigismundus III. suam successionem Avialem &  
mutuo debitum, quod Augustus I. à Patre ipsius contraxe-  
rat, circa Actum Electionis remisit; Idem filij sui Vladislai  
per Constitutionem 1609. Juris successorij ex Maternis re-  
formationibus prætensiones sustulit. Quantum verò circa abo-  
litionem prætensionis, quam *Constantia* ex Jure emptionis  
Bonorum Zywiec habuit in Republica, Ordines Regni la-  
borarint, recenti inhæret memoriz. Edocti sunt tot suis ma-  
lis, quæ in illos ex hoc dismembrationum fonte promana-  
bant, sapere, nec parvi pendere etiam umbram prætensi-  
onum, quas sibi in Republica quoq; titulō aliquis usur-  
paret. Ex hac ratione multis prævijs cautionibūs, Reginis  
reformationes, (ut vulgò appellantur) inscribuntur, remini-  
scendo, quantis exposuit tricis Rempublicam Gryphina, post  
fata Leski Nigri colortatum Jus suum super Cracoviensem  
& Sandomiriensem Ducatus in Vaclavum Bohemiz Regem  
transfundendo. Idem dismembrationis metus ad eam quoq;  
circumspectionem urget Rempublicam, quod dum subinde  
Proli Regiæ & si temporalem in usu fructu suorum bono-  
rum designat provisionem, magnas adhibet cautelas, nec  
aliter, quam in directivam gubernationem possessionatæ No-  
bilitatis ejusmodi bona tradit, ut in casu controversæ vel  
injuriosæ actionis, habeatur, cum quo Jure agi possit.

Ante-

Antecessores Nostri intendentes nos sollicitam circa  
 pericula dismembrationum in Republica edocere vigilan-  
 tiā, consvererant hanc narrare parabolam: In Sylvis Zy-  
 wicensibus quercus crescendo aliquot sēculis ad tantam de-  
 venerat magnitudinem, frondiumq; multitudinem, ut ne-  
 mō ruricolarum, etiam lignariorum ausus sit securim po-  
 nere ad radicem. Difficile namq; erat prosternere, diffici-  
 lius domum devehere. Attamen ad hēc res devenit, quod  
 doliarius quidam rem tentare incepit, ac prope illam de-  
 biliā sua adduxerit cum malē compacto curru jumenta;  
 Arbor magnitudini sux ac duritiae fidens tām lignatorem,  
 quām agrestem apparatum contemptui duxerat, ille ni-  
 lominis succidere eam aggressus est, robur verò ad quod-  
 libet amputatum segmentum dicebat *flocce id habeo*, ac  
 ita assiduò iteratis iictibūs tandem arborem evertit; Adhuc  
 tamen quercus plenam collocabat fiduciam in magnis ni-  
 miūm, numeropisq; frondibus suis, quas dum sigillatim am-  
 putabat viator, post uniuscujusq; abscissionem quercus repe-  
 tebat: *nuga hæc sunt*; Frondibūs jam abscisis, ultimam  
 spem locaverat in crassitudine duritieq; sua; doliarius inte-  
 rea in partes serā dissecuit, factisq; cuneis ex ramis, frusta-  
 tīm arborem dissidit, domumq; successivè devexit, varia ex  
 eo utensilia & vasa elaboravit, quædam Vicinis, reliqua  
 in Nundinis divendidit: Demūm quercus licet sero, sensit,  
 quò ipsi evaserint modica illa segmenta, illaq; modica de-  
 trimenta. Hēc parabolā erudiunt nos Majores Nostri pro-  
 priā edocti experientiā nullum quidem dispendium etiam  
 minimum Libertatis, ast specialiter ibi, ubi periculum  
 dismembrationis intercedit, levi pendendum esse, ne si-  
 milē quod nobis eveniat, quod quercui; Si etiam modo  
 Regi, aut alijs supra æqualitatem Ducali genere evectis fas  
 esset frustatim Rēpublicam per partes detruncare, certò

certius nos iterum ut olim, una cum Libertate nostra partirentur.

## DIES QUARTA.

*Eruditi aliquot amicorum de Liberte  
tate colloquij.*

*Ostenditur, in quonam Libertatem no  
stram carpant Exteri.*

I. **R**ara hæc (loquitur apud Tacitum Arbetio) felicitas est, ab ipsa felicitate infelicem non esse. Nondū fortuna quidquā tam magnificè ac solide munivit, ut invidiæ, livoris, malignitatis confiniō lædi nequeat. Affine est veritati fabulosum Poetarum Commentum, qui referunt, quod Jupiter omnes Deas suā mensā exceptas ita fraude Junonis affecit, ut cum singula mala suæ felicitati inimica prægustarint, fortuna & gloria de omnibus uno in poculo commissis malis totam exhauserint potionem. Veritatēm hujus fabulæ si quæpiam alia, certe nostræ Libertatis grandis fortuna, diffusaq; per totum Orbem gloria experitur, dum invidiosæ gentes tam magna contra eam congerunt probra, tam grandia illi affingunt mala. Sed quia Nobiscum libertas, hoc est bene & beatæ vivere (ut olim de simili invidiosorum hominum malevolentia loquebatur Atheniensis Phocion) non possunt, male de nobis loqui & scribere in solatio habent & lucro.

2. Primus ex illis Joannes Barclaius natione Scotus in libro suo, cui hunc præfixit titulum: *Icon amicorum,* ita

ita nos describit: *Est gens ad ferociam & Licentiam nata, quam vocant Libertatem, adeo ut infanda barbarie legem multis faculis ibi solennem vix nunc demum omiserint, ut qui hominem peremissent, solveretur metu Iudiciorum, si in jacentis cadaver projecisset pauculos Nummos, quorum Numerus eadem Lege destinabatur. Nobilitas tristibus prærogativis seipsum donavit, quibus possit sibi invicem & impune nocere: quippe Principi non satis Juris est, ut quod peccaverint, ipse vindicet. Rex ad Patrias Leges vi & armis adigitur, Ipsum nomen non tantum servitutis sed & justi ac legitimi Imperij oderunt. Nec minor libido est Libertatis in moribus vitaq; civili, quam in Religionum & caelestium rerum sensu, de quibus ut placet, sine metu & sentire volunt & loqui. Hinc in diversa scissa mentes, errorumq; omnium lues, quicunq; antiqua sacula polluerunt &c.*

Simile virus evomuit Joannes Hankon Bohemus contra nos, quale & Barclaius alijs duntaxat verbis exprobrando, ac ita concludendo: *Illa deniq; quam sua Libertatis pupillam appellant Tribunitia intercedendi potestas in tantum à prima sui salubri sane institutione degeneravit, ut ferè jam tota in malevolendi, maledicendi, turbandiq; omnia transferit necessitatem. Hinc sit, ut agendi opportunitatem importunissimis de lana caprina contentionibus consumant, dies rerum verbis & clamoribus terant, consilij non aliter, atq; sacrificij certa expectant idq; multis ceremonijs involuta tempora. Videas ibi plerosq; minas, vindictam, ambitionem spirantes ad Comitia pergere; Saulos videas, qui potentiorum donis atq; largitionibus obstricti ad eorum nutum per fas, & nefas, vel agunt omnia, vel aguntur &c.*

3. Partibus ejusdem sine fronte maledicentia adjunxit se Bartholom: Berthdorff Augustodunensis, qui Libertatem nostram ita cavillabatur, afferens: *quod vivunt ut ex leges, vestiuntur ut Angeli, convivantur ut Reges, habitant ut sues, dormiunt ut canes, pereunt ut volunt, & quando volunt libere.* Qua illorū *Libertas creavit illis Calū novū & terram novā, fecitq; Poloniā Calū Nobilium, Purgatorium Regum, Paradisum Iudaorum, Lymbum Ecclesiasticorum, Infernum Plebeiorum, &c.* Antiquior illō Procopius Pancerinus gente Germanus ita eandem calumniam profert: *Polonia est Lymbus regnantium, calum nobilium, Purgatorium Ecclesiasticorum, infernus Plebeiorum, Paradisus Iudaorum, aurifodina (hic genuinam effatur veritatem) Mercatorum.* Non desunt alij quoq; haud pauci blaterones, qui nos caninō dente proscindunt, ac eō ipsō probant continere aliquid veri hunc conceptum Poeticum: *Servitutem Patre Orcō, Matre invidiā prognatam esse.* Aliquid diabolici in se continent, quod cum ipsi ad infernum servitutis devenerint, nobis beatitudinem Libertatis invidendo, solatio haberent, si secum in eadem damnatione nos viderent, similes illi vulpeculæ, quæ quod ipsa caudam amiserit, alijs vulpibus exaggerando caudarum incommoda, persuadebat, ut similiter ceu minus necessarias, ac noxias caudas suas resecarent.

*Ostenditur Polonus vitio suæ Libertatis justum Imperium non odiſſe, neq; Regem ad suas Leges vi & armis ab illis cogi.*

4. Quod nos Poloni tenere & subinde communi amantium vitio plūs quam par est, nostram diligamus Libertatem, libenter nosmet ipsi fatemur cum etenim illa sit (ut ait

ait Seneca) quoddam compendium felicitatis, quid mirum? quod omnes omnium amores complexa est una. Et quare non amanda sit sub cuius umbra (dicit Lucas Opalinius in Polonia defensa) vivimus beati violentia tyrannica, metusq; expertes. Procul à nobis illud humani generis opprobrium, illa corrupcio naturæ labes ac pestis, suprema adversa fortuna calamitas, pana suppliciumq; vita mortal is extremum, malorum deniq; omnium facunda genitrix servitus. Non hic Publicanus, aut fiscus attterit, non miles spoliat, non opprimit, non cogit ad onera Princeps; delectus, tributa, Lex Majestatis unicum crimen eorum, qui crimine carent, tum Delatores exitio hominum repertum genus, severa suppicia, carcer, proscriptio, exilium, ac deniq; indicia causa mors, omnia hac ignota nobis pariter sunt & invisa. Accedimus ad Rempublicam cum lubet, non adacti munera subimus, non ponimus sine causa jussi, tutum est privatum agere, vacat periculo, gerere Magistratum; non opes, non Nobilitas, non honores pro crimine, nullum ex magna fama & popularitate periculum, nullum ex virtute exitium.

5. Quamvis igitur supra cunctas alias gentes hâc Libertatis forte beatores consimilis, non ideo tamen justi & legitimi Imperij nomen abhorremus, nec Reges ad Patrias Leges (ut impostor Barclaius asserit) vi & armis adigimus. Verum est (fatemur) quod apud Reges nostros non hereditas, non patrimonium sub Imperio sumus, verum quod apud nos Rex sedem Principis occupat, ne sit Dominus Loens, verum, quod non Legibus, sed ex Legibus imperat, verum quod Civibus & Reipublicæ datum se potius, non sibi Rempublicam & Cives arbitratur, verum, quod Polonam Aquilam Electis à Nobis Dominis non aliter, quam

cum duabus (prout in Aula Senatoris cujusdam antiquâ pîtura expressum vidi) pedicis tintinnabulô instructis tradimus, quarum uni inscriptum erat: Rex nihil me contra Leges facere jubeto, nec ipse facito. Alteri verò: Rex nihil contra me sine meo consensu statuito, quia aliâs omne irritum & inane fieri est necesse. Verum, quod nolumus apud nos Regem habere pro regula regiminis *sic volo, sic jubeo*, nec potest Libertas nostra id pati, quod assveta ad grave jugum in alijs gentibus supportat servitus, ubi voluntas Principis spirat, & subditi Populi suspirant. Verum, quod apud nos non habet locum illud Politici cujusdam de Regibus effatum: *Splendor Regum est Ecclipsis Populorum*, verum, quod nolumus Reges nostros in Republica tam Serenissimos habere, uti est Sol in firmamento, qui quoniā subjecta sibi Astra, niniā claritatis suæ potentiam op̄ primit, benè ipsi additum est Lemma; adimit, quod dedit. Verum quod recusamus tali Regum nostrorum subesse imperio, quali subsunt ignava jugo, oneribus, & verberibus destinata pecora, sed potius veluti generosiora animalia, quæ non servili severitate, sed ingenuâ & industriâ tractatione, non tam virgâ & calcaribus, quam freno in officio continentur.

6. Accommodatissimum praesenti materiæ olim legi & exscripti discursum ex animadversionibus cujusdam Nobilis: Politici (inquit ille) considerantes limitatum in regimine super liberam gentem Regis nostri Dominatum, vocant ipsum *Regem Regum*. Rex etenim Poloniæ in sua guber-natione obtinet quid simile cum Dominio Noe in Arca super animalia; is cum praesesset Leoni, qui est Rex animalium, Aquilæ, quæ est Rex volucrum &c. magna cum mansuetudine hosce subditos suos regebat uniuscujusq; naturæ, dignitati, & qualitatibus sese accommodando. Similiter Rex Polo-

Poloniæ quia liberæ gentis est Dominus, non aliter, quam maturè pensatâ curuſvis Libertate, ſucq; juramento firmatâ ſubjectis populis imperare debet. Non ita ut alij Monarchæ, qui ſunt cen Reges jumentorum, ubi ſubditi ſub onere & virga veluti ignava animalia tradiantur. Ab historijs edocemur, quod ante Reges præſertim in Ægypto manipuli ferebantur, puto ideò, ut Rex præ oculis cernens manipulum, duas res præcipue bono ſubditorum regimini neceſſarias conſideret; primum, ut ſpecet scopum imperij ſui, nam uti manipulus non alium habet finem, quam bonum & commodum hominum, ſic quoq; gubernij Regij non aliud ſcopus & finis eſte debet, quam bonum publicum ſubjeclii populi, non ſpecie, non nomine (inquit Senecca) Regum, ſed utilitate metiendum. Eſſe Regem, eſt admittere in animo Reipublicæ curam, fata populi ſuſcipere, oblitum quodammodo ſui gentibus vivere, & ſibi perſuadere, non eſſe Principis Rempublicam, ſed Principem Reipublicæ. Alterum, quod antiquiora ſæcula ex manipulo adnotari mandarunt, eſt modus administrandæ concreditæ ſibi Reipublicæ, ſcitur enim cum manipulo procedere inter eſt, ſi eum ligare opus fuerit, non fune, non ferreō circulo, aſt ex ipſa ſegete vincturâ factâ ligandus eſt, ſi collocare in campo, tunc non terendus, non temerè jaciendus, nec pedibus calcandus, ſi convehere ad horreum, tunc lentè agendum eſt, ne granum diſſipetur, ſi etiam ſub ieiſus triturnæ devenerit, granum ſegregare, nec ſramen penitus contundere opportet.

7. Methodus, qua tradiantur manipuli, ad benè regendas Liberas gentes pariter adhiberi debet. Historia Puumi Monarchæ Nostri Lechi inter alia narrat: *Reditus tunc & agros peculiares nullos habebat Princeps, ſed ei cuncti ſeminabant, atq; metebant. Novi equidem quod Anteceſſores*

res Nostri uti tunc Gens rudit, & nullis culta literis symbola formare ignoraverint, attamen partim respiciendo factorum Arcana, quæ frequenter futurorum eventuum profunda involvunt Mysteria, partim perpendendo præsentem Libertatis nostræ fortunam, posset quis conjicere, quod jam tunc Progenitores Nostri convehendo ac comportando manipulos Dominis suis, docuerint eos, quali modo cum subiecta Gente à natura ad ingenuitatem & Libertatem proclivi sese gerere teneantur, & ut perspectum habeant, quod uti in manipulo tam minores, quam majores aristæ uno concluduntur Ligamine, ita in Republica non tantum simplicem egenumq; Nobilem, verum etiam Magnatem & dignitate fulgentem ad formam æqualitatis eadem Lex constringere debeat; Ne tam hos, quam illos comprimant per tyrranidem, terant per injuriam, abjiciant per contemptum, conculcent per oppressionem, concutiant per furorem, sed clementer benignitate sibi devinciant cunctos, ac unamqueinq; sibi subiectum cum respectu ad Libertatem & dignitatem illius cautè tractent; quodsi opus fuerit disciplinâ compescere, aut aliquid grani excutere, clementia Regis intererit ferè simile quid Salaminij facere, qui ante & post trituram manipulos inclinati deprecabantur, ne eam necessariam severitatem, & inclemenciam gravior ferant. Parem supra benignam subiectorum sue potestati tractationem potes facere reflexionem in Ordine ad Spirituales & Nobiles, siquidem Reges decimas omnes manipulares sibi debitas Spiritualibus donarunt, Nobiles quoq; multi easdem à Spiritualibus redemerunt.

8. Haud frustra Poloni solemus in Campo aperto Regem eligere, ut fortassis nobis clementi Dominiõ suõ ceu campestribus manipulis sese accommodare sciat & velit. Campestris Polonus liber vult esse Incola, haud aliter, quam olim

olim *Lacon*, qui captivus cum venundaretur, interrogatus ab emptore, quam sciret artem? respondit: *Scio liber esse.* Antiquoribus sœculis (ut testatur *Pierius*) erat in proverbio: *Subditis in Rege tria P.P.P. sunt formidanda: videlicet dum est potens, pertinax, pavidus.* Nos verò Poloni ita Reges nostros Lege circumscriptimus, ita eos Libertati accommodavimus, ut nullus ex illis possit esse nisi *Pius Pater Patriæ*. Et quamvis apud nos non sit Rex supra Leges, sed Leges supra Regem, nihil tamen hoc derogat, nihil adimit Coronatę ejus Majestati, sed potius immortali adornat gloriā, *Imperiumq; diuturnum solidat.* *Theopompus Lacædemoniorum Rex obtinens in suo Regno potestatem nullis restrictam Legib; ūs, suā sponte Ephoros constituit, qui adiustar Tribunorum Romanorum potentiam Regiam in æquilibrio & freno tenerent, cùm verò ipsi consors Regina exprobraret, quod Regnum filio relicturus esset diminutā potestate, reposuit: Diminutā quidem sed diuturniore.* Ejusmodi veritatem Reges Nostri præcipue tamen Augustus I. qui sūpra alios Prædecessores suos maiores nobis contulit Libertates, expertus est. Gloriabatur enim plus apud suos Polonos intra tam amplam Libertatem obtinere unā detectione capitis, quam absoluti Domini terrore & potentia. Rex Stephanus, quamvis multi ex Principalioribus Civibus contra ipsum habuerint nonnullas querelas, attamen pro expeditione Moscouitica circiter decem millia hujusmodi Militum numeravit in solius suę humanitatis gratiam à quibusdam Proceribus propriō ære conditorum, quos pileatum vocabat *Exercitum*. Si hucusq; deprecicamus Ethnicos Cæsares Severum & Antonium, quorum effatum fuit; *Licet Legib; soluti simus, sub Legibus tamen vivimus.* Longè gloriosius est Nostris Regibus dicere; *quia Legibus ligati sumus, sub legibus vi-*

*virus.* Haud gravat nostros Reges, quod non sint ex leges, imò gloriaz id sibi ducunt, ut olim fatebatur Augustus I. qui in conclavi velo Regio inscribi curavit hæc verba: *Lex Pedagogus noster*, hæc ex animadversionibus illius Nobilis.

9. De eadem re Joannes Chometowski in Libello, cui titulus: *Fidelis Polonus*, ita differit: *Et quamvis Regibus Nostris hoc fratum Legum, ne imperantium vitio nimium audeant, imposuimus, quamvis potestatis licentiam agnatum Regnantibus malum ad tabulam justi Imperij redegimus, non tamen ideo hoc grave fratum est, ut illud cum indignatione mordere; non tam inollerable onus, ut illò grava i gemere queant: imò dum inter Candidatorum ambitum pro corona nostra æmulantur, ac Coronata jam quandoq; Capita sua iugo Libertatis nostræ submittunt, hoc quod invidi, seu imperiti pro injuria, ipsi pro beneficio reputant, si quem ex illis ad eam fortunam liberi populi suffragia evchart, libenter & verè fatendo: Jam meum suave est, tonus meum leve. Merito igitur Orbis Libertati applaudit nostræ, ac apud exteris Monarchas tam sublimem gratulatur æstimationem.*

*O pulchra Libertas! & Orbis  
Consilio, cupidissima Regum  
Obsessa Votis!*

Vanè nobis objectant Henricum: non hoc eum onus deserere Regnum cœgit, ast servidus fraterni Regni appetitus, ac demum Juvenilis levitas ipsi infamem ac luduolum, nobis verò sine dedecore utilem persvasit discessum. Si aliquibi, certè in Patria nostra videtur cum Regina certare dilectio subditorum, quandoquidem (uti prudenti convenit indoli) ita est propensa erga Reges, ut planè hic convenient, & in una sede morentur Majestas & amor. Non assecuratio.

tationis ergò, à cuius necessitate fuit alienus, ast ipsâ experientiâ confirmatæ veritati edidit oraculum Sigismundus antiquus, dum in præsentia aliquot Monacharum eô, ceu summâ gloriabatur fortunâ tam multum se de fide & amore subditorum erga Personam suam tenere, ut in cuiusvis fini quiescere secure possit.

10. Haud frustra in pectore & corde gentilitiæ Aquilæ Patriæ nostræ Insignia Regum exprimimus, quia ipsos in corde nostro collocamus: apud nos id verè fit, quod olim Plinius affirmavit: *A nullis magis Principem amari, quam qui maxime Dominum gravant.* Non sumus Monarchomachi parricidæ, quales alibi mundus detestatur. Certum est, quod nonulos, quos prius sua proscripsérat impietas, deposuimus è Solio, nullum tamen privavimus vitâ. Quomodo enim possemus aut vellemus infidiari, & exitium moliri talibus Regibus, qui nos Legum beneficio protectos, non tributis, non exactionibus, non armis, non mortibus opprimunt. Quomodo tales Reges totò corde complecti non debeamus, à quorum potestate Legibûs temperata nihil timemus mali, omnia speramus & capimus bona. Dum ad osculum manū Regiæ admittimur, non tam annuli, quam Libertatis gemmam, quam illi gestant, non tam manum, quam gazam beneficiorum deosculamur, ac dum manum libamus, unâ amori nostro litamus, ac quasi gustamus ore protunc Regum nostrorum amorem, quem corde recondimus. Ex hoc amore provenit, quod licet hæreditarios non censeamus Reges, licet imperaturus omnibus elititur ex omnibus, & ab omnibus, nunquam tamè Superstitem Sangvinem Regium suffragijs destituimus, quamvis querendi fuissent ultra maria in Monasticis recessibus, ut Casimirus: Imò dum mascula deficiebat proles, etiam in fæmineum ejusdem Sangvinis Regij secum

xum eandem gratiam proveximus. Coronavimus Vlaclavum adiectâ conditione, ut Rixam post Premislaum Regem; coronavimus Jagellonem, ut Hedvigem post Ludovicum; coronavimus Stephanum, ut Annam post Sigismundum primum Superstites filias in socias thori assumentes, illis ex parte fortunam suam deberent. Sigismundo quoq; III. haud parum profuit accessui ad coronam, quod fuerit ex Catharina de Domo Jagellonica natus.

ii. Unde quandoq; apud nos Corona vacat, Candidati Principes id in commendationem sui præcipue alle-gant, quod *descendant ex Sanguine Regum Poloniae*, ut ut remotissimum ad suam domum deduxerint rivum. Quô ipso nobis Polonis attribuunt: *nullo apud nos atratum senio amorem erga Reges nostros evanescere*, eôq; ipso confundunt invidos Libertati nostræ calumniatores, qui nos in eo carpunt, quod agentes pro Libertate nostra Regibus nostris violenti simus: In comperto est: *timidum Libertatis ingenium*, contendit quandoq; cum Regibus de suis læsionibus; Extremæ enim id servitutis esset, si nec liceret Libertati loqui quô dolet. Proprium hoc duntaxat servituti (uti ipsam describit sapiens ille Senator Romanus Boetius alloquens Theodoricum Regem Italæ) imitari *Crocodilum*, de cuius natura experti narrant, *quod habeat quidem oculos ad flendum, sed lingvâ careat*. Utiq; de læsis Libertatibus ac Legibus conquerimur intra terminos modestiæ & reverentia Majestatis, dumq; à nostris Jovibus quandoq; noxia Libertati nostræ intouant flumina, ita agimus, ut moris est in similibus Cælorum minis se gerere devotos Christianos: Aquam illi benedictam adhibent, sacratas herbas cremant, cereos accendunt, genua cotam Sacris Imaginibus flectunt, Sancta legunt Evangelia &c. Similiter & nos facimus, supplices sistimur, deprecamurq; Reges Nostros, eti-anisi

am si opus fuerit genua flectendo, lachrymis pedes eorum  
conspergendo, prælegimus ipsis Evangelia, id est Jura, Sta-  
tuta, & Privilegia, ac super omnia Juramentum eorum, quô  
se obstrinxerunt. Liquebat id Regibus Nostris apud nos cor-  
dis loco esse Libertatem, ipsos vero ceu caput Patriæ; Pro-  
inde dum hoc cor præmunitus, quæ injuria capiti? illud  
enim primum vivens in Caput primarij suas refundit u-  
tilitates. Norunt & id, quod licet assentatione Tyberius pro-  
ferebat, attamen revera: *In Republica liberas esse lingvas*  
*oportet, quia nihil illi liberum est, cui lingua libera*  
*non est.*

*Ostenditur non obesse Libertatem Polonorum, quo*  
*minus Rex delinquentes cōrceat.*

12. Infallibilis quidem est veritas, inniti hisce duobus  
potissimum, ceu fortibus columnis, præmio & pena quam-  
libet Rempublicam; In animis tamen Libertati assuetis ci-  
tius & facilius virtutis studium excitatur præmijs, quam  
pena. Affirmat Seneca, quod pena jubet tantum bona a-  
gere, & cogit non peccare, præmium autem stimulat, tra-  
hitq; suaviter; potiora autem sunt sponte suscepta, quam  
timore expressa Officia. Ea de causa optimum Patriæ no-  
stræ institutum: tales Reges voluisse, qui satius beneficiis,  
quam asperioribus remediis ingenia nostra experiantur, ac-  
cendantq; potius voluntates, quam adigant. Verum est, quod  
nos Regibus Nostris concredidimus irrogationem penarum,  
sed & non omnium, & manibus Eorum bene Lege revin-  
etis. Novimus enim quantas alibi saevitia Regum perpatrat  
subditorum strages, Non ignoramus, quantas Lex Majesta-  
tis lanenas exercet. Scimus, quas exlex voluntas Principum  
varijs prætextibus involutas tyrannides committit, ubi ea-  
dem facilitate clarorum in Republica virorum, quâ emi-

nentiorum papaverum decutiuntur capita adeò, ut nec fas sit quærere:

*Quo cecidit sub criminis? quisnam  
Delator? quibus indicijs? quo teste probavit?  
Nihil horum: Verboſa & grandis Epistola venit  
A Capreis.*

Terrent nos ejusmodi exempla, ac unà cautos faciunt pericula. Unde sicut alix potestatis summæ restrictiones, ita is quoq; puniendi modus imperantibus positus. Quo ad præmia, hæc omnia liberalissimè concessit Republica Regibus, dum tam ſecularia, quam Spiritualia Officia, dignitates, & quævis vacantia munia dispensationi eorum tradidit, quæ illi Capacibus & emeritis Civibus juxta velle & placitum suum distribuerent. Quæ omnia quia post fata ſuorum poffessorum ad eandem, undè profluxerant, redeunt manum, est id perenne Regum noſtrorum benefaciendi profluviuſ, ſive mare quoddam gratiarum, quô non tantum æquiparantur pluribus Christianis Monarchis, ſed eos etiam omnes ſuperant.

13. Circa hanc materiam pulcher eſt diſcurſus Lucæ Opalincij, Mareschalci Curiaz Regni: *Tali corruptum Republica ſatum auctione Regibus majoris potestatis velle emendare, meo judicio eſt res Libertati periculosa, & pejus morbo remedium.* Pro ingenita enim hominibus libidine non eſt ita moderatus imperantium animus, ut hiſ potestatis & juris Limitibꝫ contineatur, quas illis Leges præſcribunt, ac determinant. Et ſi iſpis facultas benevolē deberet ad irrogandas pñnas à ſubditis augeri, pro certo intra ſuos non contineretur Liuites, ſed accresceret, & ascenderet à Principatu ad Dominatum. Reſtē enim diſtum: *Nec Regna habere ſocium, nec tāda ſciunt. Quæ ſocie- tas*

tas & communio Imperij quia debet esse in liberis dominijs, ubi authoritas Regiae Majestatis Authoritati Legum aut suppar, aut inferior existit, proinde hoc consortium impatienter ferendo Domini, certè illud audi viribūs & potentia abesse vellent. *Potentia omnes animi motus in facta impellit; Et valde periculose est, ne cui licet facere, quod vult, is velit, quod non licet.* Inconveniens igitur est periculo exponere Libertatem; parum enim tuta est *Libertas, quam præpotens tractat Majestas.* Horribilis semper fuit Antecessoribus nostris nimium potens unius Dominatus: scimus utiq;, prout corruptum Statum Vicinorum nostrorum corrigebat plūs & quō elata potestas imperantium, qui potentia securi dum frēnum licentia adaptabant, Libertati jugum dederunt. Ad quā ne ipsi deveniamus, caute nimum augendam esse potestatem Regibus, præcipue gladium justitiae, cuius semel iniecli vecors libido est, non aliter, quām benē ligata Legibūs manui concedendū esse.

14. Id adhuc superaddam non opus esse apud nos plūs Regibus potestatis impertiri & augere. Efficax siquidem apud nos totiē potest esse Reipublicæ correṭura, quoties imperans congruā dexteritate sua ad eam affret studium, & sinceram erga bonum publicum applicationem. Nobis etenim Polonis id apprimē quadrat, quod inquit Plinius: *Flexibilis quamcumq; in partem ducimur à Principe, Et ita dicam, sequaces sumus.* Quis enim non libenter ad obsequia & conservationem dilectæ Patriæ Matris suæ concurseret tantum spectando Ducem? Nec fuit, nec unquam futurum est in Polonia tam sterile virtutum sēculum, ut non plures reperiātur tales, quibus non coactione, sed manudictione opus sit. Et quoniam hisce duobus Reges præmio & penā quemlibet in suo continent officio, his in bono ordine conservant Imperia, his autoritatem & securitatem

tem Majestatis suæ firmant, utrumq; id obtinent Reges nostri: omnium enim in Patria Officiorum, omnium dignatum ac præriorum libera est tradita ipsis dispensatio: ex quo ipso satis apud nos resoleret antiqua Polonorum virtus, si benemeritis non sola recteſactorum conscientia foret merces; Si solum Reipublicæ bonum esset meta gratiæ & beneficentia Regiæ, si illam modestæ & non avidæ virtuti ij qui molestissime petunt, non præriperent, si non privatae recommendationes, non emendatæ, aut magno ære emptæ promotiones, sed merita, ac sufficiens capacitas ad favores Domini viam sternerent, tali modo ad se Rex alleatis subditorum cordibus, facile florentem bono Ordine Reipublicæ correcturam constitueret; hoc inquam dulce frænum, is svavis modus est, quo Dominus sine sui odio citra iacturam Libertatis nostræ videbitur *i*nvenisse prius bonos, quam fecisse. Haud equidem adeò sumus depravati, ut nequeamus inclinari ad bonum, dum prodrit esse bonos.

15. Proinde & potestatis quantum in libero imperio convenit, habet Rex satis, nec opus est ampliore, supra eam, quam ipsi Reipublicæ Institutum concessit, si modò velit & sciat, res dissontas, Libertatem & Principatum conciliare, si Rempublicam liberam, ceu proprium suum dominium amet, bonoq; ipsius prospiciat: Ne dicat cum illo, *ut quid rei, non diu meum nec postea meorum nimis acriter intendam? frui satis est.* Sciat se habere imperium cum præcellentí merito & nexu, nec suorum subditorum libertatem reputet esse molestam, nec Privilegia prærogativasq; eorum censeat minus honorifica dignitati suæ &c. Hucusq; decus Curiaz Regni Opalinscius. Et tale est civile, tale utille Imperium, nam Regibus quoq; certior ex mansuetudine securitas & subditorum ex constricta Legibus potestate tutior cum Libertate salus. Clementiam Politici vocant *ancho.*

horam Regnum volentes fortassis instruere Reges, excellentiorem, securioremq; esse pontem, per quem tum eorum, tum etiam Republicæ transiret fortuna in anchoris clementia, quam in palis severitatis firmatum. Non modo nostra Polonia, sed & alia omnes penè, præsertim Christianæ gentes, quæ nunc sub absoluto jugo gemunt, habuerunt Imperia Legib; & Libertate temperata. In Gallia (inquit Thuanus) Herdum, qui appellabantur Patres, tanta fuit Authoritas, ut ad eos de rebus omnibus referret Rex, atq; penes eos erat rerum summa aquatis propè cum Rege dignitas. De eodem Regno recentior Bodinus ait: Princeps etiam apud parliamentum accipit Judicium, condemnaturq; sapè, atq; judicatum solvit. Extat enim in Actis curia Parisiorum Sententia adversus Carolum VII. Regem lata, quā damnatur sylvam Urbi proximam in Parisiorum usum cedere pretio constituto.

16. Hispaniæ quoq; Regnum non adeò pridem ex alijs pluribus Regnis coaluit, ex quibus unum quodq; habuit regimen legib; temperatum, donec vis & oppressio exlegi dominationi subiecit. Asiatica tantum (dicit Thuanus) olim ita indefinita potestatis fuere Regna; Europeis vero populis exlex ista dominatio invisa semper fuit, & nunquam toleranda, Servitium pati non poterant: Principatum poterant & Reges, qui non se Dominos, sed Rectores, & Patres cogitarent ita Rempublicam gerentes, ut sciant non suam tantum, sed & Populi rem esse. Quam vero felicia hodie fuissent Christianorum Imperia, si hac beata temperata Regum potestatis fors omnibus obtigisset. Ista temere bellandi libido, ista concessa populorum latrocinia cessarent facile, nec sub tot calamitatum onere & jugo gementem miseri populi, si ambitioni, cupiditati, & licentia Princi-

*pum obicem Leges ponerent.* Hæc beata sors, quod nos  
fixæ genti obvenit, gratulandum nobis satius, & ad eam aspi-  
randum, non vero carpendum graviter fuerat à servilibus  
nationibus. Ferrea ipsorum servitus sustinere potest gravem  
malleum severi dominij, & istum, Nostra vero Libertas  
quia est aurea, gemmaq; pretiosa, haud mirum, quod à  
Regibus nostris non aliter, quam ab aurifabris aurum &  
pretiosi lapides tractari debet; Si quando ferula adhiben-  
da est, tum id cautè & discretè ac si ligneo, aut si opus fu-  
erit ferreo, parvo nihilominus malleolo facient. Volumus,  
ut non in Verbis, non in titulis, sed re ipsâ sint nobis Do-  
mini Clementissimi; Volumus, ut ita cum libera gente no-  
stra procedant, prout quondam Genuenses Principem Lu-  
dovicum Sforciam edocuerunt: Is per Legatum suum man-  
daverat ipsis grande tributum conferre; Illi vero laute ex-  
ceptum Legatum ad hortum deduxerunt, herbaq; ipsi,  
quam *Basilicam* vocamus, porrexerunt, dicentes: Accipe,  
ac molliter hanc herbam tenens, olfacias: fecit id, & fva-  
vem est expertus odorem; demum jusserunt, ut eandem her-  
bam compressam ac contritam odoraretur, fecit, & intolerabilem fætorem sensit. Applicarunt id demum ad regi-  
men & imperium Ludovici, cui mandarunt dicere. Popu-  
lum Genuensem esse ejusmodi herbam; Si Sforcia Princeps  
clementer cum illo procedet, obsequium ab omnibus ob-  
tinebit, si vero fôrti ac severâ manu stringet, acer & sibi  
& refragarium experietur.

17. Volumus, ne apud Reges nostros simus, ut alij a-  
pud suos, illos abaculos referentes, qui pro eo, ut compu-  
tatori libet, modò assēm, modò talentum, modò nihil valens;  
Volumus, ut ita Vicariam DEI potestatem represerent,  
ut Illius gubernium imitentur. *Pulcherrimam vero (in-*  
*quit noster quidam Polonus) & præstantissimam hac po-*  
*statim*

statis Regia moderatio efficit Reipublica formam, qua sola maxime potest esse diuurna & felix, utpote, qua ad ipsius Dei regimen proxime accedit. DEUS porro cuncta justè gubernat, ac regit, quia infinita bonitatis, sapientia, Santitatisq; sua præscripto velut Lege aliquà adstrictus tenetur, neq; aliter omnia agere potest, quam bene, sanctè & justè. Humana vero Regum natura cum corrupta sit, atq; ad malum præceps feratur, non jam à propria voluntate Legem hanc petere debet, verùm ab alterius judicio ac potestate, cuius nempè interest illam non errare, eamq; suo assensu firmatam servare tenetur. Et quemadmodum Divina Majestati ac potestate nihil detrahitur, quod infinità naturæ suæ bonitate, Santitate, atq; sapientiâ veluti Legib; quibusdam obligatus nullam errandi delinquendiq; habeat licentiam, imò quia delinquere non potentia, sed infirmitatis est, multis commendatur ab hac delinquendi impotentia DEUS. Ita & nostrorum Regum non lèditur Majestas, non minuitur potestas Legib;, qua illos errare, delinquereq; non sinunt, sed potiùs firmatur, stabiliturq;, ac prope Divino assimilatur Regimini &c.

18. Quod Reges nostros ex leges habere nolimus, sed eorum potestatem Legib; ligemus, conformamur in eo perfectissimæ Divinæ Sapientiæ regulæ quo Deutoronomij 17. instituendo Regem, ita eum circumscribit & ceu fundamentalibus Legib; constringit. Nos Poloni ex præscripto Legum nostrarum nolumus habere Regem præterquam Catholicum seu natum, seu vocatum. Similiter Legem tulit Deus populo suo: Non poteris alterius gentis (quod Sacri Scripturæ Divinæ Interpretes non tantum de qualitate generis, sed etiam religionis intelligunt) hominem Regem facere, qui non sit frater tuus. Apud nos Polonus illicitum

tum est Regi insciā Republicā Exercitus ullos conscribere, aut in viscera Patrix introducere, non licet offensiva bella suscipere, non licet armatam Nobilitatem extra Limites Regni educere, prorsū nihil absq; consensu Ordinum de bello decernere, aut moliri. Pariter DEUS Populo suo præceperat: *Cum fuerit constitutus, non multiplicabit sibi equos, nec reducat Populum in Aegyptum Equitatūs numerō sublevatus.* De Matrimonio hanc DEUS Regi Populi electi Legem præfixit: *Non habebit uxores, quæ alliciant animum ejus.* Apud nos quoq; Rex de Matrimonio suo nequit aliquid statuere absq; Consilio Senatus, & non eam Conjugem eligere, quæ solum alliciat animum illius, sed quæ etiam publico bono conducat. Prohibuit DEUS Regem Populi sui habere nimias opes: *Non habebit argenti & auri immensa pondra:* Nos etiam quamvis sustentationi Regiæ magnifice provideamus, ne tamen ex bonis nostris per arbitriarias contributiones, prout alij faciunt, ditescere possit, permittimus. Voluit Altissimus, ut constitutus supra populum Ejus Rex non sit exlex, sed ut certis Legibus subjiciatur, illasq; observet. *Postquam aurem sederit in solio Regni sui, describet sibi Deutoronomium Legis,* & habebit secum, legetq; illud omnibus diebus vita sua, ut discat timere DEUM suum, & custodire verba, & ceremonias ejus, quæ in Lege præcepta sunt. Nos quoq; Poloni nolumus habere Regem, cui voluntas stet pro lege, sic volo, sic jubeo, pro regula redi; sed manibus ejus tradimus Deutoronomium Polonarum Legum, quas observare obstringitur juramento; ad extremum exigebat DEUS à Rege Populi sui, ut non elevetur cor ejus in superbia supra fratres suos. Etiam nos Poloni superbe & serviliter imperantem tyrannum tolerare non possumus, sed tales cupimus habere Reges, qui nos non mancipia

cipia, non servos, sed Cives censeant. Nihil tamen inde decedit Justitiæ, quia & severitas suppliciorum manet penes ordinarios Magistratus, ubi parata est unicuique sceleri pœna, & ipse Rex in Comitrialibus Postcurialibusq; Judicij suis Justitiam administrat.

*Ostenditur Libertatem Polonam non concedere impunitatem homicidiorum.*

19. Quod in Polonia pro homicidio capitalia non sint reorum supplicia, hæc est effrons calumnia, quod verò non semper caput capite compensatur, ast subinde pecunioria mulcta redimitur, hoc Judicialis decidit sententia, *non pauculi Nummi*, (ut calumniator Barclaius ait) in cadaver projecti. Et quoniam pecuniæ (uti Juris periti afferunt) sunt *veluti alter sanguis & anima hominis*, gravis igitur est pœna multam summam, quam communiter Judicium decernit, exsolvere pro capite: Ad hæc semper adjiciunt sessionem turris in fundo per Annum, aut plerumq; per duos annos, ex qua multi priusquam exeant, moriuntur, nec eam pretiō redimere, aut per compositionem effugere quisquam potest. Talis citra Sangvinem & supplicium pœna ultra id, quia est satis gravis, nec æquitati naturali, nec Legi Divinæ (ut hostes nostri reputant) est contraria, imo multis gentibus usitata & rectæ rationi congrua, quod æquitati naturali non sit contraria, ita demonstro: Verum est, quod *omni sceleri debetur pœna*, attamen certè non ultioris aut vindictæ, verum Societatis, ad quam homo natus est, conservanda causâ inquit Seneca: Appetitus siquidem præponendi doloris, ad quem ipsa vindicta stimulat, non est proprius naturæ rationali, sed potius ei, quem cum brutis communem habemus, adeoq; finis pœnæ, quem natura rationalis respicere debet, est primùm correclio peccantis, demum metus & terror aliorum, ne similia attingantur.

deant committere delicta, ac etiam securitas communis societatis, ne mali bonis noceant. Ad assequenda hæc omnia non semper requiritur capitalis pæna; Imprimis enim ad emendationem delinquentium hæc pæna est optima, quæ pœnitentia & emendationi relinquit locum. Ad præcautionem verò ac exemplum aliorum hæc pæna est efficiatior, quæ est diuturnior. Demùm securitati bonorum (inquit Seneca) potest sufficere pæna etiam citra mortem irrogata, si gravis & severa est, si non conniveat, non ignoscat, ac demùm ita infligatur, ut potestatem adimmat nocendi. Hæc omnia reperiuntur in hac pæna, quam subinde homicidæ absq; suppicio Capitis subire coguntur: evidens proinde est quod Leges nostræ in homicidas non sint contrariæ æquitati naturali.

20. Non sunt quoq; contrariæ furi Divino, quāvis hoc dentem pro dente, oculum pro oculo, caput pro capite auferre mandet. Sciendum enim est DEUM triples in veteri Testamento populo suo constituisse Leges. Primas *Ceremoniales*, à quibus Christiani sumus liberi, imò prohibemur, ne illas observemus. Alteras *morales*, quæ præcipue in Decalogo Divino continentur, earum obligatio ad observandum omnes afficit. Tertiò *politicas*, seu *Judiciales*, quæ nobis nec præcepta, nec etiam prohibita sunt à Deo, sed libero relicta arbitrio. Inter illas est quoq; hæc Lex Divina de homicidijs, à qua ut non debemus temere recedere, ita affirmare cogimur, quod per eam non sit vetitum Supremæ Civili potestati, ut non possit pro ingenio & natura populorum sancire mitiora. Si etenim Supremæ Civili potestati juxta opinionem Doctorum licita est clemencia & remissio pæna, cur non debeat esse licita moderatio seu temperamentum ejusdem pænæ? non tanta siquidem est necessitas supplicij, quanta restitutionis. Restitutio enim

nim quia compensat injuriam, non debet inviā parte lē-sā condonari; pēna verō nihil aliud præterquam dulcedi-nem vindictæ accusatori adfert, potest esse capax veniæ, & à fortiori moderationis, quam nec ipsa Lex Evangelii pro-hibet, quia si repositionem injuriæ tam arctè restriegit, lon-gè magis talionem videtur improbare.

21. Neq; id etiam legimus, quod durante antiquo Te-stamentō fuerit in praxi aliquando dentem pro dente, o-culum pro oculo auferre. Proindè evidens est, quod hæc severitas (ut interpres Sacrae Scripturæ opinantur) magis ad terrorem, quam ad executionem à Deo præcepta fuerit. Quinimò illi ipsi pro hac Lege Divina Zelatores in suis Dominijs oculum pro oculo non eruunt, nec dentem pro dente elidunt. Quia vero promptiis quam apud nos capi-ta decutiunt, consultè id faciunt, quia ipsorum corruptissimi mores & desperata ingenia ejusmodi severitatem exi-gunt. In Italia non tantum homicidia semper capitali suppliciō plectuntur, verū etiam ipsa instrumenta necis se-verissimè prohibentur; Nihilominus tamen ibi tam frequen-tia ac ferme diabolicā nälitiā perpatrantur homicidia, tam innumera latrociniæ, assiduæ invasiones, continuæ insidiæ committuntur. Notum est, quam severè Gallia puniat ho-micidia, præsertim duellorum Monomachias, haud scio ta-men, ubi plus sit lethalium duellorum, ubi plus crudelium homicidiorum, ubi plèrs Latronum, quam ibi? Parisijs (di-cit Francus Frisius) Ita omnes Placea prædonibus, inse-ſæ non spolianibus tantum, sed trucidantibus etiam, ut non sit tutum, extra limen pedem efferre, cum publi-ci hi Sicarij multa excedant millia. Id de una loqui-tur Urbe, quid sentiendum de toto Regno? Id ipsum usui est alijs nationibus, quorum perditæ mores tales suppliciorum severitatem necessariò requirunt. Nós verò non tam

desperatos mores, aut tam perversa habemus ingenia, ac proinde non indigemus asperioribus suppliciorum lanienis, quia nos haec ipsa penarum lenitas cohibere potest satis.

22. Tales in casu homicidiorum Leges immo longe mitiores fuerunt in praxi apud multas Nationes. Primùm enim vetustissimi mortalium (dicit Plutarchus) nulla adhuc mala libidine sine probro, sine scelere, adeò sine suppicio & pena agebant. Longè ex post corruptis moribus (inquit Tucidides) severitate & pena opus quidem fuit, verum illas verisimile est initio mitiores esse, donec propter lenitatem contemnerentur, tum enim ad mortem etiam processum est. Romani capitalia supplicia penitus sustulerant per illas Sancitas Leges Portiam & Semproniam, quæ Magistratibus interdicebant Civem verbare & suppicio afficere, sed tantum in exilium relegare concederant. Ejusmodi verò legem Cicero in oratione pro domo sua affirmat esse propriam liberæ Reipublicæ. Exponendus foret longus Elenchus, si omnes enumerarentur Gentes, quæ non semper pro capite, capite puniebant, verum aut ad metalla, aut ad triremes, aut ad exilia & carceres, aut ad æternam servitatem condemnabant, prout nunc nonnullæ condemnant homicidas. Inter cætera speciali id dignum consideratione, quod lego in historia Hungariæ apud Bonfinum, qui inter alias Sancti Stephani Regis Leges hanc quoq; commemorat. Si quis accensus irâ & superbiâ elatus spontaneum commiserit homicidium, sciat se juxta Senatus nostri Decretum centum & decem daturum auri pensas, ex quibus quinquaginta Parentibus vel amicis dentur, decem autem condonentur Arbitris, & mediatoribus, ipse quidem homicida secundum institutionem Canonum jejunet. Hoc tale Regis Sancti sancitum quamvis leuius sit quam nostræ Patriæ, puto attamen, quod nul-

nullus reperietur tam effrons, qui illud impium, aut barbarum asserere audeat.

23. Talis demum apud nos pænarum homicidij moderatio est consona rectæ rationi, si etenim severitatem pænæ exigis, hæc magis exercetur cruciata viventium; qualis est tam gravis *sessio in turri* & *solutio pecuniaria* ac proindè qui vellet mortis supplicium homicidæ urgere, potest illi dici cum Thyeste: *De fine pana loqueris, ego pana volo. Mors siquidem (ut ait Seneca) erumnarum est finis, cuncta mortalium mala dissolvit.* Si verò bonum Republicæ spectes, nemo dubitat (testatur Quintilianus) quin si nocentes mutari in bonam mentem aliquomodo possint, sicut posse interdum conceditur, salvos esse eos magis e Republica sit, quam puniri. Apud nos præsentim, qui ad Limites infidelium ac barbarorum, nobis vero nimium infestorum consistimus, si semper caput pro capite exigeretur, plures eorum ad Ethnicos aut hostes nostros fugerent, & Patriæ desperatis incursionibus nocerent. In comperto habemus, quid apud Italos Banditi faciant, qui nimò præstò sunt domestica exempla præcipue dum tales severitates in potentiores attentavimus.

### *Ostenditur a Libertate Polona non foveri Hæreses.*

24. Quam magnum Religionis Catholicæ apud nos fuerat præmium, quam fervens circa conservationem ipsius Zelus, evidenter patet, quando circa prima statim fidei Sanctæ initia terribili Dei vivi Sacrificio assistentes Majores nostri, ad lectionem Evangelij gladios evaginabant in signum, quod pro defensione veritatis Catholicæ sanguinem & vitam fundere patati forent. Et quia non ignorabant, quod refractarium & pertinax malum est hæresis, faciliusq; excluditur, quam expellitur, ideo ubi primū ex aliquo

angulo hæc virtulenta multorum Capitum Hydra vicinos invadere cæperat Penates, magna cum diligentia severissimorum Legum præsidium, cœū aheneum murum opponebant; Imprimis cum vicinos & cognatos nobis Bohemos Hussiti veneni infecisset pestilentia, illicò inclyti Poloni parientes suos, ne ab hæretico incendio in religione & pietate Catholica damnum paterentur, tam bene muniverunt, ut qui severas in Statuto nostro sub titulo *Hæretici Leges* inspexerit, qui generales *Vielunensem*, & *Korczynensem* sub Annis 1424. & 1438. omnium Regni Statuum contra quasvis hæreses jurejurando obstriccas Confederationes in eodem Statuto legerit, ubi pena *infamia, colli, confiscationis bonorum* in hæreticos & fautores eorum, si quando in Polonia reperirentur sancita est fateri debebit, quod nullum unquam Concilium severius Hæresim fulminaverit, nulla in Orbe gens contra capitalissimos hostes tam fortiter ac rigidè consurrexerit, quam Antecessores nostri, qui nec fraterno parcendo sangvini hæreticam à Limitibus suis propulsabant perfidiam. Et quandiu in Regibus Dominis nostris Catholicus non deferuit Zelus, tamdiu hæc infernalis Mægera vix à longè toivô oculô spēcare Poloniam ausa est. Quam primum verò ipsa hæc Capita aliquatenus langvere cæperant, & salutares succos in subiecta membra depluere neglexerant, statim virulenta hæreticæ pestilentia in reliquo Reipublicæ Corpore multiplicata sunt ulcera, quæ regnante Augusto I. maximè, in contagiosum extreverunt tumorem. Ille etenim inter faminarum greges à Matre ultra pubertatem educatus, uti ad licentiosiorem vitam propensior, ita queq; ad colendam Catholicam Religionem fuit remissior, ac quod maximū addicitione scientijs curiosis, libenter pæstigiatores ac Necrimantes ad se admittebat, in quo quia exteri pæcellebant, undiq; hujus artis ad illum

illum confuebant Magistri, & una varia hæreses secum allatas, in Polonia invalido jam pro re Catholica Legum auxilio, disseminabant. Adjutorio ipsis fuere sacerdotalium contra Spirituales similitates & odia, illi etenim ut possent Spiritualibus & mulos opponere, ultrò extraneos accersebant hujus pestilentiz propagatores; interea ex sacerdotalibus primùm aliqui, demum ex Spiritualibus certatim ceu ad offam, non tam ad conscientiz, quām ad carnis libertatem convolabant. Alij in vicinia cum Germanis existentes, ardente proximō Ucalegone, ipsi quoq; hæreticæ pravitatis incendium non evitārunt. Juventus deniq; Polona &tatis viatio ad licentiam, quām omnis hæresis animos inescat, prona, ex peregrinationibus exteris raro absq; hac corruptela redibat. Unde tantum hæc pestis totum Reipublicæ corpus corruperat, ut post mortem Augusti I. mirata sit Polonia se esse hæreticam.

25. Per decepsum hujus Regis, regnatrix Jagellonica virilis linea defecit, & uti ea res Polonis à centum quinquaginta annis non evenit, ita & illud Interregnum fuit formidolosum, præcipue quia aliqua Reipublicæ membra, nempè Prussiæ, Lithuaniae ac Russiæ Ducatus adhuc non tam perfectè in unum Reipublicæ corpus coaluerunt, ut distrahi & dissolvi illis in circumstantijs facilè non possint. Ideo in Convocatione Varsaviensi, majori, quām olim sollicitudinē in primis securitati ab extra & ab intra contra quævis Reipublicæ imminentia pericula provisum est, tempore demūm, loco. modōq; Electionis novi Principis constitutō, jam majore ex parte Catholici ad propria discelerant; Hæretici verò ex condicto protractō Convocationis actu, illum pelle lupinā subsuerunt, id est titulo Confœderationis & prætextu pacis publicæ inter Cives conservandæ, sub Nomine & authoritate totius Convocationis ini-

inierunt fædus, cui multa bona Reipublicæ salubria, unanimiter ab omnibus in Comitijs Convocationis sancta inseruerunt, ut sub hoc dulci melle suum venenum svavius propinarent; Hinc immiscuerunt ceu adulterinum numisma articulum de pace dissidentium in religione Christiana ut liberum sit, unicuiq; in Polonia ceu Lupo in caprum, vel in agnum credere, & ut antiqua contra hæreticos Jura ac juramento firmatæ omnium Reipublicæ Ordinum Confœderationes, vigore hujus Novi Testamenti tollerentur. Quod verò hanc Confœderationem perastâ jam Convocatione fecerint, testium loco sunt universalia ad omnia Acta Castræ missa: in quibus quæ unanimi consensu conclusa sunt à Convocatione, prodierunt sub data 22. Januarij: hæc vero Confœderatio sexta post die nata est sub data 28. ejusdem; ad cujus assensum frigidos primū Catholicos Varsaviæ remanentes, subdolis persuationib; induxerunt, ab alijs deinde metu, internæq; perturbationis comminatione facile signaturam extorserunt; Liquet iste metus in subscriptionibus, quibus aliqui adjunixerunt: *Subscribo propter bonum pacis.*

26. Ast opposuerunt se statim huic subreptitio articulo, & protestationem quam Officiales hæretici Varsaviæ ad Acta suscipere recusârunt, solenniter fecerunt Sochaczoviæ feriâ tertiatâ post Dominicam Quinquagesimæ Anno 1573. Jacobus Uchanski Primas, Adamus Konarski Posnaniensis, Petrus Myszkowski Plocensis, Adalbertus Starczrebski Chełmensis Episcopi cum alijs pluribus Catholicis. Idem fecerunt alij quoq; Catholici in Palatinatibus præsertim Masoviæ, Plocensi, Ravensi, Podlachiæ. Expost in Electione Henrici Regis hæretici eandem lupinam pellem ostentârunt, ubi præparati ad majorem audaciam non solum hanc suam Confœderationem propugnabant, sed etiam per vim, ju-  
ramen-

ramenti rotæ futuro Regi intruserunt articulum de Libertate religionis conservanda. Affero, quod *per vim fecerint*: quia non tantum totus Spiritualis Status, sed insuper Nuntij Terrestres plurimi, ipsiꝝ; suprā enumerati Palatinatus in contra protestati sunt coram Actis. Inter quas digna est diligent ac sedula consideratione à Palatinatu Masoviæ facta Manifestatio; in qua enitet proborum Masovitarum fervens ac constans semper antiquæ Religionis Catholicæ Zelus. Alij quoꝝ; Catholicæ Spirituales & sacerdotes nunquam intermisserunt liberam contradictionem huic hæreticæ violentiæ opponere. Parisijs enim ad Henricum Electum Legati Catholicæ Adamus Konarski Episcopus Posnaniensis, Adalbertus Laski Palatinus Siradiensis, Nicolaus Christophorus Princeps Radivilius, Mareschalcus Curiæ M. D. Lithvanicæ suò & reliquorum in Polonia Catholicorum nomine porrexerunt Henrico, cum ad præstandum jusjurandum accederet, contra illum articulum juramento intrusum, protestationem, quam quod ille acceptaverit, & hanc in rem Legatis Diploma Parisijs dederit, liquet ex Annalibus. In Comitijs etiam Coronationis ejusdem Henrici uti & in alijs Electionibus ac Coronationibus post illum succedentium Regum, Ordo Spiritualis totus, & non pauci Senatorum ac Nobilium Catholicorum solenni formâ semper protestabantur & protestantur, quod huic Libertati religionis non assentiebant unquam, neq; assentiunt. Inspiciat qui voluerit ipsa suffragia & subscriptiones Regiarum Electionum, satis longum cernet catalogum eorum, qui hunc articulum nominatim expungunt.

27. Contigit mihi haud semel non tantum ab Hæreticis, sed etiam à Catholicis Statum Libertatis minus penetrantibus audire, quod is de Libertate Religionis articulus in Polonia jam vim Legis contrariæ antiquis contra Hæ-

reticos Statutis obtineat. Quod dum asserunt, semet ipsos produnt, aut Statutis Reipublicæ ignaros, aut propriæ Libertatis infensissimos hostes. Integritas enim Libertatis nostræ principaliter in eo consistit, ne aut Rex, aut alter quispiam quidquām tale, quod præsertim vim perpetuæ Legis sapiat, contra nos, sine nobis fancire possit: penes quod aliter sustineri nequimus, quām opposito liberæ contradictionis intercedendi Jure, quod quam primum labefactari ac enervari permittemus, extunc simul sub pileo Libertatis incipiemus portare rasuram servitutis. Progenitores nostri, qui nobis hunc pretiosum, quia non semel sanguine redemptum unionem Libertatis de manu in manum tradiderunt, sub tutela liberæ contradictionis velut sub fortissimo præsidio illum servari voluerunt, & ideo firmiter caverunt Legem, ut nihil unquam vim Legis obtineat, ad quod unanimis omnium Reipublicæ Ordinum non accedat consensus. Proinde quicunq; liberæ contradictionis præsidium vult lædere, ipsam Libertatis pupillam imò vitalem succum, & veluti humidum radicale illi conatur auferre. Exiudè provenit, quod prudentiores, ac naturam Libertatis suæ penetrantes Cives malunt frequenter, satius non levia in publicis præsertim Patriæ Consultationibus, per ruptionem, aut moram & tricas Comitiorum sufferre incommoda, quam Juris intercedendi & vetandi potestatem etiam tantillūm lædere: Nōrunt enim, liberam vetandi vocem liberæ Genti inhibere, nihil aliud esse, quām Spiritum Libertatis præfocare: Ac proinde ij, qui articulum hunc obstantibūs tòt publicis legitimis contradictionibūs volunt computare inter Patrias Leges, aut sunt communis Libertatis hostes, aut nesciunt, quid faciant, & dicant.

28. Ast objicit aliquis: Certum quidem, quod intercesserint, ac intercedunt aliquorum in contra

tra protestationes, verum quilibet protestatio est *atitus Juri*. Hinc ut alia omnia, ita protestationes finem fortuantur, dum Decretō tolluntur. Sublatæ vero sunt illæ protestationes Decreto. Juramentorum Régiorum, quō hunc articulum de Libertate Religionis confirmarunt, ac ei vim Legis attribuerunt; Reges siquidem Jurejurando nihil aliud nobis conservaturos se spondent, quam Leges. Sublatum est quoq; Decreto Legis Regni in perpetuum jubente, ut Reges non aliâ formâ juramenti nisi cā, quam explevit Rex Henricus, obstringerentur, in qua exprimitur hæc etiam de Liberteate Religionis cautela. Abrogatæ sunt adextremum Decretō totius Reipublicæ, dum sub tempus Interregni in generalibus & Provincialibus Judicijs *Kaptury* vulgo dictis, tum in Comitijs, per Constitutiones Articulus de Libertate religionis cautus est, & firmatus. Proinde dictæ protestationes his sanctis Reipublicæ cedere debent.

29. Ad hæc repono: aliam esse naturam illarum protestationum, quas privatæ personæ litigantes, nullum Jus potestativum aut decretivum in foro judiciario habentes, contra personas & acta illarum, in rebus controversi à suo consensu & arbitrio non dependentibus faciunt. Ejusmodi protestationes quia in se nil ultra continent, quam querelas & prætensiones injuriæ cognitioni & decisioni Judicium subiectæ, tolluntur, ac finem accipiunt à Decretis Judicialibus. Alia verò est natura earum protestationum, quæ à personis publicis in foro Reipublicæ jus potestativum decernendi & vetandi habentibus, in rebus à suo quoq; consensu dependentibus, & quidem tali dependentiâ, quod juxta Leges uno contradicente nihil legitimè concludi, & decerni potest ab omnibus fiunt. Tales inquam protestationes nec quodvis Juramentum Régium, nec ullum Decretum, nec ut vulgo dicitur *Kaptur*, nec constitutiones nisi consentiente contra-

dictore tollere possunt, præter unicam tyrannidem, idq; mutatō prius præseni Republicæ statu, sublatis Juribüs cardinalibus Libertatis, & ademptō ipsi firmissimo præsidio, in libero vetandi & contradicendi jure consistente. Imò qui Rempublicam ac Leges, quibus illa innititur, bene penetrat, potius affirmabit, quod tales protestationes à personis legitimis jus vetandi habentibus interpositæ, qualia cunq; Decreta, stante hâc eorum contradictione, annihilare debeant, & defacto annihilent. Detur enim mihi ratio disparitatis, cur facta ab uno terrestri Nuntio in Comitijs contra activitatem illorum protestatio, tamdiu in publicis Republicæ consultationibus fancienda fistat, quo usq; contradicens ab ea non resilierit. Si verò circa illam mordicū perstiterit, ut ipsa Comitia, ita & alia quamvis concorditer conclusa irrita fiunt. Nec ipsa Comitia possunt abrogare Decreto suo ejus protestationem, nisi voluerint cum jure vetandi liberam vocem, & unà cum ipsa Liberate tollere.

30. Dicit quis ultra. Quam ergo vim Articulus de pace Dissidentium in Religione juramentis Regijs, Convocationibus Regni & Constitutionibus Comitiorum firmatus in se continebit, si ipsi vim Legis non attribuis? Respondeo: Iste articulus est per modum Literarum salvi Conductus hereticis à Republica datarum, ut contra ipsos pñx Jagellonicarum Legum, quæ illos fanciunt esse infames & proscriptos, non extendantur, sed earum executio interim suspendatur, ita tamen, ut Leges interea antiquæ contra hereticos latæ in suo robore permaneant. Et hoc est, quod ipsis cauent tam generales, quam particulares sub Interegnis factæ Confederationes, quæ inter alias rationes ideo justè vocari possunt Kaptur, seu Caputum, quia eos ab hac inclemetia Legum, ceu à violenta aliqua pluvia aut grandine

dine contingunt. Idem sonant lege firmata Juramenta Regia. Perspectam equidem habuit Rempublicam & Leges ejus Magnus ille Cancellarius Ossolinski, attamen ad Urbanum VIII. à Vladislao Rege & à Gente nostra existens Legatus in illo Orbis theatro scilicet Romæ perorando, inde virtutem nostram Polonam sic depraedicabat: Nulla è Polonia Hæresis, nullum Schisma, & si qui vicinarum gentium peste afflati, acerrimo Legum supplicio & infamie perpetua nota à reliquo Nobilitatis corpore reperiuntur. Si quis Legem à Vladislao Jagellone latam totius Nobilitatis consensu firmatam legerit, fatebitur nullius Concilij anathema hæresim acrius perstrinxisse. Et quamvis iniuitati temporum amoriq; consanguineo indulsisse videatur, non tamen abrogari Legem passi sumus, nec patiemur, testaturi, posteritati nos Legum Patriæ salutem unius Religionis integritate firmare. Sit proinde quilibet Catholicus Polonus informatus, quod hac nostra moderatione, & quasi fraternâ indulgentia usi sumus, ne remedijs malum exasperaremus, cui tollendo impares eramus. Attamen quod non jugulavimus, nec expunximus sed tantum restrinximus aliquatenus antiquas contra hæreticos Leges, Ariani sunt exemplo, quos, negato illis hoc salvo conductu, rigori eorum severitatique addiximus.

31. Non sit scandalo hæreticis, quod &c si, semper & ubique, quam primum is Articulus de Libertate Religionis inter fraudes & conjunctiones hæreticas pullulavit, in oppositione cū libero intercedendi Jure cōparuimus ac cōpatemus, Comitia tamec non rumpimus, nec bello civili & seditionibus, prout ipsi faciunt, terremus, quia id Nobis modestia Catholica & charitas Patriæ vetat; Concedimus id ejus amori declinando Conspiraciones & tumultus hæreticos, huncque Lupinum centonem, quem illi primæ Convocationi

vulgo Kaptur post mortem Augusti I, assuerant, non diffusimus violenter; Qui tamen gratiâ Altissimi per se jam attritus est, ipsaq; antiquitate exesus, ut vix reliquiæ in Polonia idq; inter simplices Plebeios, advenarum cætus, aut tenuiores Nobiles appareant. Et hoc est non exiguum miraculum fermè in Polonia, quod & si pestilentia hæretica jam fere totum Reipublicæ Corpus affecerat, fides tamen Catholica licet in tanta credenâ pro suo velle licentia nihil deterior (ut inquit *Anonymous Polonus*) permanit, non Jura Ecclesiae sublata, non honor Sacerdotij a Majoribus nostris inter prima Reipublica subsellia admissi imminutus, non altarium, Templorumq; usq; ad prodigam Libertatem splendor extinctus. Hic certe auream se esse probavit Polonia, qua ex incendio hoc processit illustrior. Hæresi cinere & fumo reticlis, unde hodieq; dicat: Caput meum doleo. Hic Catholica Religio ab ipso Christiani Nominis exortu tot Legibus atq; Privilegijs firmata, ac velut materfamilias quadam effecta à noxa hac & nuper adventitia neverca Hæresi nullo modo sua firma possessione potuit, potestq; exturbari. Quod alibi cruentâ non valent præstare Inquisitiones, hoc in Polonia vel ipsa evincit tolerantia. Videmus nullâ vi adhibitâ tot templa restituta, gaudemus Catholicam pietatem insigniter auctam, hæresim ab omni jam fere, qua majoris est nota, nobilitate abjectam; Sanè sapienter ac vere quispiam dixerat Poloniâ esse quendam Heliconem Catholicum, ad quem hæresum viperæ veniunt positura venenum; Ubi Catholica nobilitatis fervor aquat curam Antistitum, cum sapè privatim ac publicè centuriatis præsertim Tributisq; Comitijs Senatus Populusq; Polonus magis pro avita Religione adversus suos Concives hæresi affatos, quam communi Patria salute decertat Ec.

32. Deficeret non tantum folium, ast tempus quoq; si omnia acerrimi pro re Catholica & Ecclesiastica Zeli in Polonis nostris recenseri deberent exempla. Antiquiora in parte jam sunt memorata, recentiora recensebo: primum sit, quod mihi suggerit anonymus quidam Polonus in Lib: sub tit: *Bonus Patriæ Civis edito, ajens. Eximium id Catholica Religionis in Polonis arguit Zelum, quod Stephano regnante accidit; Rigam ille Poloni tunc Juris Principem in Livonia Urbem ingressus, in qua heretici omnia Catholicorum templa occupaverant, inito cum Catholicis ad latus suum tunc præsentibus consilio, tam Senatoribus & Nobilibus hereticis, quam Civitatis Magistratui eadem peste affecto nuntiari jussit, se cum suis Catholicis non prius cibum ullum gustaturum, quam in redito sibi uno ex occupatis templo Missam Caeholico ritu audiverit: Tenuit hac inter Regem & Magistratum, ceterosq; Polonos hereticos controversia maiorem diei partem, tandem pia Regis Catholicorumq; Polonorum pertinacia evicit, ut Magnificum S. Jacobi templum horâ post meridiem quartâ sibi redderetur. Ubi auditio solenni Sacro, collocatisq; ibidem acerrimis Orthodoxæ fidei propugnatoribus Jesuitis, dum vespere jam pranderet ad Proceres suos majori parte Hareticos conversus, nemo (inquit) ab orbe condito felicius unquam solenniusq; prandij cum cana nuptias celebravit, ut mihi hodie cum meis contigit Catholicis. Musicos itaq; concentus, choreasq;, ut in Nuptiali solet fieri apparatu, magnâ animi sui, Catholicorumq; latitiâ, ingenti vero hereticorum mœvore institui celebrariq; jussit.*

33. Annò 1666. in Comitijs ruptis Varsaviæ Legatus quidam ex Palatinatu Masoviæ hoc stylō, qui est ex Literis protunc Posnaniam directis excerptus in facie Reipubli-

publicæ in Senatu pro re Catholica peroravit: Nam hodie Serenissime Clementissimeq; Rex sex septimana Comitijs nostris præscriptæ finiuntur, & nihil adhuc boni statuimus; haud pauca sunt, pro quibus pñnam meremur Dei, ast super omnia fortassis ira Dei contra nos exinde contrata, quod in hoc loco, ubi bono & integritati proficiendum erat, Majestas ipsius graviter offensa non pri-dens est. Recent iñharet memoria nostra, prout Serenitas Vestra Legato Svetico ad latu suum existenti, concessit publicum impietatis heretica exercitium, idq; cum insolitis & probrofis Catholica religioni solemnitatibus, jubendo hunc consensum suum in foro Varsaviensi publicare, extradito cum subscriptione Manu Regiae & Sigillo, Diplomate; quod quia contravenit Legibus nostris Masoviticis, suppliciter rogamus Sacram Regiam Majestatem Vestram, ut nobis id conservet in posterum, ad quod sese jurejurando obstrinxit, nec auferat id, quod nobis non dedit. Obtestamur quoq; Reverendissimos Episcopos, ne pro officio muneri Pastoralis, ejusmodi fidel Sancta præjudicium in posterum saltim, sub oculis suis permittant. Religiosum enim Antecessorum Nostrorum institutum non alia intentione primas Reipublicæ partes vobis commisit, nisi dumtaxat, ut in hac altiori specula positi integritati fidei Sacrarumq; Ecclesiarum DEI, singulari Zelo invigiletis: Nam quod concernit curas Statu nostri politici, nosmet ipsi absq; Statu Spirituali sufficienes haberemus sustinendo huic oneri lacertos.

34. Ante aliquot decades Annorum in Comitiolis Proszoviensibus Stanislaus Petrykowski pro re Catholica inter alia ita zelabat: Non minus etiam me id quoq; perculit, quod frequentia, ac insuper amplioribus elogis

onerata vota Vestiarum Dominationum tam honoratâ functione eos dignantur, qui à nobis ut in fundamento religionis, ita etiam certè amica voluntatis dissident, non eò collimo, ut aliquem errorem in prudentissimis vestris notem designationibus: Dominis quoq; dissidentibus sufficientem ad ejusmodi functiones capacitatem haud adimo: id tantum cum Romano inculco Politico: Pudeat Quirites, (ego dico, pudeat Polonus) à bonis etiam alienis Dñs opem exposcere, cum sui non desint aquae boni. Jamne is apud nos defectus est Virorum, ut inter centenos Catholicos Nobiles ad eam functionem aptos habere non possimus, quales intor aliquot Dissidentes quarimus? Ec.

In Electione feliciter nobis Dominantis Regis Masovita quidam insistens contra hæreticos in Stuba Nuntiorum lupos illos nominaverat: Efferbuit quidam hæreticus, dicens: qui nos lupos asserit, nos illum vocabimus canem. Ad hæc reposuit Masovita: Non de Mazovitis id, sed de talibus, quales vos estis hæreticis dictum: Nolite sanctum dare canibus; haud tamen erubescimus esse canes contra tales lupos, quales vos estis.

In eadem Electione Mareschalcus Stubæ Nuntiorum ad exorbitantias designatione inter alios unum ex Magnatibus Calvinistam, cui designationi plurimi Catholici præsertim Masovitæ magno fremitu reclamârunt. Et dum Mareschalcus in proposito perstabat, inclamavit quidam ex præsentibus Masovita: Domine Mareschalce expunge ipsu ex hoc Cathalogo calamō, quia nos pici intinctis digitis hunc hæreticum expungemus. Rodant proinde suam crassam adeò calumniam lividō dente, quem contra nos exacuerunt Libertatis nostræ hostes, discantq; ab Antonio Spinello Veneto Historicographo: Religionem Catholicam apud

apud Polonos esse gemmam pretiosissimam, auro eo Libertatis & pietatis Zelo inclusam.

Ostenditur vitio Libertatis Polonæ non ita, ut hostes nostri volunt, pessundari Consilia publica.

35. Quod apud nos ex abusu Libertatis ut in alios publicos Actus, ita præcipue in consilia & Comitia, non parva deriventur incommoda, hoc inficiari, aut amoliri à nobis haud possumus. Amitteret ille etenim non tantum intellectum, sed sensum quoq; qui in Consultationibus nostris hoc, quod Rempublicam quandoq; ad gravia deducit pericula, agnoscere nolit malum. Plurimorum hac de re sunt justæ querebz dignorum Virorum sive scripto, sive voce expressæ, multorum censuræ & sinistæ sermocinationes; cernunt etenim disordinem, discordiam, animositates, venales aut obstinatas sine reflexione & ratione contradictiones, ruptiones, aut in longum tempus sub quali tali prætextu protractiones, & pro interesse privato impedimenta Comitiorum & his similes ferè parricidales ingratitorum filiorum erga Matrem Patriam conatus. Publica (inquit Joannes Krasinski in alloquio ad Equites Polono-nos) in Comitys præsertim generalibus apud nos peragi solita consilia dignissimus Vir Joannes Zamoyski oculum ad aureum hoc Libertatis imò felicitatis nostra Vellus Colchico dracone melius excubantem scitissime appellavit. At quibus hanc pupillam quibus & qualibus hoc plus quam aureum, quia non per marium tractus, verum per sanguinis aquor a Majoribus nostris adiectum Libertatis vellus credimus? Quam pessime tunc cum re Libertateq; nostra agitur, quando ab hominibus nullius frugi, & projectæ conscientiæ, nullius scientiæ & iudicij in gravissimo illo Consiliorum Theatro trattatur, levissi-

levissimè quandoq; in manus eorum deponitur, quibus vel cum lingua omnia venalia, vel cum imperitia omnia perdita, vel cum conscientia omnia etiam sordidissima honesta sunt.

36. Attamen licet deliberationes Nuntiorum in fire-pitu (dixit olim in Comisijs Cancellarius Ossolinus) & quasi tumultuarie Consilia Comitiorum peragant non ideo per centum Annos ab ejusmodi incommodis aliquod Patria experta est detrimentum, imo in Libertate sua multipliciter effloruit &c. Libertas nostra (dixit alter haud contemnendz Authoritatis Senator in Comisijs) ut ab hominum conditione excipi nequit, ita quoq; cognata hominibus pisia pati debet. Differi haud possumus, quia ipsi bene sentimus, quod malignum quiddam inest Libertiati, qua cum una parte beatos reddat suos possessores, altera molestius sape vexat perturbatq; Non sine speciali in qualitates & naturam Libertatis respe-  
ctu Poeta aquiparavit illam aquæ fluviali.

Instar mobilis undæ  
Aggere quam posito dominans vis nulla cōercet,  
Labitur atq; tumens vario cum murmure fertur  
Libertas populi.

Aliæ gentes, quibus servitus potestate Dominantium altos exstruxit aggeres, quia sunt constrictæ ceu aquæ in Stagnis quietè subsistere ac tacere coguntur, Libertatem suam, quam illis naturæ rationalis appetitus ceu ventus in stagno fluctus subinde commovet, ad severitatem imperantium ceu ad littora aut fruticeta circa aggerem refringendo. Nostra verò Libertas quia aggerem servitutis non patitur, habet equidem hoc incommodum, quod more sumnum non semel licentius exundet, nunquam sine murmu-

re dissensionum & discordiarum Civilium defluat, alveos transmutando ordinem bonum destruat, ac his similia mala quā publicē, quā privatim adferat. Unum nostrum *verto* quibus non s̄epe difficultatibus & molestijs implicat? adeō, ut quidam exterus illud *Purgatorium Poloniae* vocaverit. Malumus nihilominus quamvis tam asperum nobis adeō, nocivumq; ex parte, hoc *Libertatis* sufferre purgatoriu, quām cum alijs ad infernū despoticæ servitutis de enire.

37. Non negandum est, quod prout ubiq;, ita præsertim in Comitijs nostris loquamur liberè. *Libera* siquidem *Populorum lingua integræ adhuc Libertatis index est*, dixit olim *Sparthanus Esturio*. Verū, quod cuncta nemine reclamante concludamus: ex quo enim Reipublicæ nostræ corpus per naturam *Libertatis* nequit ita, ut cætera animari uno spiritu, necesse est, ut saltim unō & concordi omnium animetur. Non placet nobis aut *Veneta*, aut quævis alia liberarum gentium in concludendo pluralitas, hæc enim ideo apud illos succedit, quia ibi (ut loquitur *Leopoliensis Castellanus Fredro*) abest animorum & *Libertatis* corruptor. Nam seu *Monarchs Regnorum* respicias, non est quod illi in suis Dominijs circa *Libertatem* corrumpant, né est periculum, ut pejorum *Civium* contra pauciores utantur pluralitate, cum omnia pro libitu agant ipsi. Seu *Venetorum Rempublicam* in argumentum rei opponas, etiam illic fateberis abesse corrumpenda *Libertatis* venena ab ea potestate *Principis* quæ parva est: cum ille solo fere nomine sit *Princeps*, re ipsa, vere primus Senator, primus Patricius, primus *Reipublicæ Civis*; Nobis verè *Polonis majoris Authoritatis*, titulorum & potentia sunt *Reges*, quibus divisa licet cum *Republica* jubendi consulendiq; potestas inest, *Majestas* tamen alia; tituli vero, honores, & benne

nē meritorum prēmia in manu & arbitrio illorum sunt, non levis animorum captio, & corrumpenda pluralitatis modus. Sc. Valdē est affinis Libertas liberalitati, proinde sicuti, certē in Polonia facile illi cederet. Verām, quod Legati Terre res in Comitijs habeant, subinde inter se turbantes Jura Tribunos; ut ut res se habeat, at tamen haud dubiē certum est, quod penes illos consistat principalis custodia Libertatis. Simile quid ficeret, si illis jus vetandi quis vellet circumscribere, quod fecerunt Lupi Esopici, qui omnia damna & incommoda ovium in custodientes gregem devolvendo canes, svalserunt Pastoribus, ut propter pacem cum lupis, propriumq; bonum, illos à se removerent, aut saltem tam audacter contra Lupos insurgere, ac libere mordere interdicerent.

38. Certum est apud nos res primō intuitu modicas maximi momenti consilia Reipublicæ sistere adeò, ut memoriā retineantur unias in hac parte Judicium, qui dixit: *In Comitijs & Comitiolis nostris frequenter ceu Calendaria scribimus, dum de rebus levissimi momenti tam longas contentiones, tam obstinatas exerimus contradictiones.* Ast hic quoq; opus est meminisse unius Atheniensis Senatoris cautionem: *Nihil etiam ex minimis parum est, unde magna ruina periculum timeri potest.* Nullius considerationis est, quod volucri pluma deciderit, ast concedamus frequenter Aquilæ nostræ pennas eripi, experiemur brevi, quod nonnisi pedes ibit, quæ in optata Libertate feliciter volat. Parva res est pilum ex capite amittere, permittamus solummodo ex hoc aureo Libertatis nostræ vellere pilos per unum evellere, brevi ita, ut vicini nostri ad calvam servitutis rasuram deveniemus. Ut loquar ad propositum: Modicum est unum minutum comparatum tempori mutuum Cælestium, & tamen id in Ca-

lendario haud mediocrem alterationem induxit; quia enim  
 decem minuta unicuique; Anno accrescebant, quæ minus ap-  
 prehendebat Ecclesia, æquinoctia per aliquot sacula decem  
 diebus, à motu vero Cælorum retrocesserunt. Et si dura-  
 turus esset Orbis quatuor mille quingentis Annis, eveniret,  
 quod juxta antiquum Calendarium in Septembri Pascha  
 celebraretur. Nullus proinde circa ejusmodi minutias in  
 Comitijs & Comitiolis niniam sollicitudinem nostram e-  
 gistimet non necessariam, quia alias magnum in Calenda-  
 rio Libertatis errorem committeremus. Romani nihil adeo,  
 quod vel levissimam lèxendæ Libertatis suspicionem pare-  
 ret, parvi pendedebant, ut in primis Consulibus, qui Liber-  
 tatis ipsorum primi assertores & Parentes fuerant, levissi-  
 mas res idque; non sine tumultu tolerare haud possent. Lu-  
 cius enim Collatinus eo ipso, quia inter alia agnominata  
 vocari voluit Tarquinius coactus est se Magistratu abdicare  
 & Urbe exulare; Publius pariter Valerius quia sibi Domum  
 cum altiori supra alios tecto, ac in colle erexerat, non pri-  
 us tumultuantem contra se plebem placayit, quam ædifici-  
 um depresso, & aliò transulerit. Hinc crediderim, quod  
 non tam superstitionem quandam exercebant iidem Roma-  
 ni, quam non inutile liberis gentibus monitum potius ex-  
 primebant, dum in primo statim Libertati Deæ erecto Sa-  
 crario certos custodes (inquit Rosinus) constituerunt, ut  
 post singulos, qui præterissent, scopis pavimentum repug-  
 garent, ne vel minimi adhærerent pulvisciuli, quam Ro-  
 manorum institutionem idem Author explicat adjectâ fla-  
 tim glossâ, adeo à minimis etiam multum sibi timet Li-  
 bertas. Ex eadem forte ratione alii quoque; Liberae Gen-  
 tes pupillam vocant suam Libertatem, quia ut pupillæ e-  
 tiæ minima atomus, ita Libertati modica quoque; res no-  
 tabile damnum inferre potest. Haud frustra doctæ Athenæ  
     olim

olim Libertatem in figura Columbae depingebant, quia uti terretur minimò pennæ stridore columba; ita quoq; Libertas ceu timida columba etiam ipsam umbram servitatis ceu rapacem accipitrem timere debet. Si in alijs, maximè in præcautione Libertatis audiendus ille, qui olim Romanis inculcabat: *Prohibete scintillas, si conflagrari non vultis Quirites.*

39. Verum, quod Libertas frequenter non necessarias, imo noxias sibi res expedit tanto conatu, & pertinaciâ, donec illi concedantur, id haud mirum, quia illa est, (ut quidam gravis Authoritatis Senator olim locutus est in Comitijs) *molliter educata puella liberæ gentis.* Ad extremum, verum id quæq; quod per naturam Liberi Statu nostri non possumus habere tam secreta, ut aliarum gentium sunt, publica consilia, quia in Polonia, & non in Balearibus manemus Insulis, ubi Senatores dum Reipublicæ Consulere debebant, in campos secedebant, ubi effossâ foveâ, in eam inclinatas facies immergebant, ac ita vota sua expediebant, post quæ illam foveam terrâ obruentes statim, quasi acta Consilia sua in secreto tumulabant. Non inclinat nos tam humiliter (sunt gratiæ Deo) servitus, omnis ex nobis liber est Polonus ac Sclavo.

*Audax vel ipso vivere publicus*

*In Sole Civis.*

Quidquid facimus dicimusq;, hæc omnia per campos imò per totum Orbem fama divulgat. *Carpant igitur ut volunt (inquit anonymous) resumantq; iterum, qua in Libertatem nostram vomuerunt scommata serviles animæ, nos vero id illis regerimus, quod quidam Cæsarium Legato olim regessisse ferrur. Cracoviensem dum ille perlustrat arcem, conclave illud, quod multis diversa forma*

mae atq; figura plenum est capitibus, ingressus, sentiendi  
dissentiendiq; Polonorum Libertatem, ut perstringeret,  
capita hæc Varsaviam potius ad Aulam Nuntijs terre-  
stribus designatam, utpote dissensionum, discordiarumq; lo-  
cum transferenda esse dixerat. Cui commode e Nobili-  
tate unus: Malumus inquit discordia potius in Consilijs  
nostris spectare & pati capita Poloni, quam lingvas tra-  
balib; clavis furca afficax, quod in foro Viennensi non  
uni è Vestra Nobilitate, Proceribusq; factum esse scimus.  
Egregie & ille non obsimili Scommati par regessit Scom-  
ma: Comitia nostra Polona ita quispiam depicta velut in  
scena proposuerat Genua. Aula fuit per ampla, in qua  
Rex cum suis Consiliarijs, Terrarumq; Nuntijs consede-  
rat: In uno ejus angulo velut à mercatore quodam erant  
disposta varia in varijs vasis cum designato pretio ve-  
nales contradictiones; In altero fuerant dispositi varij  
falsi rumores, quos Provincia Polona disponebant, ut vel  
sic consultantium animos vel à privatis ad publica, vel  
à publicis ad privata pertraherent; In tertio erant ex-  
positæ varia variorum Zelo publici boni investitæ sacli-  
oness; In quarto deniq; Libertas ipsa Leges authoritate  
Comitiorum latus in Librum ex telis aranearum com-  
paclum referebat. Spectaverat tunc hoc ludibrium qui-  
dam Polonus, & brevi post, ad columnam fori ejusmodi  
imaginem clam exposuerat; aula similiter erat ampla,  
in cuius divisis partibus, Reges, qui absolute dominan-  
tur singuli cum suis consultabant, in medio vero ejus-  
dem aula fuit columna, ad quam singuli ex illis geno-  
tibus linguis clavis trabalibus affixi habebant, tyrannis  
vero supra columnam considens, Leges à Regibus latus  
in librum ex humana pelle confectum referebat.

40. Claudendo hunc suum de Consultationibus Polo-  
niæ

nix discursum idem Polonus ait: Concludo verbis Serrani unius è Libertate Sparthana apud Plutarchum, ad hostes Libertatis nostræ directis: Odi servorum hoc genus, qui ut omnia ob annexum abusus vitium damnant, vereor, nè oculos etiam, si nocivo aliquo humore obducantur, erui ab hominibus, & vel ipsum aërem, quem pleriq[ue] male spirant, exterminatum pulsung[us] ab universo velint.

Ostenditur non eam esse Libertatem Polonam, ut per illam liceat Polonis quando & quomodo volunt, perire.

41. Hic jam calumniator Augustodunensis ingurgitavit se venenosis herbis Anticiræ Montis, quæ (ut testatur Solinus) ad ejusmodi amentiam deducunt, ut homines faciant in continuos risus, jocos, & facetias effusos semper insanire; Libertatem nostram festiva lacerat iniuria maximum illius in hoc constituendo momentum, quod penes nos sit ut volumus, & dum volumus, perire. Nos vero gratiarum felicitatumq[ue] (ut de illa commentatur Homerus) Thesaurariam, non pereundi licentiam experimur; Quamvis nos periisse desiderant ii, qui pridem sux Libertati perierunt. Magnus ille & primus Romanæ Libertatis assertor Brutus Libertatem (dicit Plutarchus) Comitem generosi animi, parentem fortitudinis, incitamentum magnanimi pectoris affirmabat. Haud frustra Romana supersticio vix natæ Libertati templum in Campo Martio veluti domum pro residentia Romæ extruxerat, ut fortassis à fascijs statim ad fortia & heroica assuferet; cunctasq[ue] gentes liberas hoc axioma doceret: fortiora agere, & pati pro Libertate, liberorum est. Non vanè eandem Libertatem suam publico Senatus populiq[ue] Decreto jam adultiorem sub Marij Carbonisq[ue] consulatu Marti ijdem

Romani despônsârunt, ut fortè non alibi limites suos, quam  
quò gladius ipsius pertingere poterit, præfigeret. Adscribat,  
qui vult fato, aut casui id, quod apud Livium lego, & hic  
Libertatis Romanæ, quia in temeritate plebis ceu in stra-  
mineo fundamento constitit, ruinam deducat. Meo qui-  
dem sensu jam tunc non vanum exinde fuerat augurium  
istius fortitudinis, quæ supra alias liberas gentes extendi  
debuerat, quod stramen ipsum liberis in Tyberim proje-  
ctum manibꝫ, in solidum & firmum fundamentum coa-  
luerit.

42. Ex hoc fonte libertatis, in Republica Romana tot  
miracula fortitudinis, inde in alijs quoq; gentibus tot pe-  
ticulorum prodigia invictò propter libertatem superata ani-  
mò, inde difficiles victoriz, indè glorioſissimi Triumphi  
promanârunt. Pulsis (inquit historicus Romanus) ex Urbe  
Regibus prima pro Libertate arma accepta; Nam Por-  
ſenna Rex Hetruscorum ingentibus copijs aderat, jam  
armis urgebat Romam; tunc illa Romanæ fortitudinis  
miracula. Quippe Horatius Cocles inter hostes undiq;  
instantes solus in Tyberim se dedit, ac ponte reciso ad  
suos iterum tranavit, nec arma dimisit, illud in urgen-  
tes telis hostes ingeminans: Servitia Regum superbo-  
rum alienam Libertatem oppugnatum itis. Mutius, cuī  
postea Scavola cognomen, Porsennam per insidias in e-  
jus Castris aggreditur; cumq; frustraneo ictu alium pro  
Rege obtruncasset, captus, & ad Regem perductus manum  
cum gladio ardenti foco immergens, seq; erroris casti-  
gans ut scias inquit, quam vile sit corpus ijs, quibus  
Libertas in pretio est. Nec unus ego hos animos gero;  
Longus post me est Ordo idem decus petentium: Trecen-  
ti libera Juventutis conjuravimus, ut in te hac viâ  
grassaremur. Samnites quamdiu Libertate floruerunt, tam-  
diu

diu Romanis licet angustis Limitibus coarctati formidabiles fuerunt; Quam primum vero Patriam Libertatem labefactarunt, & demum amiserunt, tam multum de prisca fortitudine remiserunt, ut qui antea binos Consules (ut eorum Legati coram Annibale apud Livium conquerebantur) cum binis Exercitibus, Dictatores cum toto robore Romano vincerent, ac ignomiosè sub jugum cogerent, demum uni Legioni Romana sufficere & resistere non posset; Non tantum vero ingenua & generosa, sed abjecta & servilia quoque pectora fermè Divina Libertatis flamma mirè & efficaciter ad heroica gesta incendit. Grachus (testatur historia) cum Annibale conficturus, servos, quos tunc urgente necessitate militare juss erat, in concionem vocat, pronuntiatque: qui caput occisi à se hostis secum ex acie retulisset, Libertate, Civitateque Romana donandum. Hinc talis in servilibus pectoribus consecutus pugnandi ardor, ut tota eā nocte à tentorio Imperatoris non recederent, signum pugna quam primū dari deposcentes, ac demum feliciter depugnarunt, viceruntque.

43. Prorsus evidens est hæc veritas, quam quidam Politicus scripto expressit: Milites in servilibus Imperijs sunt, in liberis nascuntur. Cujus asserti evidens documentum est nostra Polonia, quid enim ad gesta & facinora heroicæ plus animi & audaciz Antecessoribus nostris inspirabat, quam Libertas, pectora illi sua, capita & salutem in tot discrimina strenue ferebant, non tam pro gazis, quia frugalitate illius sæculi contenti erant, non tam pro charis pignoribus, quia hæc & mancipijs cordi sunt, & esse debent, non tam pro integritate & defensione vitæ propriæ; optimè enim noverant, quod cui nasci contigit, mori regat; sed libera gens pro Libertate ceu pro unione & corde Patriæ suæ cum varijs hostibus fortiter dimicabat, tu il-

lam de manu in manum Successoribus suis traderet. Reges insuper Domini nostri quo plus Prædecessoribus nostris Jurium & Libertatum tribuebant, eò magis animis ipsorum ulteriore fortitudinem, sibi verò victorias, heroicamq; famam adaugebant. Magnum Libertatis nostræ arcanum, colligo ex historia, quod *in Polonia olim nemini licebat rubro colore uti, prater solos Nobiles;* ac si Progenitores nostri succedenti posteritati id inculcare voluissent, quod *Nobilitaris Libertas ex vulnere & sanguine nata, sanguineum quoq; colorem audacibus fortibusq; filijs ceu incitamentum elegerit.* Simile quidpiam habet Libertas cum generosioribus animalibus, quæ dum sanguinem cernunt, vires & animum advocant, fortiusq; periculis resistunt. Discant proindè invidæ Libertati nostræ Gentes, quod ut alijs omnibus, ita specialiter nobis Polonis Libertas nostra non pereundi licentiam, sed fortiora agendi faciendiq; alacritatem conferat.

*Ostenditur non eam esse Libertatem Polonam, ut per illam liceat Polonis sordide habitare, & sine ordine vivere.*

44. Fateri equidem debemus Poloni, quod ad structurarum delicias minus quam aliae gentes intenti simus; Attamen ita quoq; ducimus vitam (ut loquitur Lucas Opalinus in defensa Polonia) omni decoro, omni honestate exultam, non quidem Sybaritica mollitie, omni tamen affluentia instructam, adeoq; ab alijs Nationibus seu morum, seu politiæ cultu non superamur, ut etiam sapientia multa in alijs requiramus. Quidquid apud exterios venustum & decorum est, repetitis peregrinationibus excerpimus, & velut apes collegimus, utinam vero non virtus etiam morbosq; animorum. Et ex his quidem nostro

stro danno non pauca ab exteris hauiimus, non tamen degeneravimus omnino in corruptos illorum mores; Imitamur omnium venustatem, abominamur levitatem, vanitatem, sicuti nimiā culturā cum faminis ineptiant.

45. De Gallis suis scripsit Ludovicus Friesius: Hodie ita plerumq; instituuntur, quasi ad ludum facti essent aut jocum, in vestitu nihil modestum, aut grave, in sermone nihil temperatum; tempus inter speculum, pectinem & calamistrum occupari agunt; si quid diei superest, datur audienda exercendaq; histrionia, saltui, aut pilae ludo: ita tempus vita absunt digni profecto, quos Haecus post mortem jubeat cum Claudio aleā ludere peritus fritillō, quod nisi bellis saepe occuparentur, certe otio, & lasciviam periret Gallia. In cute curanda nimis affectata juventus, vestitum in dies plane mutat, nec illum solum, sed Capillitium & barbam & hoc forte male habet, quod non totam faciei formam, quamquam & hac satis mutatur, ut quem hodie senem vides, cras rasā barbā cum adscito capillitio juvenem vides, saepq; rideas atq; mireris, qua Medea istum tam cito recoxisset? &c. Itali sub obtentu culturæ, à Græcis alijsq; gentibus mollitie contractâ quam longè jam pridem à prisca virtute & gravitate recesserint, testatur Seneca: torquent ingenia desidiosa juventutis, nec illius honesta rei studium vigilatur, cantandi, saltandiq; obscena studia effaminatos tenent, Capillum frangere, mollitie corporis certare cum faminis immundissimis, se excolere munditijs nostrorum adolescentum singulare specimen est. Ejusmodi Urbanitatem & Culturam haud invidemus ulli genti; saltitare, gesticulari non discimus Nobiles Poloni, habemus namq; quā publicè, qua privatim alia gravia superiorum negotia, tum etiam oblectamentorum otia; histrionomiam

niam cæterasq; ineptias Italicis Gallicis, Germanicisq; Agyr-  
tis relinquimus, ac alijs otiantibus segregatisq; à publicis  
curis Exteris, ubi Regibus & Monarchis proficuum est il-  
lud Consilium, quod olim dederat histrio Romæ Augusto  
Cæsari: *Expedit sibi Cæsar populum circa nos nugis,  
otibz diffineri.* Aptè quidam serviles nationes non aliter  
sibi representabat, quam *aviculam in cavea*, cui providen-  
tia humana servitutem eò condit, quod *cavea pulchra*,  
quod escam suavem, aliasq; commoditates ei suppeditet.  
Saliunt proinde hæ captivæ Acanthides in venustis adorna-  
tisq; caveis suis, tripudent, jocentur, contra nos qui am-  
nè per Campos Libertatis nostræ volitamus, garriant, ta-  
men ad ejusmodi caveam, susq; servitutis lenocinia fru-  
strâ allicere conabuntur. Malumus in cultam in tugurio  
Libertatem Romuli, quam superbam in Palatio servitutem  
Tarquinij; charior nobis Libertas etiam in quisquilijs, quam  
servitus in auro.

46. In Civitatibz quoq; Nobilitas Polona nō figit stationē;  
*Mercatoribus atq; Opificibus incolatum hunc* ( inquit  
unus ex Polonicis) *relinquimus.* Gens nempe libera non  
Urbium angustijs stringi, verū sub Fove libero &  
nasci & degere præelegit, cum præsertim prima haec  
sit libertatis prærogativa domum habuisse ad libitum,  
quæ minus compta etiam gravior nobis est penes con-  
dimentum Libertatis; Nolumus hoc Urbico carcere  
velut generosiores feræ caved domari & frangi; No-  
lumus socordia atq; desidia otium conterere, verū  
seria innocens & amæna nobis est Villana occupatio,  
nam aut œconomicis laboribus tempus transigitur, dum  
quisq; suum Patrimonium diligenti industria excolt,  
neg

neḡ erubescit ruris negotia, quæ olim magnos cū Mario herdes obyss̄e accepimus gaudente s̄epius terrâ vo-  
mere laureato & Triumphali agricola Curios Fabri-  
ciosq; ovantes novimus; Quinclios arantes & dictaturam  
induentes; aut etiam venationi, quæ Liberalis plane &  
jucunda nobis in continuo usu est, indulgemus, aut lectio-  
ni aliquantium damus, aut amicorum officijs, & mutue  
bospitalitati, aut deniq; solitæ curis edacibus, & procul  
negotijs postæ vitæ, ut prisca gens mortalium vacamus:  
hinc est, quod apud nos Nobilitas innocentior, juventus  
purior, hinc constans probitatis studium, mores priscae in-  
tegritati & modestiae proximi, procul à depravationibus  
illis, & corruptieli, quibus plerumq; scatent animi genti-  
um externarum. Sanior enim in Campo aura virtutis est,  
inter septa murorum inclusa putrescit. In Urbanis namq;  
cætibus adfert quisq; seorsum suas culpas, quas mixti  
vulgant, ac velut compage tradunt invicem, capiuntq;  
morbos animorum; ut enim flumina per se dulcia false-  
scunt, cum in mare illabuntur, sic homines haud mali  
mixtione urbana inquinantur. Nihil verius dixit Hyp-  
politus apud Senecam:

Non alia magis est libera & vitio carens  
Ritusq; melius vita quæ priscos colat,  
Nam quæ relictis mænib; campos amat.

47 Inde provenit, quod apud nos Militiæ Nobilitas  
acrior, quia hos Annibales non effeminant Urbicæ deliciæ.  
Inde apud nos quamvis stante tam ampli Libertate hære-  
sis

sis nidum facere nequit in Statu Nobilitari, quia hæc pestifera contagio non tam facile per diffitas Nobilitatis curias serpit, prout posset serpere in gravibus Populo Urbibus. Indè ipsa Libertas quietior & securior, quia inter disgregatos desunt contagioꝝ factiones, desunt cætus turbæ. Id etiam Venetꝝ Libertati (ut considerat *Contarenus*) plurimum ad internam pacem juvat, quod & si in Civitate resideant, attamen tali, quæ impletis aquâ Canalibus dominus à domibus, plateas à plateis disjungendo occultas conferentias ac numerosos cætus arcet.

48 Disordinem in negotijs Reipublicæ ideo nobis exprobrant, quia ipsi servitute imbuti naturam Libertatis ignorant. Audiant Tacitum Priscorum Germanorum Libertatem describentem, & inde discant: Non bene *Libertati cum exacto Ordine convenire, neq; alio magis gentes liberas, quam disordine ordinatas esse solere*. Haud diffitemur etiâ Poloniâ stare disordine, insolitâ quidē apud alias gentes methodo, non exoticâ, nō Gallicâ nō Germanicâ &c. ast nostratim Polonica, imo acsi non humana, sed potius cælestia sunt confinia sibi Nomina, *Polus* & *Polonus*, proinde etiam in rebus significatis secum convenient, dum *Ordo Polonus Cælesti* apprimè se accommodat; In Cælo non omnes sunt fixi, sed etiam erratici Planetæ, qui Cælum perineat, ut errantes jā ad ortū, jā ad occasū simul tendere videantur. Attamen intra hunc suum disordinem superna Astra ordinatam valdè, & certè intellectu non assequendam Rempublicam exhibent, ortus occasusq; suos minimè mutant, & sublunaribus rebus solita semper emetiuntur tempora. Si quis porrò expectet sublunares, qui ab Astris procedunt effectus, mox querelas plurimas contra Cælestium sphærarum confusionem inaudiet, ille de frequentibus pluvijs, hic de siccis, torridisq; Diebus, & alijs aeris incommodis incusat Cælum,

&c &c.

& s̄x penumero stolidē insultat ipsi Altissimō. Verumtamen si profundiori indagatione naturam Libertatis, quam Deus causis secundis plenariam reliquit, consideraremus, si æternas ipsius rationes & fines, ad quos hęc omnia ordinata sunt, penetraremus, in tali cælestis Reipublicæ disordine magnum recognosceremus ordinem. Ita planè in nostra Republica, quia Libertas est apud eam instar naturæ, quamdiu ipsius ordinarium cursum violentia servitutis non sistet, tamdiu in disordinato ordine conservari debet.

49. Et planè si aliquis existimat Cælestis Reipublicæ disordinem vellet corrigere, deberet primò vix non totam rerum Universitatem perturbare, imò ipsas rerum creatarum naturas immutare, ita si quis nostram quoq; disordinatam Libertatem vellet ad ordinem redigere, certè illam susdeq; everteret, ac paucō aut nihilo ipsi relicto, metamorphosim servitutis induceret. Talem quem spectamus in exteris ordinem non carpimus, rectè est constitutus, sed pro illicis, non pro nobis; quia nobis tolleret libertatem, quā nihil pretiosius, nihil cherius habemus. Stamus tamen hoc disordine nostro æquè ac alij, qui circa regimen suum subtilissimis desudant ingenij distillationibus, & stabimus tamdiu, quoq; nobis discors inter Status Reipublicæ dissidentia armatam violentiam in negotia publica & præcipue in Electiones Regum non inducet. Nullus aliis disordo aut contentio, ast solum is unicus turbo nos cum Libertate evertere, aut ad aliquod præcipitium servitutis protrudere potest. Si consonat veritati (ut literati affirmant) quod Deus semper sibi eligat aliquam nationem quam specialiori Providentiā gubernet ac tueatur, nostræ certè id adscribi potest Poloniæ, quod illam solus Deus regat, ac mirabilibus benignis Providentiaæ suæ medijs à lapsu præserves. Per istum disordinem ac dissensionem nostram jam centiès pereundum

S

effet,

esset, nos tamen subsistimus & frequenter ignoramus, quomodo post gravem vix non ultimæ infelicitatis hyemem reflorescam⁹.

Hoc Arcanum op̄itulationis Divinæ circa nos pulchræ involvit facetiæ in Satyra sua Opalinus, ac illam ita exposuit.

50. *Protegimur almâ dextera summi DEI*  
*Conſuevit etenim Numen his uti modis*  
*Ut ſervienti moris eſt verna; fremit,*  
*Oppreſſus ille, truditur, tractos ſimul*  
*Deflet capillos, ſeqꝫ defendit, gemit;*  
*Tum Dominus altum riſus vacans tacer,*  
*Tandemqꝫ pueri concitus magno ſono,*  
*Tacete pueri clamet, ac illi procul ſtatim*  
*Fugiunt. Ita Deus ſepe Polonos videns*  
*Lugere, rideat: poſtmodum quando nimis*  
*Multumqꝫ cernit Lechiam noſtram premi*  
*Ceffate, clamat: Tartari, Turcæ, manus*  
*Hæc ſola Domini, Lechiæ ſatum tenet.*

*Oſtenditur per Libertatem non fieri in Polonia Paradisum Judeorum.*

51. Ex quo capite Polonia eſſet Paradisus Judæorum, haud intelligo, nonniſi ex eo, quod imposſibile fit, ut ali- quando hoc publico & privato Reipublicæ ſtatu poſſimus ex Polonia (ut in alijs factum Regnis) eos expellere, quamvis id enorſiſſimis contra Deum & ſangvinem Christianum ſceleribus promereantur. Tam altas hic radices fixerunt, ut Angelo nonniſi opus ſit cum gladio flammeo, qui

qui illos ex Polonia, ut primos Parentes ex Paradiso ejicierat. Ex alijs verò circumstantijs Ægyptus potius, quam Paradisus dicenda respectu Judæorum Polonia. Si etenim statum & conditionem nostrorum Judæorum cum alijs, qui per cæteras nationes dispersi sunt, comparaverimus, perinde esset, ac Dæmonem Angelo æquiparare velle. Plus quidem reperitur eiusmodi quisquiliarum in Regno nostro, quam alibi, ast in loco contemptibili & quasi sub scanno in angulo. Ego certè fugerem ex tali Paradiso, si cogerer sic luto conspersus incedere, tales vilibus quoq; hominibus extorsiones solvere & ab ipsis quoq; pueris persecutioes sufferre. Id tamen est certum, quod sordida avaritia & Regina pecunia sordibus istis donet formam, obtineantq; apud quosdam non modicos favores. Verùm, quod - pañim audient patrare enormia tyrannidis & horrenda sacrilegiorum contra Deum & sanguinem Christianum sceleram, quæ meo iudicio tamdiu non impeditur, donec illa Legib; cohipeat Respublica, quatenus (prout olim in Hispania) pro commissis puerorum laniens, tum pro contumelijs Deo nostro maximè in Sanctissimo Sacramento illatis, non tantum factores scelerum, sed etiam Synagogæ, quibus hi infidiales subsunt, eidem pñæ subjaceant; id enim absq; consilio & instinctu seniorum Judaicorum fermè fit nunquam. Certum, quod adimendo Christianis propinaciones, mercaturas, aliosq; vivendi modos, ceu tineæ Civitates arrodant; Non negatur & id, quod ad circumventionem Christianorum in ipso inferno distillatas inventiones habeant, verum est, quod in pluribus locis, Arendis, ac potestate super Christianos vix non Ægyptiacam servitatem in pauperes sacerdos inducant, quæ omnia magno apud mundum probro, apud Deum verò gravi us nos penitus exponunt. Attamen hi, qui in eo nos cavillant, si

seipsoſ ſcrutentur, eidem cenzuræ ſe obnoxios eſſe reperi-  
ent. Utrum enim non legimus, utrum non audimus, plu-  
ra alibi ejusmodi, velut apud nos committuntur, Judæo-  
rum ſcelera; deniq; per gratiam DEI, Judæi apud nos non  
tantis cumulantur favorib; ut in Academij noſtris (pro-  
ut alibi fit) ipſos ad Doctoratus promoteam; aut ſca-  
biosa capita Laureis, aut pufculatos digitos annulis, vir-  
tutis & honoris indicib; iſigniamus. Apud nos enim in-  
ter cæteros alios, quos à nonnullis obtinent favores ac præ-  
rogativas, primum & principale habent Judæi ornamen-  
tum, quod cingulo tenūs, aut etiam ad collum luto immersi fa-  
tidam ſcabiem ad mille paſſus redoleant.

Oſtenditur per Libertatem non fieri in Polonia  
infernum plebejorum.

52. Ad hanc calumniam contra illos, qui ſunt glebæ  
adscripti Andreas Fredro Caſtellanus Leopolienſis in fra-  
gmentis politicis ita respondet: Aliqui ab Occidenti de  
Monarchia Scriptores in noſtram plebem, tum & ru-  
ricolas abſolutum Dominatum velut aliquid ignobile &  
horrendum nobis objiciunt. Quid ergo indē inferent,  
quam ut nomine Monarchia & abſoluta potestatis vim  
tyrannidis includi velint, & proindē Monarchicum ſta-  
tum, dum ſub ſuis Monarchis vivunt, tacite lugeant,  
aliena ſub invidia aut titulo, accusaturi ſua, dum pa-  
lam loqui non licet; Acerbane loquor: minime, nam  
proprioſ eadem eſt non personarum, ſed furis, dum  
quifq; ē nobis Poloniſ ſui vulgi & bonorum arbitri quo-  
dammodo & abſolutus Monarcha eſt. Quanquam noſter  
Dominatus in plebeculam intra Leges conſcientia eſt,  
dum ſcit quifq; ē ruricoliſ, quid Operis ſeptimanatim,  
quid tributi annuatim Dominis pendat, ut per equi-  
ratem

tatem nihil suprà liceat extorquere; si verò sint aliqui  
aquitatis violatores, tām iniquo fure tyranni esse pos-  
sunt in suos, quam in vos vestri, si eveniant mali,  
cum Annales vestri passim malos ac bonos Principes  
vobis fuisse palam testantur; Eoq; graviori in vos ser-  
tute, quo magis in ingenuos illa exerceatur; nostra ve-  
ro plebecula nisi ad inferiorem parendi sortem nata  
est, nec totam Libertatem libere novit.

53. Quò ad alios autem Plebejos, Mercatores & Ci-  
vitatenses, prorsùs ignoro, quod ipsis in Polonia causet  
infernum. Haud paucæ apud nos sunt Civitates magnis gau-  
dentes Privilegijs à Republica concessis, quæ præter id, quod  
ratione fundorum Civitatis Jurisdictioni subjectorum, No-  
biles in suo subsellio judicent, insuper certis in casibus in  
eosdem Nobiles juxta Statutum Thoruniense criminales eti-  
am possunt extendere pñas. Mercatores verò, alijq; com-  
mercia tractantes, potiùs Nobilitati gravem imponunt ser-  
vitutem, adeò, ut quāvis Nobiles Polonos respectu eo-  
rum Libertatis mundus nominet Reges Regum, nihilomi-  
nus respectu hujus servitutis meritò appellari possint mo-  
re Papali Servi servorum, dum non hoc, quod dignum &  
æqvum est à mercibus præcipue ad portus devectis recipe-  
re, non hoc, quod dignum & justum pro rebus apud il-  
los coemptis solvere coguntur. Audivi à quopiam Scoto,  
qui in Polonia collectis divitijs, in eadem fixit domicilium,  
quod illum juvenem adhuc in Poloniā parentes expedi-  
endo narrabant hic arbores producere aurum, & unum-  
quemq; exterorum, modò non sit piger, ditescere posse.  
Verūm proindè fatentur, dum Poloniā aurifodinam Mer-  
catorum & peregrinorum nuncupant; Si verò homines  
civitates incolentes ad pauperiem deveniunt, non id causat  
Libertas Nobilitatis, ast ipsorummet luxus in compotati-  
oni-

onibus, epulis, ac vestitu. Haud diffitemur, quod apud nos Nobilem aut Dominum subditus præsertim hæreditarius (in Regalibus enim bénis, quæ Nobiles possident, aliter fit) adcitare ac cum illo Jure agere nequeat, nam hoc fôret verus infernus servitutis, quem nos exteris haud invideamus. Et quia hæc Libertatis nostræ prærogativa videtur ipsis esse infernus, non mirum, quod stygiô oculo illam intueantur.

*Ostenditur per Libertatem non ita Poloniā fieri Cælum Nobilium, ut sit purgatorium Regum, aut Limbus Ecclesiasticorum.*

54. Adversæ Libertati nostræ gentes invitè ferè beatos non hac sorte fatentur dum Poloniā propter auream libertatem Cælum Nobilium nuncupant, hinc ergò inferant, àn non eo ipso ad hanc rationabilem consequentiam ansam præbeant liberis Polonis; quod siquidem non negant Libertatem ex Polonia Cælum nobis efficere, etiam fateantur, necesse est, servitutem servilibus Nationibus ex earum Regnis & Imperijs efficere infernum.

Quod attinet Nostros Monarchas seu Reges illi apud nos in hoc Libertatis Nobilitaris Cælo sunt Soles Sere-nissimi, ast non ita, ut apud serviles Nationes, ubi hæc ma-jora Sydera juxta Poeticum Commentum pascuntur mino-ribus, ijsq; fortunæ & vitæ lucem pro libitu adimunt; sed ita cum libera gente procedunt, ut Sol cum subjectis Astris in Cælo, qui illuminare, & felices facere potest, oppri-mere autem & ecclypsare nequit, excepto si alicujus de-merita ceu interpositio terræ intercesserint, tunc enim idq; ordi-

ordinario Iustitiae cursu Luna aliqua Ecclipsim pati cogitur.

55. Habet partem veri fabula, quæ asserit solem aliquando cum Vento contendisse, quinam eorum viatorem in partes suas facilius inclinaret, id est cujus persuasione citius vestem, quam portabat, deponeret. Aggressus est primùm ventus, ast frustra vires exeruit, quō enim magis turbinosō statu illum insectabatur, eò viator fortius veste se involuebat, illamq; detinebat; dumq; ipsum commodè ire non permisit, declinavit ad locum quietiorem, ubi tamdiu delituit sedens, donec ventus re desperatā cessaverit. Tum demūm sol serenīs calidisq; radiis sparsis sensim viatorem calefacere, suōq; calore magis urgere cœpit: Hinc ille vestem discingit, & refibulat, ac demūm brevi depoñit, baculoq; post se appensam portat. Tale est propriè nostræ quoq; Poloniæ liberum Imperium: Libertas est nobis Cælum, in hoc verò Cælo imperantes liberæ genti Reges nequeunt esse, nec possunt, nisi tales soles. Ad ejusmodi Cælum, ad talem libertatem satiùs ipsi, qui nos ca-villant, aspirare deberent, non autem nos ad infernum servitutis suæ (ut mali genij facere solent) pertrahere.

56. Hoc verò Libertatis nostræ Cælum eò est supra alia Catholica Regna beatius, quod Serenissimo nostro Soli, ex Regali Sacerdotio Primatem Regni ceu Luminare minus in Vicariam Majestatis societatem adjunxerit, aliosq; plures ex hoc sacro Ordine veluti quædam primæ magnitudinis astra ab utroq; latere collocaverit. Invidō itaq; li-vore imbutæ servilium Nationum pennæ ineptè Poloniæ Orbi ceu lymbum Ecclesiasticorum repræsentant, in quo quantum virtuti & veritati detrahant, consulant ipsi propriam conscientiam. Hac illa Polonia (dicit noster anonymus Polonus) quæ à primo Christiani Nominis exortu in pranomine Dualem titulum, summi honoris &

pra.

prærogativæ argumentum Spiritualibus concessit. Xiędz enim olim Polonis idem fuerat, quod hodie Dux aut Princeps; unde in antiquis Regum titulis legimus: Xiędz Litewski Mazowiecki, loco Xięze Litewskie, Mazowieckie: Et hæc illa Polonia est, quæ prodigali suâ in Ecclesiæ, earumq; ornamenta Liberalitate omnia ferè Catholica Regna superat adeò, ut profusam hanc beneficentiam interpositâ Authoritate Sedis Apostolica per Legem publicam restringere fuerit necesse. Hac illa Polonia est, quæ Statum Ecclesiasticum amplissimis Privilegijs exornavit, Libertate Equeſtri Ordini exaquavit in omnib; prætulit in multis. Hac illa Polonia est, quæ collum illud nullius jugum ferre unquam solitum, illas manus Libertatis vindices, illum animum ad imperandum natum Romanis Pontificibus submittit humillime. Hac illa Polonia est, quæ Virginis Beatissimæ honore usq; adeò afficitur, ut nullus unquam Polonorum adhuc exstiterit, qui Nomen hoc Sanctum M A R I A in suam problem transferre ausus fuisset; Imo in Regina quoq; sua Volodimiri Russiae Ducis filia Casimiro I. nupta pati id Poloni non poterant, adeòq; non prius coronam ejus capitii imposuerunt, quam illa Nomen M A R I A cum Dobrogiewa commutaret. Haud frustra Dombrowka quæ Mieczislawo Nostro, & unà omnibus Nobis Polonis Catholicam fidem attulit, viridi semper sertò quamvis juncta matrimonio, (ut testatur historia) utebatur. Augurium id Sanctæ Matronæ fuit, Catholicam fidem, ac cum illa Spiritualem Statum speciali suprà alias gentes modo in Polonia semper florentes fore.

57. Verum equidem est, quod bona Spiritualia habent sua præsertim titulo stipendiorum pro militibus onera, ast ubi in Orbe sunt immunia à similibus si non à gravio-

vioribus? Scimus alibi vix subinde non à Breviarijs ga-  
 bellas exigi. Benè quidam ex Spiritualibus dixit: *Nos mi-  
 litibus concedimus panem, ast Libertiatis pietas Catho-  
 licorum dat nobis marcipanem.* Verùm est reperiri ta-  
 les in Polonia, quorum aciem decor ac opes Ecclesiarum  
 ut olim Judæ Proditoris perstringunt, & qui simile quid  
 Dyonisio Syciliæ Tyranno si non faciunt, saltim dicunt:  
 Ille aliquando Athenis templum visitans, avaritiam, Sacri-  
 legumq; animum astutô hōcce palliavit prætextu. Vedit  
 Statuam seu idolum Jovis palliō aureō vestitum, & dixit:  
*ad quid hoc pallium Jovi hyeme non calefacit, astate  
 vero gravat, jussitq; illud destrahi.* Conspexit apud Dia-  
 nam, Arcum, aureasq; sagittas & inquit: *à tam longo  
 tempore hac Dea arcum tenet, & nec semel jaculata  
 est; nec spes est, ut aliquando jaculetur ad quid illi his  
 opus est? jussitq; auferri.* Apud senem Mercurium vedit  
 aureum malum in manu, & ait: *Iste Senecio aut comedet  
 hoc pomum, aut non comedet? si non comedet, non  
 eget illo; si vero comedet? ad extremum dentes sibi tam  
 duro cibō confringet, jussitq; adiri pomum.* Advertit in ex-  
 tensis manibus Fortunæ Deæ aureas splendore Coronas, alic-  
 rumq; diversorum honorum insignia, dixitq;: *Ecce libera-  
 lis Dea hac omnia porrigit, hi vero, qui hic frequen-  
 tant, adeo sunt simplices, ut accipere recusent, sublatissq;  
 his omnibus ex manibus pro dono gratias egit.* Vedit apud  
 Æsculapium prolixam auream barbam, & exclamavit: *se-  
 nior sane est illò Pater ejus Apollo, & tamen barbā caret,  
 jussitq; illam auferri &c.* Verùm est tales quoq; apud nos re-  
 periri, qui in congressibus, ac colloquijs malignò dente Ec-  
 cleiam, & Ecclesiasticos rodunt adeò, ut quondam Nobilium  
 unus, sed non coloratus Catholicus ad Comitiola tendens,  
 sciensq;, quod ibi Status Spiritualis proscina datur, interro-

T

gatus

gatus à quopiam, quô pergeret, respondit: *pro Capitulo.* Nihilominus id omne intra verborum aculeum hæret stante integritate Statûs Spiritualis & Ecclesiarum, Sapienter quidam altioris Ordinis Senator dixit, quod is pruritus liberè loquèdi in Polonia est veluti quoddam vomitoriu Libertatis, quidquid enim venenosî & acerbi contra Regem, contra Spirituales, contra Senatû, contra Officiales Regai, aut alios Ministros Statûs nobis inest, omnes hoc malum evomimus, quandocumq; liberò de illis multiloquio exundamus, nulli vero ita nocemus, ut nocent aliæ gentes, ubi ob vinculum lingue hoc venenum tamdiu in abdito latet, quo usq; in Monarchiam aut seditionem, vel in alia scelera nō erupat.

58. Insuper plures absq; cōparatione inter Catholicos Nobiles sunt, qui in ejusmodi occasionibus Aras & Ecclesiæ contra suos Concives satis zelosè propugnant. Non unus invenitur, qui sentit & dicit cum Kochanovio:

*Culpare nostros haud Patres quisquam potest,  
Quod Clericalis plurimis Status bonis  
Donatus ample: fine cum factum sacro  
Bonoq; nostro; Civibus nostris enim  
Ceu hospitale Status is nobis venit,  
Ut præmiorum census in promptu foret.*


Haud unus euadem spirat Entheum & virtutem, atq; ille, quem olim in Comitiolis Luceorienibus hoc sensu perorantem multi audierant: Haberem, inquit ipse, quæ contra Spirituales detonarem, ast dum Antecessorum nostrorum Epitaphia pendentesq; hastas, vexilla, ac cum illis bellica arma specto, metuo, ne gladios & hastas suas arripiant, atq; ex Ecclesia, quam illi Catholicâ devotione, sanguinèq; propriô defendebant, nosmet exturbent. &c.




# *Errata sic Corrigenda.*

- |                                     |                                    |
|-------------------------------------|------------------------------------|
| P. 6. l. 26. cum, l. eum.           | P. 60. l. 16. expertentia          |
| P. 8. l. 28. Veneris, l. veneris.   | 1. experientia.                    |
| P. 9 l. 27. debent, l. debeat.      | P. 66. l. 4. affe l. esse.         |
| P. 10 l. 5. pupulares l. populares. | P. 68. l. 26. solatum l. solarium. |
| P. 16. l. 27. vcneno l. veneno.     | P. 69. l. 25. Cadidatis l. Can-    |
| P. 19. l. 27. Respiblicæ,           | didatis.                           |
| 1. Respublicæ.                      | P. 71. l. 14. quandam l. quadam.   |
| P. 24. l. 8. dum l. duos.           | P. 75. l. 18. alis l. alijs.       |
| P. 25. l. 22. concedant l. con-     | P. 76. l. 7. Otdo l. Ordo.         |
| cidant.                             | 9. Ltbertadis l. Libertatis.       |
| P. 34. l. 2. plebi l. plebs.        | P. 82. l. 4. Monstrerum l. Mon-    |
| 22. oppotet, l. opportet.           | strosum.                           |
| P. 35. l. 31. vetia l. vitia.       | P. 92. l. 20. enim plus l. enim    |
| P. 51. l. 21. ottia l. otia.        | se plus.                           |
| P. 53. l. 4. Sacerdotales l. Sa-    | P. 98. l. 23. ut l. at.            |
| cerdotales. 12. est l. sed.         | 24. meum l. meam.                  |
| P. 52 l. 3. inquietes l. inqui-     | P. 107. l. 12. quin l. quod.       |
| etos.                               | P. 109. l. 22. coaluerunt l. co-   |
| P. 53. l. 10. anotomia l. ana-      | aluerant.                          |
| tomia.                              | P. 116. l. 13. Libertatem l. Li-   |
| P. 55. l. 9. horrendum l. hor-      | beralitatem.                       |
| rendam.                             | P. 129. l. 32. ta l. ut.           |
| P. 56. l. 31. æpulalitas            | P. 143. l. 143. Libertatis         |
| 1. æqualitas.                       | l. Liberætatis.                    |
| P. 58. l. 13. fedula l. fedulo.     |                                    |







Biblioteka Jagiellońska



str0016199

